

四庫全書

史部

欽定四庫全書

史部

河南通志卷七十五

詳校官鑒察御史_臣莫瞻蒙

檢討臣德生覆勘

總校官編修臣王燕緒

校對官中書臣高 中

謄錄監生_臣施 華

欽定四庫全書

河南通志卷七十五

藝文四

歷代詔誥

漢武帝封姬嘉為周子南君詔

祭地冀州瞻望河洛
巡省豫州觀于周室

邈而無祀詢問耆老迺得
其封嘉為周子南君以奉周祀

加增太室祠詔

朕

事華山至於中嶽復駁庶見
嵩高御史乘屬在廟旁吏卒咸聞呼萬歲者三登禮

祠不答其令祠官加增太室祠禁無伐其草木以山
下戶三百為之奉邑名曰崇高獨給祠復亡所與

昭帝封傳介子為義陽侯詔

樓蘭王安歸常為匈奴間候遮漢使者發

兵救畧衛司馬安樂光祿大夫忠期門郎遂成等三輩及安息大宛使盜取節印獻物甚逆天理平

樂監傳介子持節使誅斬樓蘭王安歸首縣之北闕以直報怨不煩師眾其封介子為義陽侯食邑

七百戶士刺王者皆補侍郎

宣帝褒頽川太守黃霸詔

頽川太守霸宣布詔令百姓鄉化孝子弟弟貞

婦順孫日以衆多田者讓畔道不拾遺養親課寡贍助貧窮獄或八年七重罪囚吏民鄉於教化興

於行誼可謂賢人君子矣書不云乎股肱良哉其賜爵關內侯黃金百斤秩中二千石頽川孝弟有

行義民三老力田皆以差賜爵及帛

東漢光武封密令卓茂詔

前密令卓茂來身自修執節淳固識能為人所

爲夫名冠天下當受天下重賞故武王誅紂干之墓表商容之閭今以茂爲太傅封褒德

邑

作壽陵詔

古者帝王之墓皆陶人瓦器木車茅馬使後世之人不知其處

藏終始之義景帝能遵孝道遵天下反覆陵獨完受其福宜不美哉今所制地不過二

尺爲山陵陵水而已

明帝幸辟雍初行養老禮詔

光武皇帝建三朝之禮而未及臨饗眇眇

屬當聖景開暮春吉辰初行大射令月元日辟雍專事三老兄事五更安車輓輪供綏執

王改臂公卿饌珍朕親祖訓執爵而醑祀噉祀在俊升歌鹿鳴下管新宮八佾具脩萬

疏

汴渠決敗六十餘歲加頃年以來雨水不

存膏壘極幼孤患鰥寡朕意焉汴渠

其賜天下三老五更皆有二十石祿養

朕無忘厥心三老李躬年耆學明五更桓

朕聞淳德何呂克當易陳負乘詩刺彼已

五門河汴分流復其舊迹陶丘之北漸就

思繫塞之費百姓無陷溺之患議者不

可流入汴幽冀家利故曰左隄強則右隄

五冀州所岸陽陽極望不知網紀今兗豫

板水患乃云縣官不先人急好興它佞又

可流入汴幽冀家利故曰左隄強則右隄

思繫塞之費百姓無陷溺之患議者不

可流入汴幽冀家利故曰左隄強則右隄

五冀州所岸陽陽極望不知網紀今兗豫

板水患乃云縣官不先人急好興它佞又

績令反上之宜反其正色漬渠下田賦與貧人無令豪右得固其利庶繼世宗孤子之作

章帝幸河內詔

車駕行秋稼觀收穫因涉郡界皆精騎輕行無他輜重不得輒修橋

道遠離城郭遠吏逢迎刺探起居出入前後以為煩擾動務省約但忘不能脫粟瓢飲耳所過欲令貧弱有利無違詔書

安帝賜河南尹豹等詔

吾所以引納羣子置之學宮者實以方今承百王之

敝時俗淺薄巧偽滋生五經衰闕不有化導將逆陵遊故欲褒崇聖道以匡失俗傳不云乎飽食終日無所用心難矣哉今末世貴戚食祿之家溫衣美飯乘堅驅良而面牆街學不識臧否斯故禍敗所從來也永平中西姓小侯皆令入學所以矯俗厲薄反之忠孝先公既以武功書之竹帛兼以父

造教子孫故能東修不竭羅網誠令兒曹上迷
祖考休烈下念詒書本意則足矣其勉之哉

魏文帝營壽陵詔

禮國君即位為梓存不忘亡也
昔先王教林通樹之禹墓會稽

我不易故莖於山林則合乎山林封樹之制非
上古也吾無取焉壽陵因山為體無為封樹無立
寢殿造圓邑通神道夫墓也者藏也欲人之不得
見也骨無痛痒之知家非棲神之宅禮不墓祭欲
存亡之不黷也為棺槨足以朽骨衣食足以朽肉
而已故吾營此丘墟不食之地欲使易代之後不
知其處無施葦炭無藏金銀銅鐵一以瓦器合古
塗車芻靈之義棺但漆際會三過飯舍無以珠玉
飾珠襦玉匣諸愚俗所為也季孫以璆璫飲孔
子歷級而救之譬之暴骸中原宋公厚塋君子謂
季元樂豈不臣以為棄君於惡漢文帝之不發霸
陵無求也光武之掘原陵封樹也霸陵之完功在

釋之原陵之掘臯在明帝是釋之忠以利君明帝
愛以害親也忠臣孝子宜思仲尼丘明釋之之言
鑒華元梁莒明帝之戒存於所以安君定親使魂
靈萬載無危斯則賢聖之忠孝矣自古及今未有
不亡之國亦無不掘之墓也喪亂以來漢氏諸陵
無不發掘至乃燒取玉匣金縷骸骨并盡是焚如
之刑也豈不重痛哉禍繇乎厚塋封樹桑霍為戒
戒不亦明乎其皇后及貴人以下不隨王之國者
有終沒皆塋潤西前又以表其處夫蓋舜塋蒼梧
二妃不從延陵塋子遠在羸博魂而有靈無不之
也一潤之間不足為遠若違今詔妄有所變改造
施吾為戮尸地下戮而重戮死而重死臣子為蔑
死君父不忠不孝使死者有知將不福汝
其以此詔藏之宗廟副在尚書秘書三府下潁川
詔潁川先帝所由起兵征伐也官渡之役四方瓦
解遠近顧望而此郡守義丁壯荷戈老弱負糧

昔漢祖以秦中為國本光武恃河內為王基
今朕復於此登壇受禪天以此郡翼成大魏
改雒

為洛詔

火行也火忌水故洛去水而加佳魏於行
次為土土水之牡也水得土而乃流土得

水而柔故除佳
加水變雒為洛

晉武帝勞汲郡太守王宏詔

朕惟民食之急而懼
天時之運夙夜警戒

念在於農雖詔書屢下教勵殷勤猶恐百姓廢惰
以損生殖之功而刺史二千石百里長吏未能盡
勤至使地有遺利而人有餘力每思聞監司糾舉
能否將行其賞罰以明沮勸今司隸校尉石鑒上
汲郡太守王宏勤恤百姓導化有方督勸開荒五
千餘頃而熟田常課頃畝不減比年晉饑民食不
足而宏郡界獨無匱乏可謂能矣其
賜宏敕千斛布告天下咸使聞知

梁武帝汝穎建州詔

二豫分置其來久矣今汝穎

為豫州壽春為南豫改合肥為合州北廣陵為淮州項城為殷州合州為南合州

守視晉

宋齊諸陵詔

命世興王嗣賢傳業聲稱不朽人代

宿草榛蕪望古興懷言念愴然晉宋齊三代諸陵有職司者勤加守護勿令細民妄相侵毀作兵有少補使充足前無守視並可量給

北魏世祖都洛陽立太學詔

高祖德格兩儀明並日月傳文教以懷遠

人崇禮學以旌俊逸徙縣中區光宅天下總霜露之所均一吉卜於洛浹戎緒兼興未遑儒教朕纂承鴻緒君臨寶厯思模聖規述遵先志今天地清寧方隅無事可勒有司準訪前式置國子立太學

樹小學
於西門

孝文帝祭嵩高山文

維太和十八年敬昭告於嵩
高中嶽之靈太極分渾兩儀

是生辰作乾寶嶽樹坤靈昭彰天地吐納五精唯
中挺神祥契幽經日月交暉寒暑遞成萬象含和
兆類孳盈爰自化闢倣慶胥庭軒轅曜哲伊祁載
形逮於有周實光洛徵川潛龍光山隱鳳停三才
惡微七曜依明人倫傾首百神柔誠造厥區夏歷
茲三正應符代續孰不斯營曰乎皇魏飛虬元并
矯騰穹象用九黔羸新邦興畧丕猷罔清佗瓊指
陰淹翠濕亭河圖曠覽升中闕銘朕承法統誕邀
休宏開物成務載鑠成齡遷宇柳方闌絕塵城則
直之興百堵若星日躔流馥月陸芬馨鰭旋紫宿
景曜黃衡鶯聲鳴鶯和嚶嚶歸蓋如雲還輶若
霆惟高崑崙峻極昊青惟邑翼翼長啟魏京薦玉

多福萬國以享祭河文維太和十九年皇帝告於河清之靈坤元涌溢

黃帝作珍浩洪流實禪陰濟通源導物含介藏

龍興洞厥百川朕承寶歷克纂乾文勝鸞淮方旋

河清龍船御清風拂乘雲汎汎棹舟翻翻沂津

我皇遊光余夷清聲開水利漕惟興載新

千鑑桓桓萬艘斌斌保我大儀惟爾作神

唐太宗建東都詔

朕聞踐華固德百二移乎建瓴卜洛歸仁七百崇乎定鼎是以

膏腴於天府政黃圖於渭濱襟沃壤於王城摘

宇於河渚市朝之城麗皇州之九緯子紫之原

起神皋之千里二京之盛其來自昔心茲宇宙通

有於四方交乎風雨均朝宗於萬國為阜之規

行勤測圭之地載章宜得宅帝之鄉獨稱都於四

里王之邑遷建國於三川宜改洛陽為東都

六

贈張大師比干詔

望諸列國之相漢主尚求其後

直之直道青松而孤絕忠勇之操掩白玉

者幾殷故少師比干貞一表德臣隣成性

之量屬無妄之旅玉馬遽馳懸其邦之珍

將據惜其君之寢寢見善不同懷忠蹈節

輕其百齡之命淫刑既逞碎其七尺之

周王封塞莫救焚原之禍孔聖稱仁寧道

痛固以冤深終古悼結彼蒼朕觀風趙北

東碣遷承泰之墟緬懷梓村之地駐蹕而

以爲臣撫躬而想幽泉思開其疎盡忠

於往冊揚名之典無聞於後代宜錫寵

頌心可追贈太師諡曰忠烈公仍遣三品

告四品爲副封崇先墓修其祠堂州縣春

祀以少牢給隨近

供祭享及灑掃

玄宗賜隱士盧鴻乙還山制

昔在帝堯全許由之節緬惟大禹聽伯成

之高則知天子有所不臣諸侯有所不友邇之時
義大矣哉嵩山隱士盧鴻乙抗迹幽遠凝情篆素
隨居以求其志行義以達其道雲卧林壑多歷年
載傳不云乎舉逸民天下之人歸心焉是乃飛書
呈穴備禮徵聘方行獻替式弘政理而矯然不羣
確乎難拔靜己以鎮其操洗心以激其流固辭榮
寵將厚風俗不降其志用保厥躬會稽嚴陵未可
名屈太原王霸終以病歸宜以鍊議大夫致還山
衣給米百石絹五十匹充其藥物仍令府送隱居之
所若知朝廷得失具以狀聞授崔隱甫河南尹制
三川作都四方取則任能而理求舊為先錄青光祿
大夫守太子賓客上柱國崔隱甫冠冕碩人朝廷
偉量士林之秀公望歸直而能溫寬以濟區累踐
臺閣備彰德器策

教之務風化所急鎮茲雅俗使彼正人宜受任於兼官俾重臨於故府

肅宗授李勉河南尹制

四方取則十里分圻實惟卜洛之都咨爾尹京之任

御史中丞東都畿內觀察使李勉才茂宗枝名惟公器風標自肅採履愈高智畧可仗於安危忠貞克同於休戚親賢是類中外必聞屬非觀觀風三川展義來蘇望切處劇才難實資模楷之良共緝保釐之政

憲宗答杜兼謝授河南尹璽書

卿文通史道學達政源凡歷官常軌

國績効觀能以投俾亞理於三川試可而遷宜專臨其一府盡委封畿之政仍兼運漕之權歲時之間行有勞効勉共同職重副予懷

文宗授裴休汴州節度使制

將相大臣內外迭任入奉股肱之寄出為

藩翰之雄無爽其瞻式彰注意集賢殿大學士上
柱國河東縣開國子裴休氣稟嶽靈夢叶巖瑞威
鳳孤翔於玉闕仙鶴獨步於芝園學精典墳文緯
邦國自振廷對策諫列升班粉署擅裁卿之榮綸
聞回五字之對日司饋運整帛牢籠策畫每得於
親聞功庸必見於顯勛章程軌範歷試無差是用
付以權衡宜承任委咨之遠畧炳然大綸四后協
心萬方繫屬今百度有截庶績其凝前時屢以疾
辭猶煩卧理宜無優賢之道因遂由衷之慮乃眷
景光實為重藩荒大原於周疆接小沛於貢壤富
庶將及懼勇無譁仁化已洽於一方清風漸扇於
全境閑閑自固懸轍不鳴可仗台臣寘之靜理爾
其踐厥位暢厥庸侯服既增相印不解輔弼莫繫
於遠邇聲容暫間於朝昏敬哉戒之服我重命可

汴州刺史充宣武軍節度副大使知節度事兼亳州太清宮散勲封如故

宋太祖幸西京詔

建鼎洛邑我之西都燔莽泰壇國之大事況削平江表底定南

方推率土之混同自上天之鑒祐內慙涼德感是洪休得不暨以恭虔申其告謝瞻維京而四顧兆陽位於南郊豆籩陳有楚之儀黍稷奉惟馨之薦朕今暫幸西京有事於園丘宜令有司各揚其職禮容儀衛典故在焉祇事肅成無或煩擾諸道府不得以進奉為名輒有率歛凡在中外當體予懷

太宗除呂蒙正中書侍郎兼戶部尚書平章事制

天道無私日月星辰助其照皇王不宰股肱輔弼代其工所以瑞拱守成垂衣制理永建丕平之景運遐追三五之令猷其有業茂經綸才推謹厚參大政而已淹星歲東至公而無捨寅昏宜頒出綍

之殊恩俾正持衡之重柄爰擇剛日特降命書推
忠佐理功臣朝散大夫給事中叅知政事柱國東
平郡開國男呂蒙正四氣均和五行鍾秀有濟時
之畧輔之以溫恭挺命世之才守之以循默爰觀
舜旌之進善遂指魏闕以來儀臨軒觀敏瞻之能
射策見縱橫之畧暨茲登用益著謨明公忠推社
稷之臣凝重見廟堂之器眷茲大體久鬱具瞻屢
宣作礪之功克懋秉鈞之績別錫褒功之美號仍
陞馭貴之崇階勲藉增榮井田加賦預列侯之峻
爵同大利之計書顧優恩之在茲諒名器之無假
於戲雲從龍而風從虎今也其時啟乃心而沃朕
心必求諸道爾宜周旋庶政佐佑眇躬緩茲宵旰
之憂翊我隆平之運
同底於道宣不美歟

真宗伊尹廟碑贊有序

始就於桀以勸人臣之忠
後歸於湯以濟天下之難

咸有一德敷祐萬方大節昭明嗣王服其訓餘慶
不墜令子承其家舊禮攸存明祀斯享朕因駐蹕
永用懷賢聊復刻銘庶幾旌善贊曰成湯之仁溥
率來賓阿衡之忠天輔成功民難既平嘉謨實貞
王室不衰大訓可知知蘋蘩之祭
傳于永世金石之刻表予褒德
賜陳堯叟詔 勅堯
所上表以赴河陽戀闕事具悉卿象緯儲靈珪璋
挺秀出符亭會入掌鴻樞正色立朝得大臣之體
精衷奉上有良弼之稱副彼民瞻居然國器而偶
嬰疾疾願罷鉤衡朕重違乃誠韋隆異數乃莅陪
京之鎮庶諧養素之心方戒途而有期遽削牘而
來上傾輸懇悃眷戀闕庭見愛君之愈深宜勿藥
之非晚覽觀之際駭
嘆良增故茲特詔

仁宗授陳堯佐判鄭州詔

朕慕紹丕圖又寧區夏
務審求賢俾東國鈞其

則明密格敷崇之以寬則威信不立故當擇精
既通之人以參其職兵部員外郎張中庸材劇
用時行簡而志堅處煩決疑必有餘裕俾贊浩
之政當通寬猛之中此乃根本之地爾惟欽哉

徐富弼同中書門下平章事判河南府制

三台處

物之化四載總外以牧黎民之蕃如山河之經
州如股肱之衛一體出處之際朕無間然其官
之未形奇名起於三朝威德儀于百辟卿名從於
之尋俾進翔於家司為日尚新何恙靡已未及經
之務遂陳避位之辭詔雖屢而莫回章甫卻而
之朕惟恐自念嗟其能勝既閑勞於政幾其聽
遂於弘佚建彼徐節以殿東郊守茲洛汭以保西
宅乃位鴻鈞之貴尚優黃髮之行於戲不處成功
享老氏榮名之畏其從元吉安義經履道之終雖

弗從於吾游亦自保於而福

除文彥博司徒判河南制

東國大鈞絕席

廟堂之上經時常武運籌博祖之間維吾老成多所更踐懇辭幾務任殿近藩敷告于廷進時厥位推忠協謀崇仁同德經邦贊治守正保運亮節佐理功臣樞密使劍南西川節度管内觀察使處置僑道等使開府儀同三司守司空檢校太師兼侍中兼鄆郓收制置使行成都尹上柱國路國公文彥博器質宏偉智謀靖深逮事祖宗早登丞弼周旋左右當四海之具瞻密勿樞機寄萬邦之為憲肆予繼御屬在倚賴深惟注意之勤勉徇均勞之請眷言耆舊宜所褒崇增秩上公衍封真賦光華故里揭全晉之旌抗體息名威壯陪原之屏翰出入中外始終顯榮於戲進而論道經邦則必告嘉猷于后退而承流宣化則必下膏澤於民爾惟欽哉尚多受祉

英宗封韓琦魏國公誥

王者紹景炎之序履皇極之尊永惟置器之艱屬在

生王之學睦夫上罕翼我先朝適及委裘之辰肆予眷矜之始定東宗社貴心神明遠躬丕務之咨敷復元敷之獎首尊邦渙誕告朝倫門下特郎兼兵部尚書同中書門下平章事韓琦器博而適時道闕而濟物稟星辰之精粹會日月之休明歷宣外勢更倚二柄蹈夷險之一節寄安危之大機仰文考之知賢絕時髦而登用維名公之託寄聞顧命之言維漢相之謀終應大橫之兆蓋懷先見者識之遠決至慮者材之英天扶不拔之基神贊非常之輔是用進文昌之卿序正黃閣之台符隆以封爵之文益之戶田之數以蓄爾寵以慰爾庸於戲天倪靡私居飭有邦之畏民公曷戴一歸厥后之仁念先猷之弗敢康顧成業之不可恃益經茂烈永佐昌圖

神宗封富弼為鄭國公制

東錄膺圖將繼配天之大業銓時論道必資名

世之元臣以言乎體貌則舊德之英以言乎望實則羣材之表爰立作相宜莫如公丕昭寵數之殊孚告治朝之聽中書門下平章事尚書左僕射昭文館大學士富弼智資大雅德懋碩膚學足以造聖人之微幾足以通天下之變錄賢科之得雋據遠業以奏功在仁祖時則首冠廟堂有弼諧九德之美在英考世則再登樞府有折衝萬里之謀庶績已熙太平將洽屬留侯之多病容裘度以為藩愷悌所宜神明自復方王家之不造固賢者之有為肯居畎畝而志猶在於愛君今處朝廷而義豈忘於憂國是用名從方守進拜元台仍左揆之舊班兼東臺之茂秩爰田衍臧盟府易勲茲實異恩庸昭注意於戲上理乎天工則日月星辰以之順下遂乎物宜則山川草木以之蕃近則諸夏仰德

以承流遠則四徵頌風以待命凡予
欲治惟爾責成勉盡嘉猷用光丕訓

哲宗立皇后孟氏制

正家者義之先大昏者禮之
本朕繼體持盈側身思永太

母以萬世為心命度宗事大臣以兩極陳義請建
坤儀載蠲吉日敷告大庭故侍衛親軍馬軍都虞
候若州防禦使贈太尉孟元孫女幽閑專靜
雅愿柔則天作之合人謀協從可立為皇后

理宗

改賜岳飛諡忠武詔

主爾忘身茲謂人臣之大節
諡以表行必稽天下之公言

申錫贊書追告幽窆故太師追封鄂王諡武穆岳
飛威名震於華夏智畧根乎詩書結髮從戎前無
堅敵枕戈厲志誓清中原謂恢復之義為必伸謂
忠憤之氣為難遏上心密契詔札具存夫何權臣
力主和議未究凌烟之偉績先罹愆恤月之陰謀孝
將軍口不出辭聞者流涕聞相如身雖已死深然

猶生宜高皇眷念之不忘肆考廟矜辰之備至亟
還故官而禮葬頒賜廟號以旌褒建于先帝之時
禋以真王之爵既辨誣于累聖可無憾於几京然
而易名之典雖存議禮之書未一始為忠愍之號
旋更武穆之稱朕獲觀中興之舊章灼知皇祖之
本意爰取危身奉上之實仍采克定禍亂之文合
此兩言節其一意肯孔明之志興漢室若子儀之
光復唐都雖計致以或殊在秉心而弗異垂之典
冊何嫌今古之同符賴及子孫將與山河而並久
英靈如在茂渥共承可依前故太師追封鄂王特
與賜諡忠武奉勅
礪石牒列奉行

元世祖命許衡為懷孟教授制

咨爾許衡天資雅厚經學精專諸凡

講論之間深得聖賢之奧受罰者恐陳君所短為
盜者畏王烈之知所在嚮風允堪正俗可令於懷

孟等處選揀子弟俊秀者舉歸教育取作範模再
令董子帷前有傳受之弟子重使王通門下皆經
濟之名臣母喪追封程顥豫國公詔朕惟三千之
斯文以弼予治追封程顥豫國公詔朕惟三千之
瞻言往哲式克似之故河南伯程顥體備至和躬
承絕學元氣之會鍾於獨得聖人之道賴以便明
繫百世之醇儒宜追崇之可後爰蒐盛典爵以上
公於戲細想德容儼揚休而山立聿新禮命敷渙
號以風行服此追封程顥洛國公詔朕惟孟氏以
寵章益綿道脉追封程顥洛國公詔來千有餘歲
不有先覺孰任其承故伊陽伯程頤本諸躬行動
有師法謂初學入德始乎致知格物謂隨時從道
在乎觀象玩辭遺書雖見於表章異數竊稽於封
冊昨之大國庸示褒崇於戲規矩準繩庶有存於
矜式山龍黼黻匪徒侈於儀章懋相人
文以對休命可追封洛國公王者死行

明太祖改正嶽鎮海瀆城隍神號詔

自元失馭羣雄鼎沸土

宇分裂聲援不同朕奮起布衣以安民爲念訓將
練兵平定華夷大統以正永惟爲治之道必本於
禮考諸祀典知五嶽五鎮四海四瀆之封起自唐
世崇名美號歷代有加在朕思之則有不然夫嶽
鎮海瀆皆高山廣水自天地開闢以至於今英靈
之氣萃而爲神必皆受命於上帝幽微莫測宜國
家封號之所可加禮不經莫此爲甚至於忠臣
烈士雖可加以封號亦惟當時爲宜夫禮所以明
神人正名分不可以僭差今命依古定制九嶽鎮
海瀆並去其前代所封名號止以山水本名稱其
神府州縣城隍神號一體改正歷代忠臣烈士亦
俟當時初封皆以實號後世溫美之稱皆與革去
其孔子善明先王之要道爲天下師以濟後世非
有功於一時一王者可比所有封爵宜仍其舊庶

道
 統
 中
 嶽
 廟
 告
 文
 三

中國原寧然於神之祀若以上古之君言之則君
為民而禱載有春祈秋報之禮於斯之祀者有望
於神而祭者有狩於所在而燎瘞者今予自建國
以來十年于茲國為新造民為初安是不得親臨
所在而祀神也特遣開國功臣湯和道士陳玉京
劉崇元以如予行奉犧牲祝帛於祠下以報効靈
自今以後歲以仲秋詣祠致祭惟神鑒知 昔者
元運將終英雄並起民受兵殃時予亦與羣雄並
驅幟兵保民上帝默相山川受命効靈所在必克
轉戰五年餘方乃兵偃民息衆樂生生之計天下
太平二十八年矣今洪武乙亥四月間廣西布政
司報蠻夷之長龍州趙宗壽奉議州黃世鐵不備
治化司固陝民兵興之事本重既行不敢不告所
以告者兵行十萬各離父母妻子途間饑飽勞逸
山嵐瘴氣染患者有之此兵行之難兵入其境良
民受害剝蝕生焉民驚且移未有不傷此其所以

告也其所以告者但願禱燭之方化煙嵐為清涼
之氣早珍渠魁良善安棄軍士送回各得完聚以
養父母是其禱也然予未敢但告上帝惟神鑒之
為予轉達謹告 昔者元末兵爭傷生者衆予荷
皇天眷命戡鎮海濱山川劬瘁將用命偃兵思
民今三十年矣兵燹之餘民方安定過來西南戍
守將不能昭布仁威但知肥己虐人致令諸夷
竊民困窮而奮起會攻屯戍致傷戍守善良者予
時或用兵由是不得已指揮諸將帥兵進討然山
川險遠彼方草木茂盛煙嵐雲霧鬱鬱之氣吞吐
呼吸則必為害此行人衆各辭祖父母父母妻子
涉險遠以清邊夷以安中夏萬冀神靈達于上帝
賜清涼之氣以清煙嵐早定諸夷速歸營壘得奉
祖父母父母眷屬團圓是其禱也今年九月二十
六日兵行將遣人齋香帛牲醴先詣神
所謹告 淮濱濟濱北海告文俱同

太昊陵告

文

朕生後世為民於草野之間當前元失馭天下紛紜乃乘羣雄大亂之秋集衆用武荷皇天后

土眷佑遂平暴亂以有天下主宰庶民今已四年矣君生上古繼天立極作熙民主神功聖德垂裕

至今朕觀經典百神之祀考君陵墓在此然相去年歲極遠朕觀經典所載雖切慕於哀奈稟性之愚時

有古今民俗亦異惟仰神君萬世所法將遣官奠祀于陵聖靈不昧尚其納焉商王高宗

陵告文

曩者有元失馭天下紛紜朕由此集衆平亂統一天下今已四年矣猶諸古典堯舜

繼天立極列聖相傳為熙民主者陵各有在雖去古千百餘載時君當修祀之朕與百神之祀故遣

官齎牲醴奠祭修陵君靈不昧尚惟歆免河南境

內稅糧詔二道

朕本淮右布衣因天下亂率衆渡江保民圖治今十有四年矣荷天

眷佑西取陳友諒以安荆楚東縛張士誠以平三
吳遂至八番直抵交廣以極于海悉皆戡定重念
中國羣雄並起以致于戈紛爭生民塗炭是用命
將北征兵渡大河齊魯之民歡然來迎饋餉給軍
不辭千里朕思其民當元之末疲於供給今既効
順何忍復勞朕為天下主深用憫焉已將山東行
省洪武元年稅糧免徵不期天旱民尚未甦其洪
武二年夏秋二糧再行蠲免近者平燕都下晉冀
土地疆宇今盡為國家所有其民久被兵殘困於
假飲尤甚齊魯之民其北平燕南河東山西新附
地面洪武二年稅糧亦與蠲免河南諸郡歸附以
來久欲惠之奈東西未平則出師所經藉資糧餉
是以未遑今晉冀既平大兵已入秦矣除北京河
南所轄宿徐等州已免稅糧外西抵潼關北界大
河南至唐鄧光息洪武二年夏秋稅糧盡行蠲免
以遂朕之初意於戲惟皇上帝眷我生民自一

統以來雖暫有雨暘之愆期終未凶荒然朕豈不
知江右之民減衣薄食助我興王供給浩繁安無
貧窘特以洪武十五年春秋稅糧除官田減半入
官不為常例民田稅糧盡行蠲免其江西浙江雖
次第歸附為首定中原人民為我供給越大江入
淮河抵北平而漕河南民甚勞矣邇年以來江東
江西浙江及直隸府州官吏糧長不行優恤小民
已行間罪亦以今年夏秋稅糧除官田減半入官
不為常例民田稅糧盡行蠲免所有河南山東民
人淳實無巧以取愚無強以凌弱萬力於田畝且
山東之民東給遼左北給北平民資倍焉河南之
民北供山西歲助閩內斯二布政司稅糧今年夏
秋盡行免之

諭河南布政司及諸府州縣官吏

大河之水天泉

也非尋常之水若所在牧守心仁吏如律事則河
蜿蜒東注無摧山裂石之勢若牧守包藏禍心吏

不法以行事則河流洶湧駕洪濤於平野魚鼈游
園林如此則牧守郡吏將必禍焉舊歲河南來奏
兗心河水瀾漫於州皆徙民居田園為之一空朕日
夜關將何立命況且東作將興老幼艱辛今特命
馬李祺齎朕勅命注被災處所優給兵民雖不足
厚給之恩終解吾民之苦爾

命宋國公馮勝節制

河南勅

今河南為天下重鎮地廣民稠士馬甚眾方
今人將軍征北特命爾節制其地宜休息

民力訓練士卒以佐征討賑濟河南饑民諭

河南諸府軍馬數
多民間供給頻年

不休地畝徵輸重於他處自今民戶止納原額
稅糧荒田聽其開墾有司不得科擾違者罷職

成祖中嶽廟告文

比者安南逆賊黎季犛及子黎
蒼逞兇肆暴屢擾邊疆侵奪思

明府縣司各處地方予加寬貸不肖與師問罪但
還地黎賊巧詞支吾所還之地多非其
舊還地之侵侵據西平州又侵寧遠州逼脅命吏
占管人民劫掠資財殺擄男女邊境之民受其殘
酷安南之人並被其害誅求百端老幼不寧占城
之地累年遭其劫掠予數遣人告諭冀其改過而
然然意日甚固有俊心予為天下主視民塗炭安
能弗救乃命將出師聲罪致討志在弔民宜敢用
兵實出於不得已賴皇天后土眷佑歆鎮海濤效
靈將士奮忠鼓勇悉掃蕩其孽黨撫安其良善尚
念將士暴露於外離其父母妻子山川險阻道里
迢迢今天氣炎熱恐歲瘴鬱蒸起居失調易於感
疾予及夜念此寢食弗寧萬冀神靈鑒予誠悃聞
亦上帝賜以洪休潛消瘴癘早降清涼詣神所祭
告 朕 同 太昊陵告文 自古有天下功德及民
者當享百世之祀我國

家崇祀古者帝王與常典今朕遵奉祖訓奉天
征討即位之初永惟皇帝明王陵寢所在不可不
敬是用奉香幣牲醴以祭惟皇有治世之功有安
民之德歷世雖遠神靈不亡其尚默贊元化乎佑
邦家永臻太平之福朕其敬祀萬世無斁
尚高宗漢光武周世宗宋諸陵告文俱同 免河

南等處租糧雜稅詔

朕祇承天命統御萬方永惟
致治之機尤重安民之道悉

心康濟夙夜不忘比者營建北京宮殿需材於下
國之大事誠非得已軍民趨事赴工盡力不懈眷
其勞苦朕甚憇然所司不體朕心之艱難一毫不
以上聞督責道負鞭撻逼迫又甚困乏甚失撫綏
之意其河南山東山西軍民衙門自永樂五年以
來應納之稅悉行蠲免未完夏稅秋糧監糧馬草諸
稅悉行蠲免其南等處一應係官錢糧物件詔書到日
免其應納之稅

本持教思惠用慰勤勞
故茲詔諭咸使聞知
賜周世子有燉純孝歌序

朕聞至孝足以動天地感鬼神匹夫匹婦一念誠切金石可貫豚魚可孚載之方策信不誣也矧於死生之際所處尤甚古今孝子欲代父死者幾何人哉建文用讒者誣構爾父逮爾父子至京備極苦辱有燉不忍父之無辜遂自承伏言父不知狀以死自期畧無怖色建文由是竄爾雲南窮困萬狀終無悔辭茲非能處死生之際庶幾古人之至孝也歟朕遵古道惇明信義匹夫匹婦尚褒顯之况爾朕之猶子骨肉至親志行純誠造次不易其言顛沛不改其義死生存亡不懼其志富貴貧賤無幾微動於顏色流離道路羈囚瘴癘克全爾生至有今日實由爾父慈子孝天地鬼神護相之也是用作歌以釋爾心以詒來世歌曰維我皇考建樹宗藩鞏固基圖實行實安我有令弟分封於周

帶礪河山永孚於休孝友之道稱於考妣人無間
言以及兄弟建文嗣位信彼檢人讒言勃興構弟
於屯父子羈累家邦蕩析欲誣以法陷之大逆維
爾嫡長孔孝且仁焉愛其親弗顧其身陳詞懇訴
為父釋冠言意弗通孰不爾憐父既貶斥爾益興
嗟螢煌瘴霧各竄天涯有若編氓囚辱奴隸見者
歔歔聞者出涕衣不掩體通食穴墻幽憂連歲艱
告備嘗天運循環過眼倏忽善惡之報纖毫忒
戾亦遇難奉天舉兵拯爾沈淪宗社之靈遣使南
來歸爾萬里父子相見驚乎悲喜彝倫載叙骨肉
重懷俯仰天地永矢弗諼天報爾忱捷於響應我
衣爾孝著之歌詠曾參閔損各教所稱爾則效之
孝駿有聲效法古人儀範
太祖永奠宗譜光華海宇

仁宗追封張玉為河間王謚忠武誥

國家之於舊臣其有非常

之功德者則必有極威之爵號以顯之所以崇獎忠賢而報稱之義也贈奉天靖難推誠宣力武臣特進榮祿大夫右柱國追封榮國公諡忠顯張玉東正直之節蘊雄武之才沈毅有謀英果能斷事朕皇考太宗文皇帝於潛邸多歷歲年克効忠蓋屬當臨危之際首贊靖難之圖畢力一心推克誠醜算無遺策動有奇功暨大業之垂成危奮軀而死哀哉皇考躊躇其偉烈錫爵上公雖已備於哀榮軫聖情而未已肆於今日復舉彝章特加封為河間王進諡忠武配享太宗文皇帝廟廷於戲忠精義氣煥日月以如生成德顯名與國家而同久佑啟爾後永翼皇家

賜戶部尚書兼

太子賓客郭資致仕勅

卿事我皇祖皇考今十一年歷官中外致仕通顯列於六卿遭遇如斯可為極威然卿有贊贊之資剛直之氣心之所向雖在國家有利於上毅然身任

不畏強禦雖恐聚於己而不暇顧雖害將及已而不知避可謂忠貞篤實之臣矣朕初嗣大統嘉與老臣共圖治理刑肇建階副兼資贊輔顧卿抱疾累歲步趨惟艱不忍強勞以事今特陞為太子太師俾致仕歸嗚呼念二十年之前與卿同處一城早暮相聚勤勞艱苦其何可言今太平無事常相共樂於安逸而卿以疾而去能不有感於懷哉今命戶部卿戶下稅糧及一應差攸皆蠲免卿歸休鄉里惟強飲食慎醫藥優游自適以娛暮齡以副朕眷懷

宣宗中嶽廟告文

予新嗣祖宗天位統理下民夙夜惓惓養民為務尚祈神靈陰

隆助相俾雨暘時順災沴不生百穀用成民用康濟國家清泰永賴神庥謹以香幣達於至誠惟神鑒格淮清濟清
命河南撫按諸臣勘災勅
北海告文俱同
勅諭

巡撫侍郎于謙及河南都司按察司巡按監察御史朕撫恤兵民惟國民安夙夜在念孜孜不忘今閏歷夏不雨亢旱為災農畝雖種無獲者多朕甚憫之勅至爾等同衛所府州縣官躬詣田畝踏勘如果係災傷即具實奏聞就將本年官民田地秋糧及屯種子粒以十分為率俱免四分爾等宜十分用心提督整理不可怠忽以險遠之處爾等不能遍歷聽各委廉潔官員前去踏勘務在的實以恤民隱庶副朕心然近年各處奏災傷者其衛所府州縣官吏多有附下罔上誣誣熟為荒一槩陳奏以圖免爾等其深戒欺弊嚴督所屬必審驗其真實毋為欺謾若仍蹈前非在後再遣人覆視不實爾等及府州縣衛所官吏里老旗甲人等俱處以重罪不恕其慎之慎之故諭

英宗中嶽廟告文

予奉天育民愧涼於德致茲久旱災及羣生夙夜省躬中心惓

切神司方歲憂惻諒同雨農以時宜任其責特茲
致禱尚冀感通洪布甘霖用臻豐稔匪予之惠時

乃神休淮濱濟
濱北海告文同
賜都御史顧佐致仕勅
卿祇事祖宗任

京尹長通政司憲紀歷官中外三十餘年廉明之
操公忠之行確乎不拔卓然名臣朕嗣承大位方

資老成翼贊治理而卿嬰疾游歲未瘳每於朝參
步履不易深軫朕心今不欲煩以政務特賜鈔五

千貫命致仕還鄉自占有言人惟求舊朕固不忘
卿也已勅戶部優免卿家雜泛差役卿其體朕至

意安精神慎藥食頤養天和優游
田里用享清平之福於永遠欽哉

景帝中嶽廟告文三道
為國以兵民為本兵民以食
為天仁政所先孰加於此

方秋百穀將實重以漕運方殷雨澤罕數河流多
決兵民所望時當副之夫朕為國子民而神為民

神之寶皆天職然有司存朕所能為宜敢畏難於
朝夕神之易舉詎可辭勞於指麾沛膏雨以作豐
二助順流而為通道願有禱也冀無負焉茲者
農務方殷所憂旱勞豐歉所係尤切朕心神主茲
方計不異此雨暘時若其職在神尚運神機俾從
民欲氏苟逢豐登之願神益彰庇利之仁專侯感
孚以慰虔禱恭承天命重付眇躬民社所依災
祥攸繫志恒內省政務外求茲者雨澤不敷河流
大決舟楫淺滯禾稼焦萎災患由臻公私所病窮
維所自良有在茲然因咎致災固朕躬因避而轉
危為福實神職當專夫有咎無福過將惟一而祭
從茲志功孰與均持致懇祈幸副懸望淮瀆濟
濟河瀆北海濟瀆廟告文天降膏雨在風雲平其
職地湧甘泉由嶽瀆效
告之俱同

濟瀆廟告文

其雲天地之澤施必風雨霑濟不得辭其責也今
歲乃暘時序所以澤萬物者至矣而瀆源不決所

不由道而水決於海泰山泗
運之渠日涸此雖君民之患
不德所召而神之責何如天
心神可獨無奉若天地之意
朕亦有以賴於神神其鑒格

道宮招撫河南流民勅

今聞河南

來趨食流民或與本處居民
小人久則至於誘惑為
官并原一撫治流民
州縣堂上能幹官平日
設法小心招撫今各自散處
量給水糧賑濟無田種者量
所宣諭朝廷恩重使之警悟

不許急過致有激變又為患者其中果有能體朝廷恩恤各散復業者量與免其糧差三年庶俾有所募應仍提督所在衙所官軍操練軍馬固守城池如有寇盜生發即令相機勦捕毋致滋蔓屬為近臣受朝廷之委命必須夙夜盡心以畢乃事不可因循怠忽有誤事機如違罪有所歸事安民安之時兵奏使追封張輔為定興王謚忠烈誥國命然後回京

國家之於

臣下苟能以死勤事視苟存不如無存以身殉難視祿司不如保國審如是焉贈必有以榮其終賞必有以延於世雖所以旌於既往而亦冀勉於將來而紀豐功偉烈昭著於先朝宿德重望表見於當世者哉爾奉天靖難推誠宣力輔運佐理武臣特進光祿大夫左柱國太師英國公張輔累朝良將一代元勳嘗麾蹕奮不顧身而臨危甘於死難朕深為憫事足褒榮茲特追封為定興王謚忠烈

遼官諭祭靈其
有知服茲光寵

憲宗中嶽廟告文二道

比歲以來多災沴雨暘不時我民用瘁民之瘁矣

予曷為懷神矜于民恩降以災德澤崇深孰與神
伴祈贊化機溥天之休賁躬修行予敢弗爲庶幾

與神同作民福謹告 國家敬奉神明明幸嚴祠祀
所期默運化機庇佑民庶乃近歲以來或天時不

順地道欠寧或雷電失常雨暘爽候或妖孽間作
疫癘交行遠近人民頻遭饑饉流離困苦痛何可

言惕然於衷罔知收措惟神奠鎮一方民所恃賴
觀茲災沴能不究心是用特具香幣遣官祭告尚

冀體上帝好生之德鑒予憂憫元元之意幹旋違
化弘闡威靈捍惠禦災變禍為福庶幾民生獲遂

字報無窮惟神鑒之
濟濟瀆北海告文俱同

賑恤河南等處詔

朕紹

鴻業為天下生民王夙夜憂勤用圖康濟奈近年以來旱澇相繼歲數不登加以今春亢旱為甚京畿州縣被傷者多山東濟南等六府河南彰德一府災傷尤甚人民缺食十常八九守臣以告朕心惻然夫民生不遂實司牧之過如有坐視其饑窮困而不顧豈為民父母之道哉用是發倉儲出帑藏覃敷寬恤之仁永慰黎庶之望凡爾居官食祿為朕牧民者務加意賑恤毋生事煩擾仍諭居民鄰里相救有無相通共濟難厄以候秋成有積者毋閉糴自私未救急之義窮乏者毋流移輟轉放縱非為以重害爾生於戲憂民之憂朕心良切故茲詔示咸使聞知

孝宗中嶽廟告文

伏自去冬無雪今春少雨田苗未能播種黎庶實切憂惶予甚

兢惕用是側身修省虔致禱祈惟神矜憫下民幹旋大造蚤霽甘澤以滋禾稼以濟民艱庶民有豐

稔之休則神亦享無窮之報謹
告淮濟濟瀆北海告文同

命兵部尚書王繼

參贊機務勅

朕惟南京國家根本重地而機務重
托非歷練老成奚堪委任今持政爾

前職不妨部事參贊成國公朱輔等守備機務整
飭兵備固守城池操練軍馬撫安人民但遇賊寇
生發隨即調兵相機勦捕毋令滋蔓凡一應軍民
事務利有當興獎有當革者悉聽爾同守備內外
官員計議停當而行其管軍管匠等官及各大小
頭目人等若有科擾剋害私自役占下人致妨操
練及工作等事者爾即禁約清理如法敢有故違
者輕則量加懲治重則奏聞區處朕以爾才識老
成特茲委任爾當益竭忠誠持廉秉公正身率下
務俾事妥人安以副委用如或處置乖方偏執誤
事責有所歸爾其欽
承朕命勉之慎之

武宗中嶽廟告文二道

去歲以來寧夏作孽命官致討逆黨就擒內變肅清

中外底定匪承洪佑曷克臻茲因循至今未申告謝屬者四方多事水旱相仍餓殍載途人民困苦

盜賊嘯聚勦捕未平兩省咎由實深兢惕伏望神慈昭鑒幽贊化機災沴潛消休祥協應佑我家國

永庇生民近歲以來羣盜為梗生靈被害在在有之命將徂征稍臻平定餘災未殄尚累太和

早相仍妖祥疊見永思厥咎良切疚心爰與羣臣飭躬修政同期昭格庸迓神庥伏冀神明憫茲黎

庶轉災為福綏我家邦不勝惓惓懇賜大學士劉

忠致仕勅

卿以剛毅之資宏博之學策名制舉養望詞林事我孝皇已膺寵眷執經左右

啟沃惟勤朕在春宮日侍講讀數析義理援據古今非道不陳正言無諱肆朕即位之初覃恩舊學

亟遷翰林試留都典禮寅清考課精核召登秘
閣專掌絲綸更化以來遂叅機務屬時事之多艱
方倚毗之有在顧以微恙累已休閒朕以卿聲譽
素重精力未衰勉留再四暫從展祭之情少慰鄉
土之思冀卿速來懋樹勲業以行素志乃復申前
奏詞意愈堅特示允俞用成雅尚命有司月給食
米五石歲給人夫八名應役廕一子為中書舍人
以延世澤仍降勅諭急於戲全節完名大臣之高
致尚賢懷舊朝廷之盛典卿其服此恩數優游暮
景頤養天和表率鄉人風勵後學又以餘力著述
歌咏以成一家之言以鳴
贈光祿寺少卿朱紀誥
一代之盛不亦永有譽哉
捐軀為國固臣子之素心錫命報功乃朝廷之彝
典顧茲忠烈豈吝卹恩爾封廣西道監察御史朱
紀早貢丘園未究時用爰生賢嗣為國憲臣榮受
褒封優游桑梓豈意潢池之盜犯我衣冠未收敵

恒之功以惟錄勿遽加褒寵曷勸臣工茲特贈
為奉議大夫光祿寺少卿錫之誥命於戲生固有
死惟得死之為安名不假人必其人之可稱揭崇
階於綸渙昭異數於泉臺祇服命詞永光來世

世宗中嶽廟告文五道

朕奉天命子育萬民所冀
歲稔時和災患不作惟神

是賴茲者各處旱乾火災疫癘流行變異非常人
民流離死亡者衆廷臣以告朕心惻然惟神廟食
茲土作鎮一方見此困窮寧不矜憫用是命官齋
捧香帛特差撫臣潔齋備儀詣祠致祭為民請命
伏望明神大彰靈應澍幹化機時賜雨澤用消凶
沴變歎歲為豐年躋貧閭為壽域庶稱朕奉天子
民之意中心懇切惟神鑒知此者各處山崩地
陷產妖聞星水旱蝗蟲火災疫癘人民流殍變異
非常沴降自天朕心憂懼惟神司鎮茲土利濟一
方觀斯困窮寧不矜憫遣齋香帛特命撫臣備儀

致齋竭誠申禱代望明彰靈應幹旋化機時賜雨
賜海消災變豐年有望澤我生民庶免朕慰神其
鑒庇維神鍾靈孚秀鎮奠一方陰翊國家其來
尚矣朕以寡昧恭奉天命十有一年於茲敬事神
祇罔敢少懈爾等官未立恒切於懷茲者特具牲
帛醴齊遣官虔禱代望茂著神功錫予元嗣則我
國家綿慶祺於茲爾而神亦享福於有永矣比
歲嘗命官禱嗣於神昨丙午孟冬之吉仰荷天
元儲亦神所贊佑者茲用致謝神其鑒歆而永惟
默佑焉朕奉天命子育萬民所冀歲稔時和災
害不作通者各處地方水旱兵荒久民遭厄危亡
載路災變異常朕心憂惕惟神上奉帝命奠濟一
方諒垂憐憫爰命深士齋捧香帛特遣撫臣備儀
竭虔詣禱致祭所冀明神大彰靈應潛幹化機俾
氛序順調雨暘時若彌解災剗溥資豐泰庶稱朕
奉天子民之意而神亦享祀於無窮矣淮瀆濟

清北海告
文俱同

黃河澄清頌

丁亥季冬十有六日河南
之省靈寶之邑黃河澄清

拖練湛壁越之四辰官占叶吉縣吏來報戊子之
春遇命禮曹詳考其因宗伯獻夫述奏以申謂禮
宜賀率屬表陳予慚弗允益勵恭寅請謝河伯朕
許曰然既而復思斯本自天溯源但流禮有俊先
遣官馳往東其精專甲申告吉露拜誠虔祀禮已
成仰荷蒼乾帝垂鑒歆指首拳拳永懷庇春勉進
德焉既而群臣舞拜致賀予心甚愧稱之大過二
三輔臣作歌以頌錄以來呈其詞雍雍忠誠具悉
心德協一尚賴匡弼勿或墮逸蒙帝錫瑞四海寧
謐德進業修罔敢自失大道當欽祖憲遵悉是訓
是行恐恐懷懷政務惟善民
困惟恤唐虞之際吾欲與匹
南狩中嶽廟告文
惟
受皇天命中四方立鎮恒統羣生功崇德峙台南
幸楚地通臨中上特修望祭之誠希神威加護佑

神鑒之濟瀆廟告文

惟神受皇天之命統北水之宗澤潤民物古今是賴台躬南幸

道通神源遠祭以誠惟神歆之

河瀆廟告文

惟神受皇天之命親南水之宗濟利人物

功德厚矣予躬之湘楚瞻視顯陵適當渡師謹此祭告希神加佑咸保安平

祭周文王

文

昔者伏羲氏作三五相繼奉天宰世夏殷之後王乃嗣焉為民立極功德惟厚于繼明闢切于

景望茲因有事南幸廟瞻湯陰道所從由特此遣祭惟王其鑒之歆哉

諭祭漢武侯

諸葛亮文

養高隆中非三顧不起戮力王室拜二表乃行觀其毓孟德走仲達孔明其人

豪也歟惜乎將星隕地中道而殂漢逆不振皆天也非人之所能為也表忠有祠諭祭有儀靈爽不

昧尚其

諭祭宋岳飛文

昔宋運將終爾克盡大義精忠丕著敵者畏之使當

時檜賊不生則有宋或未至絕豈但爾亡於賊手哉朕纘承天位今有事顯陵南之荆楚道經爾祠特命重臣諭祭于

命北直隸河南撫按等官賑濟

饑民勅

邇者黃河汎溢霖潦異常播種悉空閭閻絕粒方數千里流離載道朕甚憫焉今已

發帑銀轉漕粟猶恐不能備及該吏部侍郎程文德奏欲令前項地方府州縣官聽其便宜處置賑給務在一一全活此朕本意也茲特命行人時通前往北直隸河南等處諭示各該撫按等官查照戶部議覆事理督率府州縣官破格從權設法賑濟為民立命以弭災變仍登記全活數目多寡以憑點陟如或坐視漫無成效必重懲之夫朕為萬民父母一民不獲實朕之責禹思天下有饑者猶已饑之今之饑者衆而迫於饑為攘竊者又非其罪也爾撫按有司其務體朕至意宣力殫慮毋事

文必臻實效以弘濟於艱仍將勅諭謄寫刊布
及題準事宜大書榜文曉示百姓夫朕宜不欲與
民同躋安樂享太平也而天災時變使爾顛連
至此頃者一二首惡倡盜累及脅從尋皆撲滅彼
謂求生反以速死朕言及此惻
焉哀矜凡爾臣民其各知悉

存問周堵陽王書

茲者南郊禮成大頒恩詔朕念王政先於老老仁
民始於親親惟王宗室懿親壽邁七十恩澤覃布
所宜加隆茲特以羊酒幣帛令本府進奉官員順
意存問以見朕優禮之意專此以達惟王亮之

旌周府奉國將軍安河孝行勅

近該河南撫按等
官奏稱爾資性純

孝好謹守法躬侍父疾衣不解帶憂居母喪不入
私室宗室之中實不多見朕用爾嘉茲特降勅遣
官獎諭爾尚益焉

贈禮部尚書許達誥

授命持危
志士重立

孝誠以永終譽

身之節義忠顯德哲王昭廟世之規事關萬古綱
常粹鍾天地正氣式茲英烈宜懋寵嘉故江西按
察司副使贈都察院左副都御史諡忠節許達學
明義利才瞻經綸宰邑靖巨盜之衝功全保障佐
臬覺逆藩之變防謹履霜敢蹈伏機力倡大義奈
何勢每格於謀始事多阻於訖成時不假以除奸
命使憤乎扼腕口割罵賊惟知人有一心背裂踞
廷直顙天無二日存亡飄瓦鼎覆虛舟耿浩氣以
長存痛貞魂之可憫雖頒卹典未盡褒揚特正祀
享之儀用極報酬之禮茲特加贈為禮部尚書錫
之誥命於戲天地完名曠一時而僅見古今大節
歷千載而彌芳爰進穹階用汗渙號靈其不昧服
此誥

旌周府鎮國中尉陸梁孝行勅

近該撫按官
題稱爾性稟

寬仁心存長厚好古樂善之風慕義篤倫之德宗
盟咸戴士庶共稱可謂大雅不羣者朕甚嘉焉茲

特賜獎勵仍令有司辦送絲幣羊酒用為諸藩之勸屬宜益敦素履以永令名欽哉故勅

神宗存問大學士沈鯉文

朕惟用人求舊迺哲后之芳規憲老乞言實明

時之盛典矧重望夙瞻巖石而高年舉頌岡陵宜錫綸褒用彰渥貺卿純忠天植素履霜嚴珥筆鑒坡即游夏之詞可贊橫經虎觀非堯舜之道不陳爰自講帷進登揆路清操如楊綰坐鎮有餘正色若王曾立朝不倚何意小羣之未渙致令大老之孤睽當風波震撼之中迺雨雪覲消之後勁節不回於百折高明勇退于一辭鳳翔千仞之巔疇不欽其儀采龍卧五雲之上世共仰其清娛已踰尚父之齡正斂其疇之福臨茲耆碩載舉彝章特遣尚寶司司丞蔡毅中齋勅存問仍賜銀五十兩大紅紵絲蟒衣一襲彩緞四表裘以示騰懷於戲臨雍拜老代修袒割之儀虛席延賢時下安車之詔


名世少自經綸八十者杖于朝尚旌獎

世子載堉勅

爾能非道不處惟義是循固遜王

茲特賜教旌獎治祿建坊以示優賢之

故勅



河南通志卷七十五

欽定四庫全書

史部

河南通志卷七十六

詳校官監察御史_臣莫瞻泉

檢討_臣德生覆勘

總校官編修_臣王燕緒

校對官中書_臣高中

謄錄監生_臣施華

欽定四庫全書

河南通志卷七十六

藝文五

表

魏司馬孚請治枋口表

臣孚言臣被明詔興河內水利臣既到檢行沁水源

出銅鑊山屈曲周迴水道九百自太行以西王屋以東層巖高峻天時霖雨衆谷走水小口漂逆木門朽敗稻田泛溢歲功不成臣輒按行去堰五里以外方石可得數萬餘枚臣以為方石為門若天亢得增堰進水若天雨霖陂澤充溢則閉防斷水空渠行滂足以成河雲雨由人經國之謀暫勞永

逆聖王所許願陛下特出臣表勅大司農
府給人工勿使稽延以贊時要臣等言

晉傅亮為宋公至洛陽謁五陵表

臣裕言近振旅
河湄揚旂西邁

將屆舊京威懷司雍河流遄疾道阻且長加以伊
洛榛蕪津塗久廢伐木通徑淹引時月始以今月
十二日次故洛水浮橋山川無改城闕為墟宮廟
隳垣鐘簾空列觀宇之餘鞠為禾黍廛里蕭條難
大罕音感舊永懷痛心在目以其月十五日奉謁
五陵墳塋幽淪百年荒翳天衢開泰情禮獲申故
老掩涕三軍淒感瞻拜之日憤慨交集行河南太
守毛修之等既開剪荆棘繕修毀垣職司既備藩
衛如舊伏惟聖懷遠慕庶慰不勝下情
謹遣傳詔殿中中郎臣某奉表以聞

北周庾信賀平鄴都表

泰山梁甫以來即有七十
二代龍圖龜書之後又已

三千餘年雖復制法樹司禮殊樂異至於文雅武
落刻木強弘席卷天下之心包含八荒之志其揆
一矣伏惟陛下握天樞東地軸駕馭風雲驅馳龍
虎沈雄內斷不勞謀於力牧天策勇決無待司於
容成是以威風所振烈火之遇鴻毛旗鼓所臨衝
風之卷秋葉竊聞伊洛戎夷幽并僭偽抱圖戴籍
已歸丞相之府銜玉繫綬並詣中軍之營百年通
誅遂窮巢窟三代敬怒然掃蕩昔周王鮪水之
師尚勞再駕軒轅上谷之戰猶須九伐未有一朝
指麾獨決神慮平定寓內光宅天下二十八宿止
餘吳越一星千二百國裁漏麟洲小水若夫咸康
之年四方始定建武之代諸侯並朝不得同年而
語矣雖復八風並唱未足頌其英聲六樂俱陳無
以敬其神矣生鈞臺而誓衆如啟繼夏禹之功人
商郊而觀之姬發成周文之志此無改之道大孝
也豫當今之臺已散離宮已遠兵藏武庫馬入華

山立明堂之制秦漢之樂武矣哉上天降休未
之有也政須東到一於夜子之景之南西北一候
置子文河之北然後命東后始居冥衡壇琬碑銀
繩瓊檢各厥成功後命東后始居冥衡壇琬碑銀
東臨不於躬到闕庭後命東后始居冥衡壇琬碑銀
策踴躍之至謹遣主簿曹敏奉表以聞

唐韓愈進撰平淮西碑文表

臣某言伏奉正月十
四日勅牒以收復淮

西羣臣請刻石紀功明示天下為將來法式陛下
推夢臣之志願使臣撰平淮西碑文者聞命
震懼之誠誠謂亦其所任為愧為恐經涉旬月不
收諸事之成臣自古神聖之君既立殊功異德卓絕
之跡必有文以記之辭之士為時而生持簡操筆從
而寫之亦必有章條貫然後帝王之美巍巍煌煌
充塞天地為萬古於書則竟舜二典夏之禹貢殷之
盤庚周之五篇於詩則古為長發歸美殷宗清廟

臣工小大雅周王是歌辭事相稱善并美具號
以為經列之學宮師弟子讀而講之從始至今莫
敢指斥嚮使撰次不得其人文字曖昧雖有美實
其誰觀之辭跡俱亡善惡惟一然則茲事至大不
可輕以屬人中謝伏惟唐至陛下再登太平剗刮
羣姦掃灑疆土天之所履莫不賓順然而淮西之
功尤為俊偉碑石所刻動流億年必得作者然後
可盡能事今詞學之英所在麻列儒宗文師磊落
相望外之則宰相公卿郎官博士內之則翰林
密游談侍從之臣不可一二遽數名而使之無有
不可至於臣者自知最為淺陋顧貪恩待趨以就
事叢難乖戾律呂失次乾坤之容日月之光知其
不可繪畫強顏為之以塞詔旨罪當誅死其碑
文今已撰成謹錄封進無任慙羞戰怖之至

柳

宗元獻平淮西雅表

臣某言臣負罪竄伏違尚書
表奏十有四年聖恩寬宥

命守遐壤懷印曳綬有社有人中謝伏惟睿聖文武皇帝陛下天造神斷克清大慝金鼓一動萬方畢臣太平之功中興之德推校千古無所與讓臣伏自忖度有副方之力不得備戎行致死命況今已無事思報國恩獨惟文章伏見周宣王時獯中興其道彰大子俊罕及然微於詩大小雅其選徒出征則車攻吉日命官分土則嵩高韓奕烝人南征北伐則六月采芑平淮夷則江漢常武鏗鉤柄耀盪人耳目故宣王之形容與其輔佐今由望之若神人然此無他以雅故也臣伏見陛下自即位以來平夏州夷劍南取江東定河北今又發自天喪克翦淮右而又大雅不作臣誠不安然不勝憤踊伏以朝多文臣不敢盡累數事謹撰平淮夷雅二篇雖不及尹吉甫召穆公等庶施後代有以佐唐之光明謹昧死再拜

劉禹錫賀收蔡州表

天威遠被

元惡就誅一方既平萬國咸慶伏惟陛下德超遠
古道合上元帥御以來天人協贊削平吳蜀掃蕩
塞垣車書大同方國未貢叢爾元濟敢懷異心輒
聚匪人苟偷時月陛下宸謨獨運睿感潛通天助
神兵人生勇氣既擒山逆爰正刑書伏三紀之逋
誅成九衢之壯觀宗社昭告華夏式瞻行弔伐而
在禮無違烜威聲而何城不克楚氛改色淮水安
流漢上疲人盡雷雨露汝南遺老重覩昇平凡在
臣工孰不欣忭臣久辭朝列恭守遐藩不獲
稱慶闕庭陳露丹惆瞻仰宸極倍萬羣情

謝金吾將軍表

想峨眉之碧峰豫遊西蜀追驂駟
于玄圃保壽南山逆賊祿山殺戮

黎獻蹂躪污闕庭臣被圍四十七日凡一千八百餘
戰主辱臣死當臣効命之時惡稔罪盈是賊滅亡
之

李翰進張巡中丞傳表

臣聞聖主褒死難之士
有死事之孤或親推輜

車或追建封邑厚死有以慰生撫存有以答亡然後君臣之義貫以生死激勸之道著于存亡君所以不遺於臣臣所以不肯其君君恩臣節于是乎立伏見故御史中丞贈揚州大都督張巡生于昌時少習儒訓屬逆寇構亂凶虐滔天挺身下位忠勇奮發率烏合之衆當漁陽之鋒賊時竊據洛陽控引幽朔驅其猛銳吞噬河南巡前守雍丘潰其心腹及魯昊以十萬之師棄甲於宛葉哥舒以天下之衆敗績于潼關兩宮出居萬國波蕩賊遂僭盜神器鳩峙兩京南臨漢江西逼岐雍羣帥遷延而不進列郡望風而出奔而巡獨守孤城不為之卻賊迺繞出巡後議圖江淮巡退軍睢陽扼其咽喉前後拒守自春徂冬大戰數十小戰數百以少擊衆以弱制強出奇無窮制勝如神殺其凶醜凡九十餘萬賊所以不敢越睢陽而取江淮江淮所以保全者巡之力也城孤糧盡外救不至猶奮羸

起病摧鋒陷堅俾三軍之士噉膚而食知死不叛
及城陷見執終無撓詞顧叱兇徒精貫白日雖古
之忠烈何以加焉伏以光天文武大聖孝皇帝陛
下聰明文思睿哲神武提一旅之衆復配天之業
賞功褒節大賚羣臣遂贈揚州官及其子此誠陛
下發德音之美也而議者或罪巡以食人愚巡以
守死臣竊痛之今臣敢取十倫以議巡過以塞衆
口惟聖聰鑒焉臣聞人粟教以立身刑原情而定
罪故事有虧教則人道不列刑有非罪則王法不
加忠者臣之教恕者法之情今巡握節而死非虧
教也折骸而襲非本情也春秋之義以功覆過咎
錄之典容過宥刑故大易之戒遏惡揚善為國之
體錄用棄瑕今衆議巡罪是廢君臣之教紕忠信
之節不以功掩過不以刑恕情善遏惡揚錄瑕棄
用非所以獎人倫明勸戒也且逆寇背德人鬼所
讐朝廷衣冠沐恩累代大臣將相從逆比有而巡

朝廷不登坐宴不與不階一伍之衆不假一節之權感肅義旅奮身死節此巡之忠大矣賊勢憑陵連兵百萬巡以數千之衆橫而制之若無巡則無睢陽無睢陽則無江淮賊若因江淮之資兵彌廣財殫積根結盤據西向以拒王師雖終于殲滅而曠日持久國家以六師震其西巡以堅壘扼其東故陝鄆一戰而敵人北走王師因之而勢勝聲勢纔接而城陷此天意使巡保江淮以待陛下之師師至而巡死也此巡之功大矣古者列國諸侯或相侵伐猶有分災救患之義況諸將同受國恩奉辭伐罪乎巡所以固守者非惟懷獨克之志亦以待諸軍之救救不至而食盡食既盡而及人非其本圖非其素志則巡之情可求矣設使巡守城之初已有食人之計損數百之衆以全天下臣猶曰功過相掩況非其素志乎在周典之三宥其一曰宥過失故語巡之忠則可以敦世教議巡之功則

可以繫中興原巡之情則可以有過失昔夫子制
春秋明褒貶齊桓將討禪畧而不書晉文公召王
河陽書而諱之蓋以匡戴之功大可以掩僭禪之
過也今巡蒼黃之罪輕于僭禪與復之功重于匡
戴罪疑惟輕功疑惟重聖人之訓昭然可徵臣故
謂巡者足以為訓矣臣又聞罰不及嗣賞延于世
此三代所以直道而行今巡子亞夫雖受一官不
免饑寒之患江淮既巡所保戶口充完臣謂宜封
以百戶俾食其子臣又聞強死為厲遺魂為變有
所歸往則不為災巡既身首支離將士等骸骼不
掩臣謂宜于睢陽城北擇一處原為殮葬送巡并
將士大作一墓而葬使九泉之親無所思劫命三軍
之衆自以輕生既感幽明且無遺憾亦國家忘過
旌善垂誠百世之義也臣少無識慮巡之平生臣
所知悉今巡死大難不觀休戚惟恐其名是其不
報若不時紀錄日月寔愆或掩而不傳或傳而不

實則此生死不遇誠可悲傷臣敢採所聞得其親
親撰傳一卷昧死獻上伏惟陛下大明在上廣運
臨下仁選之德治于艱雖有善必紀無微不錄
臨以臣所撰編列史官雖退死丘壑骨猶不朽

宋韓琦謝除使相判相州表

宰職縻功莫副衣
之治鄉邦得請重叨

畫錦之行被恩典之時優顧人言而甚愧伏念臣
早由科第遂玷寵榮不圖新墨之進身自竭捐塵
而報國備員諫諍幾不免於竄投奮命疆郵實存
阻於艱阻特聖神之春誰開援助之言仁宗皇帝
亦知其守以孤忠謂可屬之大事慶歷之始已擢
貳於樞機嘉祐之中乃進登於宰輔俄膺家任益
荷殊和當英廟之承統建聖人之嗣服綢重遭會
聲竭愚庸惟知社稷之安宜顧家宗之未然而萬
微多務一紀妨賢為國持平敢自私於輕重裁人
所欲同難免於受情加疾疹之嬰璽苦形神之耗

敵勉訖因山之禮懇陳上印之宜伏蒙陛下念犬馬之力易哀靡日月之明為照不罪再三之請亟垂開可之音進秩地官剖符粉社建高牙之重既疏淮海之封增故里之光仍襲貂蟬之舊叨塵之甚今古疇儻敢不思盡瘁於寢興泯懷於內外在邊在庭之責惟驅策以當前益堅益壯之心至廉捐而後已

歐陽修知蔡州謝表

臣某負薪嬰疾獲辭四責之連剖竹分符

尚忝一麾之守荷寬恩之優假撫朽質以疏慙伏念臣本出孤貧粗親文藝遭逢亨會叨竊寵榮方犬馬之壯時早無施於尺寸况桑榆之晚景嗟已迫於衰遲乃昨誤被遷掄理非要近付以一方之民政委之四路之兵機惟委任之匪輕揣庸虛而內懼執陳懇憫屢瀆高明冀天慈不違人欲還其舊職易以近藩惟古豫之名邦控長淮之右壤土風深厚物產豐饒雖宣化班條慙無異術而守

官循法足以偷安此蓋伏遇陛下惻以至仁包之
大度既不責其避事人曲從其便私哀爾厄殘容
其僥倖仰被乾坤之造顧非木石之頑臣敢不勉
自勵其筋骸更殫盡瘁之節苟未填於溝壑尚知
國報

范仲淹知鄧州謝表

臣某言伏奉制命授臣
給事中依前資政殿學

士知鄧州軍州事已禮上訖瑣闌清品懷都善地
處之甚重端然若驚竊念臣志意本微才力素寡
始干及親之祿俄有得君之遇啟沃無隱出處惟
命持一節以自信歷三黜而無悔頃以忝犯塞
朝廷盱眙食起臣思過之地授臣禦戎之策往歷死
力敢圖生還夙夜一心首尾四載僅免與尸之禍
終無克敵之勲一旦召還五章陳陳雖未守塞不
敢入朝再煩詔音促登樞右改參大政俾竭微才
革姑息之風則謀身者切齒尚循默之禁則愛國
者寒心退旅上恩追敘羣怨誠難處於安路復請

行於邊鄙方陳豫備之策俄覩綏懷之事迺宣帝
澤以安黎元臣以患肺久深每秋必發求去亟寒
之地以就便安之所庶近醫藥存養晚年伏蒙陛
下天覆地生雲需雨濯進以清近之秩付以優息
之藩風俗舊淳政事絕簡心方少泰病宜有瘳實
繫寬大之朝將幸康寧之福敢不孜孜於善戰戰
厥心求民疾於一方分國憂
於千里上酬聖造少答臣誠

牋

魏應璩薦和謨牋

璩聞唐堯因羣士以通治齊桓
假衆能以定業是故八元進則

太平之化成六賢用則九合之功立竊見同郡和
謨字慮則質性純粹體度貞正履仁蹈義動循軌
禮方今海內企踵欣慕捉髮之德山林投謁思望
旌弓之招實英奇叙用之時賢達致身之秋也使

夜光之璧顯價於和氏之肆千里之足定功於伯樂之庭庶有以宣明大道光益時化

吳質

答魏太子牋

二月八日庚寅臣質言奉讀手命追

冉歲不我與昔侍左右廁坐衆賢出有微行之遊入有管弦之歡置酒樂飲賦詩稱壽自謂可終始相保並聘材力効節明主何意數年之間无喪略盡臣獨何德以堪久長陳徐劉應才學所著誠如來命惜其不遂可為痛切凡此數子於雍容侍從實其人也若乃邊境有虞羣下鼎沸軍書幅至羽檄交馳於彼諸賢非其任也往者孝武之世文章為盛若東方朔枚皋之徒不能持論即阮陳之儔也其惟嚴助壽王與聞政事然皆不慎其身善謀於國卒以敗亡臣竊恥之至於司馬長卿稱疾避事以著書為務則徐生庶幾焉而今各逝已為異物矣後來君子實可畏也伏惟所天優游典籍之

場休息篇章之圓發言抗論窮理盡微搞藻下筆
驚龍之文奮矣雖年齊蕭王才實百之此衆議所
以歸高遠近所以同聲也然年歲若墜今質已四
十二矣白髮生鬢所慮日深實不復若平日之時
也但欲保身勅行不蹈有過之地以爲知己之累
耳遊晏之歡難可再遇歲年一過實不可追臣幸
得下愚之才值風雲之會時邁齒耄猶欲觸胃奮
首展其割裂之用也不勝悽悽以來命備悉故略
陳至情質
死罪死罪

宋荀倫與河伯牋

伏惟河伯府君侯潛曜靈泉
翔翔神渚發洪流於崑崙揚高

波於砥柱包四瀆以
稱王總百川而為主

疏

漢范升為祭遵請謚疏

臣聞先王崇政尊美屏惡

爵割地與下分功著祿勲臣頌其德美生則寵以殊禮奏事不名入門不趨死則酬其爵邑世無絕嗣丹書鐵券傳於無窮斯誠大漢厚下安人長久之德所以累世十餘歷載數百廢而復興絕而復續者也陛下以至德受命光明漢道褒序輔佐封賞功臣同符祖宗征虜將軍潁陽侯遵不幸早薨陛下仁恩為之感傷遠迎河南惻怛之愴形於聖躬喪事用度仰給縣官重賜妻子不可勝數送死有以加生厚亡有以過存矯俗勵化卓如日月古者臣疾君視臣卒君弔德之厚者也陵遲以來久矣及至陛下復興斯禮羣下感動莫不自勵臣竊見遵修行積善竭忠於國北平漁陽西拒隴蜀先登城上深取畧陽衆兵既退獨守衝難制御士心不越法度所在吏人不知有軍清名聞於海內庶

節著於當世所得賞賜輒盡與吏士身無奇衣家
無私財同產凡牛以遺無子娶妾送之遺乃使人
送而不受自以身任國不敢圖生慮繼嗣之計臨
死遺歲牛車載喪葬洛陽問以家事終無所言
任重道遠死而後已遵為將軍取士皆用儒術對
酒設樂必惟歌投壺又建為孔子立後奏置五經
大夫雖在軍旅不忘俎豆可為好禮悅樂守死善
道者也禮生有爵死有謚爵以殊尊卑謚以明善
惡臣愚以為宜因遵亮論叙眾功詳按謚法樊準薦
法以禮成之顯章國家為古之制為後嗣法樊準薦

龐參疏

臣聞勢鳥累百不如一鴟昔孝文皇帝悟

不敢南向夫以一人之身折方面之難者選用得
也臣伏見故左校令河南龐參勇謀不測卓而奇
偉高才武畧有魏尚之風前坐法輸作經時今羌
人為患大將而屯臣以為如參之人宜在行伍惟

明詔採前世之舉觀魏尚之力免殺陳蕃救李膺

疏

臣聞賢明之君安心輔佐亡國之主諱聞直辭

由此言之君為元首臣為股肱同體相須共成美惡者也伏見前司隸校尉李膺太僕柱密太尉掾范滂等正心無玷死心社稷以忠忤旨橫加考按或禁錮閒隔或死徙非所杜塞天下之口譬猶一世之人與秦焚書坑儒何以為異昔武王克殷表則封墓今陛下臨政先誅忠賢遇善何薄待惡何優夫讒人似實巧言如簧使聽之者惑視之者昏夫吉凶之改存乎誠善或欺之機在於察言人君者猶天也之政秉四海之維舉動不可以違聖法進退不可以離道規器言出口則亂及八方何況

說人下車而哭之曰萬方有罪在予一人故其興

也勃焉又青徐炎旱五穀損傷民物流遷茹菽不足而宮女積於房掖國用盡於羅紈外戚私門貪財受賂所謂祿去公室政逮大夫昔春秋之末周德衰微數十年間無災眚者天所棄也天之與漢恨恨無已故殷勤示變以悟陛下除妖去孽實在修德臣位列台司憂責深重不敢尸祿惜生坐觀成敗如蒙採錄使身首分

蔡邕薦邊讓疏

伏惟幕府初開

博選清英華髮舊德並為元龜雖振鷺之集西雍濟濟之在周庭無以或加竊見令史陳留邊讓天授逸才聰明賢智亂風孤不盡家訓及就學廩便受大典初涉諸經見本知義授者不能對其問章句不能達其意心通性達口辨辭長非禮不動非法不言若處孤疑之論定樞密之分經典交至檢括參合衆夫寂焉莫之能奪也使讓生在唐虞則元凱之次運值仲尼則顏冉之亞豈徒俗之凡

材近器而已者哉階級名位亦宜起然若復隨輩而進非所以彰瓌偉之高價貽知人之絕明也傳曰西伯之鼎以烹雞多汁則淡而不可食少汁則熱而不可熟此言大器之於小用固有所不宜也罍竊謂邑怪此寶鼎未受犧牛太羹之和久在煎熬腐割之間願將軍同謀垂慮少加戒納貢之機密展之力用若以年齒為嫌則顏回不得冠德行之首子奇終無阿宰之功苟堪其事古今一也

晉孫綽諫移都洛陽疏

伏見征西大將軍臣溫表便當躬率三軍討除二寇

蕩滌河渭清灑舊京然後神旂電舒朝服濟江反皇居於中土正玉衡於天極斯起世之宏圖千載之盛事然臣之所懷竊有未安以為帝王之興莫不藉地利人和以建功業貴能以義平暴因而撫之懷慙不建淪胥秦京遂令外敵交侵神州絕綱土崩之釁誠由道喪然中夏蕩蕩一時橫流百郡

千城曾無完郭者何哉亦以地不可守技奔有所
故也天祚未革中宗龍飛非惟信順協於天人而
已實賴萬里長江畫而守之耳易稱王公設險以
守其國險之時義大矣哉斯已然之明效也今作
勝談自當任道而遺險校實量分不得不保小以
固存自喪亂已來六十餘年蒼生殘滅百不遺一
河洛丘墟函夏蕭條井堙木刊阡陌夷滅生理茫
茫永無依歸播流江表已經數世存者長子老孫
亡者丘隴成行雖北風之思感其素心目前之哀
實為交切若邇都旋軫之日中興五陵即復緬成
遐域泰山之安既難以理保烝烝之思豈不纏於
聖心哉溫今此舉誠欲大覽始終為國遠圖向無
山陵之急亦未首決大謀獨任天下之至難也今
發憤忘食忠慨亮到凡在有心孰不致感而百姓
震駭同懷危懼者豈不以反舊之樂除而趣死之
憂促哉何者植根於江外數十年矣一朝拔之頓

驅取於空荒之地提挈萬里踰險浮深離墳墓棄
 生業富者無三年之糧貧者無一殮之飯田宅不
 可復售舟車無從而得捨安樂之國適習亂之鄉
 出必安之地入累卵之危將損仆道塗飄溺江川
 僅有達者夫國以人為本疾寇所以為人衆喪而
 寇除亦安所取哉此仁者所以哀矜國家所宜深
 慮也自古今帝王之都豈有常所時隆則宅中而
 圖大勢屈則遵養以待會使德不可勝家有三年
 之積然後始可謀太平之事耳今天時人事有未
 至者矣一朝欲一宇宙無乃頽而難舉乎臣之愚
 計以為且可更遣一將有威名資實者先鎮洛陽
 於陵所築二壘以奉衛山陵埽平梁許清一河南
 運漕之路既通然後盡力於開墾廣田積穀漸為
 徙都之資如此賊見亡徵勢必遠竄如其迷逆不
 化復欲送死南北諸軍風馳電赴若身手之救痛
 痒率然之應首尾山陵既固中夏小康陛下且端

委紫極增修德政躬行漢文簡樸之至治去小惠
節游費審官人練甲兵以養士減寇為先十年行
之無使隳廢則貧者殖其財怯者充其勇人知天
德赴死如歸以此致政猶運諸掌握何故捨百勝
之長理舉天下而一擲哉陛下春秋方富溫克壯
其猷君臣相與宏養德業括囊元吉豈不快乎今
溫唱高議聖朝互同臣以輕微獨獻管見出言之
難實在今日而臣區區必聞天聽者切以無諱之
朝狂瞽進說芻蕘之謀聖賢所察所以不勝至憂
觸冒干陳若陛下垂神溫少留意豈非屈於一人
而允億兆之願哉如以干忤罪大欲加顯戮
使丹誠上達退受刑誅雖沒泉壤尸且不朽

唐郭子儀諫移都洛陽疏

雍州古稱天府右隴蜀
左嶠函襟憑終南太華

之險背負清渭濁河之固地方數千里帶甲十餘
萬兵強士勇真用武之國秦漢所以成帝業也後

或處而泰去而亡者不一姓故高祖先入關定天下太宗以來居洛陽者亦鮮先帝興朔方誅慶緒陛下席西土戰朝義雖天道助順亦地勢則然比吐蕃憑陵而不能抗者臣能言其略夫六軍皆市井人竄虛名逃實賦一日驅以就戰有百奔無一前又宜豎掩達底政荒奪遂令陛下徬徨暴露越在陝服斯委任失人豈先地非良哉今道路流言不識信否咸謂且都洛陽洛陽自大盜以來焚毀畧盡百曹榛荒窳服不滿千戶井邑如墟豺狼羣嗥東薄鄭汴南界徐北綿懷衛及相千里蕭條亭舍不烟何以奉萬乘牲饌供百官次舍哉且地狹阨裁數百里險不足防適為關場陛下意者不以京畿新羅剝蹂國用不足乎昔衛為敵滅文公廬于漕衣大布之衣冠大帛之冠卒復舊邦况赫赫天子躬儉節用寧出一諸侯下哉臣願陛下斥素餐去冗食抑閭寺任直臣薄征弛役卹隱撫鰥委

宰相以簡賢任能付臣以訓兵禦侮則中興之功日月可冀惟時邁亟還見宗廟謁園陵再造王家以幸請蒐擇河南河北江淮鎮兵疏

朔方國北門西禦強敵北

虞衡統五城相去三千里開元天寶中戰士十萬馬三萬匹僅支一隅自先帝受命靈武戰士從陛下征討無寧歲頃以懷恩之亂疾傷彫耗亡三分之二比天寶中止十之一今吐蕃魚吞河隴雜羌渾之衆歲深入畿郊勢踰十倍與之角勝負得耶屬者敵來稱四節度將別萬人無數馬臣所統士不啻賊四之一馬不當賊百之二外畏內懼將何以安臣惟陛下制勝力非不足但簡練不至進退未一時淹師老地廣勢分領於諸道料精卒滿五萬者列屯北是則制勝可必竊惟河南河北江淮大鎮數萬小者數千殫屈粟給未始蒐擇臣請進赴關中勒步陳示金鼓則攻必破守必全長

久之韓愈汴州嘉禾嘉瓜疏右謹按符瑞圖王者德至於地則嘉禾生

伏惟陛下道合天地恩霑動植通無不協遠無不

一德連房或延蔓數榮異實共蒂既叶和同之慶又

瑞小臣喜過於休明李德裕論河陽事宜疏右緣河陽奏事官高從真列稱

十八日陳後通山通谷盡是賊軍茂元兵力寡少

賊中用衆皆取軍寨弱處即併兵用力此處不敵

便於救援河陽不止捍蔽洛京足以臨制魏博如

然全軍費損饋運計王宰必見先鋒望今日降中

使賜詔令宜發先鋒五千人便赴河陽所冀免落
奸計事幾至切不可更遲如蒙允許望賜茂元王
率行敏
詔處
皮日休請韓文公從祀疏
嗚呼聖人之道

於生前則一時可知也用於死後則百世可知也
故孔子之封賞自漢至隋其爵不過乎公侯至於
吾唐乃策王號七十子之爵命自漢至隋或卿大
夫至於吾唐乃封公侯魯參之孝道動天地感鬼
神自漢至隋不過乎諸子至於吾唐乃旌入十哲
噫天地久否忽春則平雷震久息忽震則驚雲霧
久鬱忽廓則清仲尼之道否於周秦而息於漢魏
息於晉宋而鬱於陳隋遇於吾唐萬世之情一朝
而釋陰死者可作其志可知也今有人身行聖人
道口吐聖人言行如顏閔文若游夏死不得祀食
於夫子之側患有不知尊先聖之道也夫孟子窮
卿翼傳孔道以至於文中子文中子之末傳又自

觀開元其傳者融其軀者淺或引利名以為文或
援縱橫以為理或作詞賦以為雅文中之道曠百
祀而得室授者唯昌黎文公之蹤揚墨於不毛之
地蹂釋老於無人之境故得孔道巍然而自正夫
今之文人千百士之作釋其表觀其詞無不裨造
化補時政緊公之力也公之文曰僕自度若世無
孔子僕不當在弟子之列設使公生孔子之世公
未必不在四科焉國家以二十賢者代用其書垂
於國曹並配饗於孔聖廟堂者其為典禮也大矣
美矣苟以代用其書不能以釋聖人之辭愛聖人
之義哉況有身行其道口傳其文吾唐以來一人
而已不得在二十賢之列則未可云典禮為備伏
請命有司定其配饗之位則自茲以
後天下以文化未必不由夫是也

宋范純仁論黃河疏

臣昨日伏觀內降指揮黃河
未復故道終為河北之患王

孝先等所議已當與後不可中罷宜接續功料向
去決要回復故道者臣聞聖人有三寶曰慈曰儉
曰不敢為天下先言此三道人君當保而持之不
失者也又曰唯天為大唯堯則之蓋天不言而四
時成所以克辟垂衣拱手而天下大治者由此道
也且君心欲如盤水常使平正而無所趨向則免
偏側傾覆之患蓋天下之勢惟人君所向羣下競
趨如山之摧小失其道則非一言之力可回故居
上者不可不慎也臣今竊詳所降指揮謂決要回
復故道以聖意已有所向而為天下先矣臣聞先朝
因人建議以為夏國微弱若不早取必為北敵所
覆併先帝不出建議者之名但以御批令邊臣相
度而希旨生事之徒以為萬全必勝冠日可得遂
興靈武之師後貽永樂之患致先帝獨當其憂羣
臣無一人受其責至今疲耗未復此陛下所親見
不可不為深鑒也臣乞面諭執政前日降出文字

卿等已是但一面商議却使進入若別有所見亦須各自開陳如此則免希合之臣妄測聖意輕舉大後上誤朝廷所有黃河利害乞付之羣臣有司仔細商議以求必當如此則聖心不勞而克舜之治可富弼論河北流民疏臣昨在汝州竊聞河北

逐熟者甚多臣以朝廷前許請射係官田土後却不令請射盡須發還本貫臣訪聞流民必難發遣得回既已流移至此又却不得田土徒令狼狽道路轉見失所遂專牒本州通判張恂立便往州界諸縣流民聚處一一相度或發遣情願人歸還本貫或放令前去別州或相度口數給與民田土或自令樵漁採捕或計口支散官粟諸般救濟庶幾稍可存活內只有給田一項違背朝廷後來指揮比欲奏候朝旨又為流民來者日益多深恐救卹稍遲轉有元損遂且用上項條件施行去後

方具奏聞尋準中書劄子奉聖旨一依奏陳事理其後來者即殺不得給田候春暖勸諭令歸上路後方知其餘州軍所到流民不拘新舊並只用元降朝旨盡不許給與田土臣其時以急於赴召不及再有奏陳自襄城縣至南薰門共六程見緣路流民大小車乘及驢馬馳載至擔仗等相繼絡繹不絕臣每逢見逐隊老小一詢問當令逐旋抄割只路上所逢者約共六百餘戶四千餘口其逐州縣鎮以至道店中已安下臣不見者并臣於許州驛中住却一日路上之人臣亦不見者比臣曾見之數恐又不下一二百戶三二千口都計約及八九百戶七八千口其前後已過并令未來及有往唐鄧萊州等處臣所不見者又不知其數多少扶老攜幼累累滿道寒餓之色所不忍見亦有病而死而問得者多是鎮趙邢洺磁相等州下等人口

以十分為率約四五分並是鎮人其餘五六分即共是趙州與邢洺磁相之人人十中約六七分是第五等人三四分是第四等人及不濟戶與無土浮客即絕無第三等以上之家臣逐隊詢問因甚如此離鄉土遠來他州其間甚有垂泣告者曰本不忍拋離墳墓骨肉及破費家產只為災傷物貴存濟不得憂慮餓殺老小所以須至起斛斗賤處逃命又問得有全家起離來更不歸者亦有減人口雙來逐熟候彼中無災傷斛斗稍賤即却歸者亦有去年先令人來請射或買置田土稍有準備者亦有無準備望空來者太約稍有準備來無一二餘皆茫然並未有所歸只是路上逐旋問人斛斗賤處便去臣竊聞有人聞於朝廷云流民皆有車仗驢馬蓋是上等人戶不是貧民致朝廷頒令發遣却歸本貫此說蓋是其人只以傳聞為詞不曾親見親問但知却有車乘行李次第頗多便稱

是上等之人臣每親見有七八輛大車者約及四
五十家二百餘口四五輛大車者約及三四十家
一百餘口一兩輛大車者約及五七家七十口其
小車子及驢馬擔仗之類大抵皆似大車並是彼
中漫鄉村相近鄰里或出車乘或出驢牛或出繩
索或出掩蓋之物遞相併合各作一隊起來所以
行李次第如上也今既是貧下之家決意離去
鄉土逃命逐熟而朝廷頒令發遣却回必恐有傷
和氣臣亦曾仔細說諭云朝廷恐你拋離鄉井欲
擬發遣却歸河北不知如何其丈夫婦人皆向前
對曰便是死在此處必更難歸無一路盤纏已有
次第如何得歸除是將來彼中有可看望方有歸
者也此以上事並是臣親見親問所得最為詳悉
與夫外面所差體究之人不同薄尉幕職官畏懼
州府州府畏懼提轄提轄畏懼朝省而不敢盡理
而陳述或心存詭妄不肯說盡災患之事或不切

用心自作商榷申陳不實者萬不俾也伏望聖慈
早賜指揮京西一路如流民到處且將係官荒閑
田土及見佃人占耕無稅地土差有心力向公官
員四散分俵各令住佃更不得逼逐發遣其餘或
與人家作客或自能耕種捕或支官粟飼養連
羅行指揮約束所費起此日月尚淺未有大段死
損之人可以
李綱論都城積水疏
臣伏觀陛下以
民居此都城累降御筆處分遣官周旋隄防極
其周備仰見陛下聖慮其勞曲盡防患之理臣竊
謂國家都汴百有六十年未嘗有變政令事起
倉卒遠近驚駭誠大異也臣嘗躬謁郊外竊見積
水之來自都城以西漫為巨浸東拒汴堤停蓄深
廣流悍浸灌東南而流其勢未已以宗廟社稷之
靈將難堪防守之固無他虞然或浸淹旬時因
以風雨有不可不慮者此誠陛下寅畏天戒博詢

衆謀之時而羣臣竭智効力捐軀報國之秋也累
日以來傾耳以聽缺然未聞臣竊怪之夫變異不
虛發必有感召之繇災害非易禦必有銷去之策
周官於國事則有大詢之禮臣愚伏望陛下斷自
淵衷特詔廷臣各其所見以聞擇其可採者非時
賜對特加施行因衆智協衆力濟危圖安上以答
天地之戒下以慰億兆之心天下不勝幸甚臣仰
荷陛下天地父母之恩親加識擢得侍清光常思
奮不顧身以徇國家之急輒有已見急切利害事
須面奏伏望聖慈降旨問門許臣來日因侍立次
直前奏事庶幾得盡狂

岳珂籲天辨誣疏

天下之

者惟其理之正也藏於人心散於事物或晦而未
彰抑而未揚曖昧而未白然事理之在人心自有
隱然而不可誣者是故屈伸有時而不同榮辱既
久而自判昔日之辱未必不為今日之榮而今日

之屈未必不為後日之伸也臣先臣臧奮自單辛
宣政之間已著功河朔高宗皇帝受密詔首被賊
拔益自是歷官孤孤卿專制閫外未嘗有此蜂蟻子
之援獨以孤忠結知明主自信不疑勲名既高讒
莠橫出而先臣之跡始危矣是時城狐負恃勢可
炙手天下之士莫敢一撓其鋒先臣之罪何辯薛
仁輔以不願推鞠遂李若撲何彥猷以辨其非辜
罷王儉以百口保任而幽之閹韓世忠以莫頌有三
字何以服天下而奪之柄最後劉允升以布衣叩
閤坐極典矣一時附膺之徒如万俟卨則以願備
鍛鍊自諫議而得中丞王俊則以希旨誣告遠防
而得庶卓姚政胤榮博選之流亦以阿附並沐榮
選之寵夫賞者人之所慕而刑者人之所惡懼也
豺狼朶頤而當路顧乃相率而犯之至於軒冕在
旁睨而不視是豈人之情哉其必有夫不安於心
而後不敢為也蓋非特縉紳之流心知義理之所

在平恕之吏日擊寬抑之莫伸同列之將不敢以
稱旋而不言衡茅之士不敢以非位而不言奪柄
而未至於恨謂未足以懲猶之可也朝上匭函募
拘天從風肯之下凌虛可知訖不能施寸草之命
戮及其身為世大恥先臣既歿後有程宏圖者大
書直指明先臣之冤幸聖明在上讒佞悉殄而宏
圖之言適合聖意而宏圖未敢逆為此望也然則
事理之在人心何如哉紹興更化遂饒黨復純州
遂出孤之在嶺嶠者重以念先臣不忘之德意屬
之孝宗皇帝即位之初首加昭雪復其官爵錫之
家地疏以寵命而錄其子孫予以緡錢而恤其家
族給以元紫而使之不餬口於四方旌以廟貌而
伴有以慰部曲三軍之心日月照臨下燭幽隱雨
露沾溉迺及死生聖恩洋洋變出史牒益自漢魏
以來功臣被誣誕謾無實未有如先臣之抑及其
昭雪之際春渥有加亦未有如先臣之榮者也聖

詔之下朝闕庭而暮四海老耄童穉不謀同辭咸曰此太上之本心而今皇所以奉承而行之者也忠憤之氣固有時而伸而殉國之臣亦非奸邪之所能遏已蓋於是而三軍北首死敵之志益銳中原來蘇望賈之心益切天下抵掌拊足者亦遂少舒其鬱抑之氣此非臣私其祖之言天下之公言也先臣果何以得此於天下哉其必有不泯於人心者存而非可以智力使惟其理之正而已何以明之汪澈宣諭荆襄周行舊壘見其萬竈鱗比寂無譟譁三軍雲屯動有紀律乃竦然嘆曰良將之遺烈蓋如此繼而列校造前捧贐訟先臣之冤澈遂諭之以常奏知之意此語一出哭聲如雷咸願各効死力至有為岳公爭氣之語澈諭慰久之而啜泣者猶未止也先臣御軍嚴整雖小不貫非直以姑息結之而使之然也即此以明先臣之事蓋有人心之所同而不待區區之辨然先臣之得罪

天下皆知其寃而不知其所以寃請叙先臣之所
以寃而後它可言也蓋先臣之禍造端於張俊而
秦檜者實成之俊之怨先臣不一也而大者有三
焉淮西俊之分地趙鼎命之怯敵不行迨先臣一
戰而勝俊則恥之一也視韓世忠軍俊迎檜意欲
分其背寇先臣執義不可比行楚州城俊欲興版
築先臣又曰吾曹當戮力圖寇復仇豈可為退保
計耶俊則怒之二也強敵大寇俊等不能制先臣
談笑取之主上眷寵加厚迨於諸將先臣於俊為
俊輩不十數年爵位相埒俊則嫉之三也檜之怨
先臣亦不一也而大者亦有三焉全家南還已莫
掩于縱歸之跡草檄辱國復汗靦于寄聲之間以
至二策之合不得輒易大臣之盟檜之私敵如此
則主和之際豈容有異議先臣一則曰恢復二則
曰恢復犯其所甚諱一也昔先兄臣甫守鄆會稽
文惠王史浩謂之曰方代邸侍燕間嘗一及時事

檜怒之輒損一月之俸趙鼎以資善之議忤秦檜
卒以貶死其謀危國本之意非一日矣然先臣誓
衆出師乃首進建儲之議犯其所怒二也韓世忠
謀劫使者敗和議得罪于檜檜命先臣出陽山以
招撫世忠軍事且戒令備反側托以上意先臣曰
主上幸以世忠陞密府楚之軍則朝廷軍也公相
命飛以自衛則何為者若使招撫同列之私尤非
所望于公相者及典景著獄將究分軍之說連及
世忠先臣嘆曰飛與世忠同王事而使之不幸被
罪吾為負世忠乃馳書告以秦檜意世忠亟奏求
見上驚諭之曰安有是既而詰檜且促其著獄得
減死犯其所深惡三也夫俊以憾先臣之心諂事
檜檜之憾先臣視俊尤甚唱和一辭遂成大獄況
輔之羅汝楫之迎合王鵬見之告許万俟卨挾故
怨而助虐王貴劫舊私而強從則先臣固非以淮
西之逗遛而先伯臣雲非以通書而致變張憲亦

非以謀復先臣掌軍而得罪也雖然淮西之事御
札可考也通書之跡已焚矣惟鍛鍊之是從復掌
軍之謀則人取信于營人之說而必成于犴狴之
內甚而陳首之事自甘軍法以實其言至行府典
獄雖張俊極力以文致而其半亦自云安矣明辯
皆可覆也嗚呼冤哉籲天莫聞洪皓常奏事而論
及先臣不覺大慟以為彼中所大畏服不敢以名
稱者惟先臣至號之為岳爺及先臣死莫不酌酒
相賀以為和議自是可堅而查侖嘗謂人曰敵自
渝河南之盟先臣深入不已檜私於敵勸上班師
敵遣檜書曰爾朝夕以和請而岳飛然後和可成也
且殺吾婿不可以不報必殺岳飛然後和可成也
檜於是殺先臣以為信即皓之所奏而觀之侖之
言其不妄也臣故先送先臣之寃後送所以為額
天辨誣之意蓋先臣結髮從戎凡歷數百戰而其
內有冰炭之光彰大嘗見者雖三尺之童亦能言

其事破張用牧曹成政虎冠而歸之衆感叛將而
降其衆擒楊么以清重湖歲李成以復六郡秘計
成而劉豫廢忠義著而梁興來兩至淮西而敵騎
連一以至朱仙而北劉頊降忠義百餘萬應於河
北之衆數十郡復於河南境上駸駸乎返舊矣而
忠義之國無命班師受先臣之熱不克自究此又
不必備論獨以先臣愛晚昧不根之謗於今幾七
十載雖忠義之心昭昭於天下而山林之史疑以
傳疑或猶有以議先臣之未盡臣節臣竊痛焉臣
自臨亂侍先父臣霖日聞先臣行事之大略誠恨
不及是事以觀其所聞惟先父臣霖易養而命臣
者言猶在耳不敢不卒厥志自束髮以來朝夕憂
惕廣搜旁訪而訂正之一言以上必有據依而參
之以家藏之詔本日不謬而後書茲如是者累
年而僅成誠懼無以終父志而使先世之忠無所

別白乃於行實之間摘其未明者自建儲而下凡五條條皆有辨辨必有據庶幾上附信史下答先命使先臣之誣得因是而暴白於天下萬世臣死且不朽矣先臣得罪於紹興十一年之十二月而秦檜死於紹興二十五年之十月其相距凡十四載而檜是時兇焰烜赫威制上下蓋專元宰之位而秉筆削之權當時日書之官言於人曰自八年冬檜既監修國史岳飛每有捷奏秦檜輒欲沒其實至形於色其間如潤畧其姓名隱匿其功狀殆不可一二數大率欲薄先臣之功以欺後世使後世以爲不足多恨天下莫不哀先臣之不幸且惜千載之後何以傳信於今前所陳致禍之六條後所陳辨誣之五條雖天下之人戶知之人誦之野老賤夫得於傳小夫庸俗騰於說按之詔旨而不謬驗之歲月而可稽可謂不誣矣然臣竊恨國史未之書也抑臣聞之檜之始罷相也上詔當制學

士禁密禮出檜二策示以御札明著其罪日星炳
燿垂戒萬古宜易磨滅哉暨檜再相深掩諱之公
勝函章下台州於密禮之婿謝叔家取之以滅跡
煌煌聖畫尚敢舉而去之於先臣之事何恤哉嗚
呼此豈特先臣之不幸廟謨神算鬱而不彰檜之
罪尤不勝誅矣金匱石室之書固非臣所得而見
然臣所以附其言於此者亦特見天下所以哀先
臣之不幸而痛直筆之無考也嗚呼此顯天辨誣
之所以不得不作也司馬遷之言曰要之死日而
後是非乃定是非定於既死此人心之公論也而
先臣既死之後秦檜方柄國鈞天下喑不敢議恐
惡而斃繼之者猶一時之黨也中經更化嘗欲復
先臣官而時宰以為敵方頤和無故而錄故將且
召禍不可故還嶺嶠之諸孤復純州之舊號皆出
一時之特斷而奉奉聖眷首發於揖遜而命之頃
故先臣復官錄孤之事皆高宗之所親見而先父

臣霖欽州名還賜對便殿玉音宣諭謂卿家冤枉朕悉知之天下共知其冤則孝宗之所以得先臣誣枉於問安視膳之餘者蓋不鮮矣故一時辨先臣之事如李若樸何彥猷或生拜郎曹之除或死沐褒贈之典而睿旨曲頌且有秦檜誣岳飛舉朝莫敢言之語則先臣之事益不辨而自明嗚呼聖恩厚矣獨以古人之言所謂至死而後定者蓋已出於不幸而先臣之死於二十年然後姦邪闢正論興九泉孤忠始遂昭雪此其不幸尤可哀也臣尚忍言之哉其他如以不附和議為懷姦以深入奮戰為輕敵以恢復速畧為不量彼已以不事家產為萌異志以不結權貴為妄自驕傲此臣又將哀檜之愚而不必辨也

胡安國二程夫子從祀疏

伏見元祐之初宰臣

司馬光呂公著秉政當國急於得人首薦河南處士程頤乞加召命擢以不次遂起韋布起居講筵

自司勸講不為辨辭解釋文意所以積其誠意感
通聖心者固不可得而聞也及當官而行舉動必
由乎禮奉身而去進退必合乎義其修身行法規
矩準繩獨出諸儒之表門人高弟莫獲繼焉雖崇
寧間曲加防禁學者向之私相傳習不可遏也其
後頤之門人如楊時劉安節許景衡馬伸吳給等
稍稍近用於是士大夫爭相淬礪而其間志於利
祿者託其說以自售學者莫能別其真偽而河洛
之學幾絕矣壬子年臣嘗至伊闕有仲并者言伊
川之學近日盛行臣語之日伊川之學不絕如幾
可謂孤立而以為盛行何也豈以其說滿門人
傳寫耳納口出而以為盛乎自是服儒冠者以伊
川門人妄自標榜無以屈服士人之心故衆論洶
洶深加詆誚夫有為伊洛之學者皆欲屏絕其徒
而乃上及於伊川臣竊以為過矣夫聖人之道所
以垂訓萬世無非中庸非有甚高難行之說此誠

不可易之至論也然中庸之義不明久矣自頤兄弟始發明之然後其義可思而得不然或謂高明所以處已中庸所以接物本末上下析為二途而其義愈不明矣士大夫之學宜以孔孟為師庶幾言行相稱可濟時用此亦不可易之至論也然孔孟之道不傳久矣自頤兄弟始發明之而後其道可學而至也不然則或以六經語孟之書資口耳取世資而干利祿愈不得其門而入矣今欲使學者蹈中庸師孔孟而禁使不得從頤之學是入室而不由戶也不亦誤乎夫頤之文於易則因理以明象而知體用之一源於春秋則見諸行事而知聖人之大用於諸經語孟則發其微旨而知求仁之方入德之序然則狂言怪語淫說鄙論豈其文也哉頤之行其行已接物則忠誠動於州里其事親從兄則孝弟顯於家庭其辭受取舍非其道義則一介不以取諸人雖祿之千鍾有不顧也其餘

則一與人同爾然則幅巾大袖高視濶步豈其行也哉昔者伯夷柳下惠之賢微仲尼則西山之餓夫東國之黜臣爾本朝自嘉祐以來西都有邵雍程顥及弟頤闕中有張載此四人者皆道學德行名於當世會王安石當路重以蔡京得政曲加排抑故有西山東國之阮其道不行深可惜也今雍所著有皇極經世書載有正蒙書頤有易春秋傳顯雖未及著述而門弟子質疑請益答問之語存於世者甚多又其書疏銘詩並行於世而傳者多失其真臣愚伏望陛下特降指揮下禮官討論故事此四人加之封號載在祀典以見聖世雖當禁暴誅姦奉詞伐罪之時猶有崇儒重道尊德樂義之意仍詔館閣哀集四人之遺書委官校正取旨施行便於學者傳習羽翼六經以推尊仲尼孟子之道使邪說者不得乘之而作而天下之道術定豈曰小補之哉

任伯雨修河堤

疏河為中國患二千歲矣自古竭天下之力以事治河者莫如本朝而徇衆人偏見欲屈大河之勢以從人者莫甚於近世臣不敢違引祇如元祐末年小吳決溢議者乃論謀異計欲立奇功以邀厚賞不顧地勢不念民力不惜國用力建東流之議當洪流中立馬頭設鋸齒稍芻材木耗費百倍力遏水勢使之東注凌虛駕空非特行地上而已增堤益防惴惴恐決澄沙淤泥久益高仰一旦決潰又復北流此非隄防不固亦理勢之必至也昔禹之治水不獨行其所無事亦未嘗不因其變以導之蓋河流混濁泥洪相半流行既久迄遷於淤則久而必決者勢不能變也或北而東或東而北亦安可以人力制哉為今之策正宜因其所向寬立隄防納欄水勢使不至大段漫流若恐北流淤厥塘洶亦祇宜因塘洶之岸增設隄防乃為長策

明王恕蝗災自劾疏

竊惟蝗蝻生發固雖天災實
闕人事人事修則天意可回

而災不為災矣昔卓茂令密邑而蝗不入境茂能
修其政也今蝗蝻為患於河南者宜無故乎良由
臣之失職不能敷宣聖化以安民人是故上天
以此而譴告耳況臣管內地方連年水旱加以去
歲剿寇盜起軍務於征調民困於轉輸及今年又
起運秋糧并勒合買備物料等件比之往年數多
今又遭此蝗蝻之災軍民何以聊生考之於史宋
真宗罷諸營建而飛蝗盡絕此真宗能修德政以
應天是以天災隨之而消也伏望陛下以天災為
可畏以地方為當重將臣罷歸田里另選賢能代
理其事尤望陛下去奢崇儉除祭祀軍需之外其
餘一應不急之務無益之事可減省者減省之可
停止者停止之使財不妄費民困少紓庶幾天意
可回而災沴可彌矣臣受國重寄值茲災異不敢

循徐恪論河患疏

竊惟天下之事有不可緩之勢有不可不恤之情大要在於保

全國計慰安人心而已而慰安人心又為保全國計之本夫黃河之水萬里而來奔激走徙古今非常天下之害莫加焉國家財賦倚重東南去海道之艱危即會通之平穩天下之利莫加焉惟濟寧臨清一帶水源短少易得枯涸往往置閘築堤積水行舟今河決而北直趨張秋又決而東長奔入海將使運道中絕東南財賦恐難遽達京師今日疏濬扼塞之功誠不可少所謂有不可緩之勢者此也然河南地方三四年間天鳴地震星隕冬雷警災迭示人心危疑加以饑饉薦臻死徙殆半賦役頻繁代需輸納仰事俯育皆無所望故復業之民旋復逃走恒產之家亦少固志於斯之時可靜而不可動可養而不可用所謂有不可不恤之情者此也夫勢不可緩而情在所謂當恤茲欲兩全而

無害處之必有道焉謹按地誌黃河舊在汴城北四十里東經虞城縣下達山東濟寧州洪武二十四年決原武縣黑洋山東經汴城北五里又至項城縣入淮而故道遂於正統十三年決於張秋之沙灣東流入海又決滎澤縣東經汴城歷睢陽自亳入淮景泰七年始塞沙灣之決而張秋運道復完以後河勢南趨而汴城北之新河又淤張弘治二年以來漸徙而北又決金龍口等處直趨張秋橫衝會通河長奔入海而汴城南之新河又淤百餘年間遷徙數四千里之內散漫彌漫似非人力所能支持乃者上厯聖衷軫念運道之阻礙生民之魚鼈特敕本院右副都御史劉大夏前來修理功雖畧施力猶未竟不意伏流潰溢遂爾中止或者以黃陵岡之塞口不合張秋之護堤復壞遂謂河不可治運道不可復至有為海運之說者臣嘗歷考史傳黃河之患古今有之而惟漢板子之決其

患尤甚其功尤難二十餘年塞之不效當時貴臣
田蚡又以封邑之私倡為不可塞之說厥後武帝
躬勞萬乘臨決河沈璧馬顧神祇又令將軍以下
親負薪卒塞決口築宣房河在武帝時不過為數
郡之害雖不塞可也而武帝必塞之若夫今日之
患關係運道之通塞尤事之不可已者烏可以一
噎而廢食哉且黃陵岡口不可塞者非終不可塞
也顧以修築隄防之功多疏濬分殺之功少河身
淺隘水無所容故其湍悍之勢不可遽回耳議者
以蒙澤縣孫家渡口舊河東經朱仙鎮下至項城
縣南頃猶有涓涓之流計其淤淺之處僅二百餘
里必須多役人夫疏濬深廣使之由泗入淮以殺
上流之勢又以黃陵岡賈魯舊河南經曹縣梁進
口下通歸德州丁家道口足以分殺水勢訖能成
功今觀梁進口以南則滔滔無阻以北則淤澁將
平計其功力之施僅八十餘里今春雖嘗用工未

得竟力必須再役人夫疏濬深廣使之由徐入淮以殺下流之勢水勢既殺則決口可塞運道可完但既疏之後不能保其不復淤既塞之後不能保其不復決論事者必從而訾其後故任事之臣未免畏及首尾而不敢竟其策也以今觀之百年運道穩於履陸一夫之牽挽過於六羸之驅馳一旦阻絕則舍遠就勞出易入難民力必有大不堪者計其所費比之今日之修河又不知其幾萬倍也況成大事者不惜小費就遠圖者不計近功要之不可不先恤民力昔勝國時東南財賦俱由海運其於河道無甚相闕及賈魯建治河之策內降中統鈔一百八十四萬五千六百三十六錠凡傭工物料衣糧醫藥賑濟之需皆賴以給故魯無區畫之費而河患以平今國家漕運賴有張秋比之勝國尤為重要興此大役其得已乎但合用椿草鐵石船埽等料并傭工口糧動以萬億所在倉庫既多空虛內帑錢糧又難輕動如此大費將何取給

若不早為之處誠恐又似今年徒勞無益臣於去冬十二月嘗以治河三法缺一不可工料口糧自當預備人以水勢不殺則塞決難成塞決難成則運道有阻欲照景泰年間張秋塞決事例借撥九江等處鈔關荊州等處抽分料銀各數萬兩發到大夏收用滙懇具陳不為無據寥寥數月未蒙議行今自五月以來水益泛濫決口日深運道日阻所幸水勢趨南十有七八萬一盡徙而北計將安施雖已側聞廷議未悉其詳臣每北顧心竊憂之雖在疏速不敢自外所有愚見合再借陳伏望皇上斷自宸衷參以國是檢臣前奏早賜裁處如以迂遠不切時宜更乞深念國計俯卹民艱但係應起人夫今年稅糧不分河南山東直隸每名量免一石以充口糧之需小民間知必將感念聖德歌詠載逢而趨事赴功無難色矣且役夫十萬日費浩繁所免稅糧不過二十萬石幸而成功實乃萬

世之利以今日天下之大國計之重何惜此二十萬之稅不一慰安人心哉仍乞再勅劉大夏專理其事合用錢糧悉聽計處戶工二部力與贊襄俾凡搢草等料得預為計臣雖庸劣亦當體聖意少竭心思待今八月以後秋水消落再行相度利害斟酌緩急與劉大夏議處起脩人夫各從近便如孫家渡口至南頓河南俱起脩河南開封等處人夫黃陵岡至於梁進口河道俱起脩山東兗州府人夫各分工疏濬比之舊河務加深廣使能容受所謂搢草等料尤宜多備如黃陵岡塞口人夫於開封大名二府相無起脩張秋塞口人夫於東昌等處起脩各刻期興工併力築塞官吏軍民中有負智能善圻塞者悉聽取用俾瑩巧思並驅羣策用工人夫加意撫卹不亟不徐勿傷其力遇有疾病撥醫調治人心歡悅則用功必力毋計日月必求成功小有債敗毋輒沮挫歲以今日治河國家

大計事至難處功至難成其可易而視之哉伏乞
皇上再勅在廷羣臣議處而行必求萬全人按古
禮水旱瘡疫禁于山川之神今大河之神著在祀
典配享南郊炳靈西瀆惠久未平亦宜祭告伏望
皇上齋明以格天心靜一以契地道仍勅翰林儒
臣撰告文一通內降香帛專遣大臣前來致祭如
漢武帝沈璧馬故事庶幾神

胡宣救荒疏

臣欽蒙
聖恩除

懷慶府溫縣知縣臣一入縣境田野荒蕪流民載
道烟火斷絕雞犬無聞啼號號寒而哀聲動地掩
妻棄子而怨氣冲天積屍惟存其骨株木盡去其
皮觀此災異實為可憐臣十一月二十六日到任
隨據本縣太平鄉里老朱福等連名狀稱本邑地
狹民貧素無積蓄先自咸化十七年天降大旱田
種無收十八年大水人畜漂沒十九年五穀生發
食傷苗稼累年被災困苦無伸荷蒙朝廷雲開小

民已將被徵錢糧寬免未有逃竄不期自成化十九年來至二十年十一月一向亢陽二麥不收秋田無種況本縣倉廩空虛無從賑濟各行採食違舊宰烹餉富人將房屋拆壞變賣且有鬻子女以易粟割人肉以充腹者蒙本縣累行申請上司乞為撫恤救濟奈一時未到錢銀難忍相率遷移又魚通追拖欠錢糧以此小民愈思逃竄若不備情上告給糧賑濟民命難存等因到縣誠恐未的臣就於次年正月初二日親詣各鄉逐一踏勘盡日不見人踪沿村不聞烟火瓦礫蕭然屋廬傾圮或錢銀不能出門戶或殍屍無人埋瘞遂聞不敢獨行多被饑民打食甚至同行至親相為割食救命供係窮極不畏明禁除責委本縣典史張英督令地方火甲埋瘞巡視外臣勘得本縣遷移者十有八九見存者百無一二已委本縣縣丞劉瑄前往臥陽等府招撫外臣竊見河南等府雖懷慶被災

甚重懷慶六縣惟溫縣尤重查得本縣自成化十九年拋欠一應夏稅秋糧及桑子易米共三萬二千八百石一斗二升潤絹八百九十二疋馬草七萬束今年饑民流移向後宜無躲避縱有一年豐收難補數年拖欠將歷年通負量免以安民心本縣原派京班皂隸一十五名楊村岡夫十名鄭府長史司皂隸十名拖欠成化十八年紅花一千四百斤水牛皮皮二百二十五張成化二十年起至二十一年止原額歲辦皮張共一千一百二十五張折胖襖一百四十件俱係上戶應當今民已逃竄無從解發誠恐臨時誤事累罪不便合無改派有收去處待民復業照舊起解庶甦民困如蒙準奏皇上以天地之量日月之明憫生民之疾苦推一視之同仁乞勅該部會議將前項拖欠量行蠲免京班等項暫且改派差官賑濟便益臣干冒天威不勝悚慄具本專差司吏方宜親齎謹具奏

聞

呂維祺請免河南糧疏

臣聞善國本者必先元氣救危疴者首重腹心

以今天下之大於京師元首也九邊有背也東南財賦所出禁衛也而臣鄉中原腹心也百姓則元氣也淮徐則漕運之所經而京師之咽喉也慨自軍興旁午轉運呼庚於是徵輸繁而元氣病矣泰晉之寇流毒中原而腹心病矣蓋數年來臣鄉無歲不苦荒無月不苦兵無日不苦輸輓庚午旱年未早壬申大旱野無青草十室九空於是負斗米千錢者有採菜根木葉充饑者有夫棄其妻父棄其子者有自縊空林甘填溝渠者有鵲衣菜色而行乞者有泥門擔簋而逃者有骨肉相殘食者無以流賊之所焚殺土寇之所劫掠而且有礦徒之煽亂而且有防河之警擾而且盡追數年之舊道而且先編三分之預徵而且連索久逋額外拋荒之補祿夫臣曾待罪錢穀極知司農仰屋自難執

經生用一緩二之說然而正賦不可減矣加派不
可驟停矣連年舊逋固難盡蠲也獨不曰有大荒
屢饑之區并迫數歲必不能應耶三分預徵或濟
急用也獨不曰名盈而實虧但緩一歲即歲歲見
徵耶額外拋荒責數年之通亦正理也獨不曰此
沙泊河灘荒糧之補祿不皆實額耶舊徵未完新
餉已催額內難緩額外復急村無吠犬尚敲催呼
之門樹有啼鵲盡灑鞭扑之血黃埃赤地鄉鄉幾
斷人烟白骨青燐夜夜常聞鬼哭欲使窮民之不
化而盜不可得也欲使姦民之不望賊而附不可
得也欲使富之不率而窮良之不率而姦不可得
也或猶曰黃河天塹可恃耳頃聞賊已冰堅渡河
矣夫河以北苦兵河以南苦荒今荒猶故也又苦
餉矣餉已不支也又苦兵矣荒而加以餉又加以
兵更不支也又苦連荒之餉連荒之兵矣傷哉民
也詎非赤子父母兄弟夫婦男女墊隘愁苦靡所

控訴一至此也萬一浸假而賊續再有渡河或浸假而攻陷城池則秦蜀之道梗河洛之齒寒或浸假而盤踞嵩永等處之深山則巢穴老而勦滅無期或浸假而南窺楚東窺鳳泗淮徐則藩籬撤而漕運亦可虞天下事尚忍言哉書曰民為邦本固邦寧傳曰勿使滋蔓蔓難圖也夫人有肩背肢骸病而腹心不病者耶或病而猶能滋榮衛以戴元首何者其元氣固也臣鄉之元氣何如哉伏懇我皇上深維天下之本急賜乙夜之覽勅部議覆速查河北河南果確係見催兵火連年荒旱地方準免加派預徵以收拾思亂之人心以預遏附賊之口實仍乞一面勅下督撫按諸臣力扼餘寇於黃河水堅之隘無使續渡及占山為巢者無使東越洛汝襄紫一步至於宿壽鳳陽等處皆逼處震隣之地尤宜禦防奔突以圖徙薪徹桑之計總之固元氣以靖腹心謹咽喉以實榮衛於以堅元首

之戴而苞命脈於不
拔者其預圖之矣

敬陳表章疏

奏聞敬陳表章
孝經八要以課

實責效事首在皇上躬行大孝故其一要曰進講
經筵以樹模範蓋天子之孝與臣下異而皇上之
大孝又與三代而下之帝王異何者臣下以一身
一家為孝皇上以興起天下之孝為孝也三代而
下以試士為表章皇上大孝以樹模範奏孝治為
表章也先臣丘濬有言人君肇修人紀愛敬既立
則家國天下無不感化我皇上嘗諭臣下曰朕不
敢與天地祖宗並此不敢之心大孝也充此心以
敬天仁民錫類不匱當深居燕閒時披閱孝經詳
玩意義仍命儒臣進講而奏孝治之化道其遠乎
哉太祖高皇帝曰孔子明帝王治天下之大經大
法於萬世成祖文皇帝曰人君之孝與庶人不同
此誠皇上之所當法者然世儒之言曰今天下貪
欺成習兵食告匱賊寇交訐何汲汲於此臣以凡

此者正由教化之未明人心之未正反經之未實故也矧一代之人心風俗聲教德化皆係於人主之精神好尚蓋上之精神天下之所繩從而鵠望也如東漢之節義唐之詩賦宋之理學風教所樹人心景從況皇上精神所注首以孝經立之繩鵠而天下有不翕然一變者臣不敢信也孔子曰吾志在春秋行在孝經誠行孝經於今日之天下使天下之服習者皆願為忠臣孝子皆欲實為朝廷任事宜復憂貪欺憂兵食憂賊寇何者得其本故也得其本而凡古明王之以孝治天下者其道皆可該也其以之教儲睦族皆孝治之最大者是以敢次第言之二要曰東宮講習以端儲教三要曰頒諭宗戚以敦親睦何以明其然也臣聞太子之本儲教致治之原我皇上加意豫教命太子出閣講學所以端軌樹範養正作聖無不肫摯臣以為尤必先教以孝蓋孝德之本教所由生使太子當

蒙養時即知問安視膳溫清定省而豫啓迪之以
舜之大孝文之止孝武之達孝如孝經一書更當
朝夕溫習諭令儒臣開學講解以為異日孝治天
下之本昔我太祖高皇帝曰為太子者當知數睦
九族隆親親之恩我成祖文皇帝曰皇太子當進
學之時欲使知要庶幾將來太平之望我仁宗昭
皇帝諭楊士奇等曰東宮開講筵當以大經大法
進說非我皇上之所當法者乎臣又聞堯典曰克
明峻德以親九族九族既睦平章百姓若是乎大
孝之先篤親也昔我太祖高皇帝諭秦右相鄭九
成等曰朕封建諸子選用傅相凡與王言當廣學
問求忠孝使其聰明無蔽上下相親我成祖文皇
帝賜蜀王書曰教孝循理好學不倦勉自愛重用
副所懷又曰國家為於親親宗室謹於禮法共保
富貴令開長世此又非我皇上之所當法者乎皇
上為念宗親備極優渥而頃又允聞臣楊嗣昌之

奏申諭諸切加以勅獎誠諭可謂仁之至義之盡
臣以為念頌孝經於各王府宗親俾各習體認
以成皇上親睦之仁至於戚臣一體頒諭宗學一
體試題仍乞於今選舉教授必以敦孝行通孝經
為本庶孝愈著於未艾義共固於維城矣又其次
則於文書武宜宏薪樞之運而醇菁莪之化也故
四要曰頒行試題以驗習學臣聞孝為百行之原
孝經通六經之會皇上加意此經衆命誦讀試題
矣然該部原疏但云將孝經小學問出論題耳合
應於兩難直省紳儒學官凡遇舉貢生儒考試
除試書出題作制義如解卷無孝經制義以不職
論之或祖高皇帝謂教化之道學校為本宜講論
聖人日新月化成祖文皇帝謂學校風化所
由在人作興之年則皇上仰法二祖教化天下
以孝作忠者道必本乎此也五要曰鄉會出題以
隆大典臣聞漢唐以來年用孝經取士如漢置孝

經博士唐以論語孝經孟子為一經宋尚書省加
試論語孝經其來已久自王安石熙寧舉遂
不以取士矣今制鄉會試初場題例以四書三篇
經四篇合無劾令習本經者皆通孝經遇鄉會武
令出孝經題一道列於四書後本經前減本經一
篇即自十三年為始成祖文皇帝曰孝經者聖賢
之格言大訓宣宗章皇帝曰設科求賢願得忠孝
之人以資國用朕之心亦如此則皇上頒行孝經
承成祖宣宗之言此正繼志述事之大孝也六要
曰頒諭武士以明大義臣聞宋儒程顥著訓武學
欲添習孝經曰欲令武勇士知義理故東漢時有
命虎賁士習孝經者有命期門羽林通孝經章句
者而我成祖文皇帝曰申明武學嚴其課讀毋為
文具孝宗敬皇帝曰公侯駙馬伯子孫命讀書習
理將來朝廷庶得世臣之用伏乞皇上諭頒孝經
於天下武學其考試必間出孝經題目其武場鄉

會試亦一體出題至公侯指揮世襲等官子孫承襲必間抽孝經一二段命背誦解講通者方許承襲庶于城腹心之士猶有敦詩書說禮樂之風然辟舉不真風俗不醇雖欲復古孝治猶未也故次七要曰辟舉真孝以勵士俗臣聞漢辟舉孝廉猶為近古我祖宗朝尤加意行之太祖高皇帝曰為國得實不如得賢又曰但願舉錯之法則冒濫自革宣宗章皇帝曰務選經明行修之人不得濫舉皇上既命復辟舉矣然必深明辟舉之首重乎孝使天下知上意之所重然後可挽流俗而於變耳合無勅命撫按遵奉新頒聖諭每年終類奏各舉通習孝經孝友廉讓者無論紳衿隱逸多不過三人有奔營監舉者連坐其提學考較巡按出巡聽酌舉真孝徑自獎勸優賞如黃香扇枕溫席而舉授榮王王元規著孝經義而詔舉高第皆其遺事也終八要曰諭俗講解以正民風臣聞化民成俗

以孝為先太祖高皇帝曰風俗本乎教化教化行
雖閭閻可使為君子成祖文皇帝曰近俗簡於事
親此蓋教化不明之過合無勅令天下府州縣官
於講鄉約時先宣聖祖六諭間亦講說孝經務令
通俗易曉以化鄉愚凡塾師教習處皆頒孝經一
部命誦習講解其士民杖笞小過果能背誦講解
明白亦准寬宥如司馬光講庶人章以誨父老真
德秀作庶人章解以化衆民又如王漸誦孝經義
而鄉里慚謝章景駿以孝經化貴鄉而母子感悟
皆其成效也總之表章八要以朝廷為萬國之倡
俾天下皆講明正學實敦孝道如此而期月之間
紀綱粗布行之三年有不成教化變風俗弭兵革
再久之而有不復祖宗淳熙之化舞干兩階幾致
刑措真才輩出輔德翼治者乎帝德巍煥不識不
知而順則王道蕩平無偏無黨而式度斯文未
喪至孝通神惟在我皇上獨斷而實行之焉鄭

世子朱載堉讓國正倫疏

臣始祖鄭王瞻埈生四子嫡第一子是為簡王

祁鏌其餘三支今皆故絕簡王生十二子嫡第一子是為僖王見滋餘皆庶出今惟第三支第四支

第九支第十支見有子孫餘皆故絕僖王止生二子嫡第一子是為康王祐杓其第二子祐樞未婚

早卒康王無子亦無親支弟姪正德二年康王薨逝正支已絕推舉旁支繼以倫序考之則簡王

第二子未名殤歿惟第三子盟津王見懋見在 longest 應該承襲鄭王緣伊先年與其庶母張夫人不

和時常言語見犯夫人懷恨恃寵撥王誣奏不孝罵父等情革去王爵讀書習禮後又誣奏魘魅人

命等情降為庶人送發高牆未久朝廷察知其冤特旨取回舊府居住當時案卷今雖磨滅然有成

化二十二年八月二十四日勅旨一道及成化二十三年十二月十八日置書一道足證其事蓋勅

旨乃憲宗皇帝責成簡王偏聽之失璽書乃孝宗
皇帝勸諭簡王相和為美宸翰具在可覆視也簡
王及蒙天語講和追悔前非遂相和睦自簡王至
康王凡上八疏乞復盟津原爵該部查無事例未
蒙俞允至是康王故絕因盟津未蒙復爵有礙承
襲權將伊庶弟四子已故東垣端惠王見湏之子
祐懌進封鄭王是為臣祖懌王時正德四年五月
十五日也本年九月初三日盟津病故遺有一子
尚幼正德十六年懌王薨逝嘉靖六年臣父恭王
厚烷襲封嘉靖九年初建南北郊天祀禮成詔許
宗室有虧枉者奏辨定奪盟津遺孤祐禧應詔陳
情為父伸冤比照律例一欵若祖父父母父母聽信
後妻愛子盡惑謀襲官職爭奪財產等項捏告打
罵者不拘所犯數次亦與辨理欵此欵遵凡上三
疏情詞懇切世宗皇帝憐之嘉靖十年八月內準
復伊父原爵贈以恭懿美謚頒賜丹印祭葬如禮

嘉靖三十三年祐禧病故其子厚煒亦遣孤載璽等今皆為布衣隱居耕讀人頗稱賢以倫序言實為宗胄玉牒可稽豈敢誣也夫盟津之寃蓋有來由非一日矣然今懷慶之人謂當時部議云但恐見憐既準追封之後祐禧必復乞恩承襲事涉宗室關係匪輕為此議者蓋以臣父既已襲封理難輕議必待臣父身終或更有議處耳此語相傳六十年矣據理而觀稽倫序正封爵宜在此時臣今若不自陳以中公論則使一郡之人率疑由臣父祖攘奪伊家鄭王爵位致伊子孫不得其所蒙此不義之名累及父祖臣實恥之若撻諸市則臣之寃有甚於彼者矣是以懇上三疏堅辭府事而議者猶疑臣有患失之心故授臣以不拔之業益使臣之心事難白徒抱慙愧而不能自己也臣有末議願為皇上陳之乞聖裁折衷焉昔晉人納捷菑於邦以獲且長故弗克納而春秋善之者善其弗

克幼也。衛嗣賁得罪於父，執尊祖以拒之，而仲尼必也正名，蓋不以其得罪而遂罪之也。宜曰申生伯奇考已之流，初未嘗非得罪而畢竟非其罪也。以今日之事言之，則盟津恭懿王獲且也，東垣端惠王捷菑也，彼雖得罪非其罪也。此雖賢非所宜立也。夫何故？立嗣以嫡不以長，立庶以長不以賢。東垣既非嫡，盟津實為長嫡庶之分。長幼之序，人紀天倫，古今之所重也。春秋大義正名為先，名不正則言不順，言不順則事不成。故左傳曰：辭順而弗從，不祥。此之謂也。昔魯侯之子長曰括，少曰戲。周宣王立戲為魯侯嗣，厥後括之子伯御殺戲而自立。說者以為宣王之過，殊不知戲所自取禍耳。詩不云乎：民之無良，相怨一方，受爵不讓。至於已斯亡此。古今之通鑑也。臣祖懿王進封之時，盟津見在尚為庶人，臣父恭王襲封之日，彼雖已故猶未獲爵，是以臣祖及父皆在側前於理無礙。

今既復其原為贈以美溫倫序最大後裔又賢臣之襲封乃在側後是為有礙臣與父祖所處之時間不同事涉嫌疑理當迴避正在此時耳傳曰自反而不端雖禍寬博吾不端焉自反而端雖千萬人吾往矣姑以臣身言之襲封一節自反而不端者也辭爵一節自反而端者也戴璽輩猶所謂禍寬博也臣曾祖王臣男五世已成之業猶所謂千萬人也臣父生受先朝殊恩竣威皇上卹典亦宗藩中一巨擘耳奈何使臣父子首犯皇上親頒要例得罪天下後世萬一諸宗或有庶奪嫡少陵長指臣父子以為口實以負皇上之恩而貽臣父子羞臣實為此懼耳夫名教中自有禁處何必鄭王爵位此為已物道理起分以圖快意而後為榮哉況臣近日病疾終甚皮帶血日夜不止飲食減少氣血虛羸肌肉消瘦惟有皮膚包骨骸耳臣今死在旦夕一身尚且難保豈堪管理府事是以四乞

天恩容臣辭爵調理病體臣得優游林下頤養天和心廣體胖俯仰無作生順沒寧而無遺憾豈非幸乎然則闕越大倫汨陳人紀招爭奪之誚壞禮讓之風玷厚親藩延累父祖祇有損而無益恒抱幽憂之病戚戚而無以為樂靜言思之亦可羞也寧從臧札遺踪竄匿岳穴枯槁自斃終期不負此心而已雖死之日猶生之年也不亦善乎伏惟聖明詳察臣下情無任激切瞻望之至 又疏

奏為遵要例正倫序進獻玉牒圖畧四乞天恩垂憐良病俯賜退閒調理以延殘喘事查得欽頒宗藩要例內庶子襲封一款親郡王娶有內助妾媵不論入府先後已未加封所生之子皆為庶子如嫡子有故庶子襲封父爵定以庶長承襲若有越次爭襲朦朧奏擾者將本宗叅究罰治輔導官并同謀擬置之人行巡按御史提問治罪先該臣奏為臣祖旁支入繼相傳至臣創前創後不同有無

建礮亦異乞物行查以申公論及臣患病年久不堪管理府事等因奏奉欽依著該撫按官上緊查明具奏欽此欽遵查看得臣所奏俱各是實別無情弊仍議臣管理府事臣男代行禮儀臣聞此議心殊未安蓋疑大不可者三事故不得已敬陳願末伏請聖裁臣惟宗藩要例者皇上欽定之法令也臣等之所奉行者也皇上發號施令先棄此例何以責成天下之宗藩臣等奉行先違此例何以鈐束一府之宗室臣愚以為大不可者一也臣曾祖盟津恭懿王熙真有罪則考廟何以時賜盟書辨明其寃世廟何以時頒溫冊褒揚其美如果無罪則其子孫自當襲其祖爵以正倫序勿使懷慶一郡之人竊疑盟津之所以不得襲封出於臣之祖父陰謀而時祖之也死者含不白之寃生者蒙不義之誣此清議而紊大倫此其大不可者二也朝廷萬念親親靡不周至未嘗不欲其壽且康也

臣患心瘁久疾動輒吐血不省人事旬月之久疾勢還甦甦已還發蓋遇閒居靜養則疾勢稍輕若思慮勞心憂愁驚恐七情所迫則轉加沈重反覆相尋非一年也一聞委以藩務驚懼成疾比前尤甚議者徒知愛臣授以府事不慮致臣殞失身命恐非仲體皇上恤臣之德意此其大不可者三也臣為此三不可不容自己三乞天恩始蒙俞允該部移咨前來明開推賢代理祇將應代之人取其宗儀保結以憑覆奏該長史司遵奉移文會集諸王宗儀公同推舉廬江王原光齒德獨先賢能素著堪以管理府事及查臣疾委實年久臣男翊錫委實庸懦俱各不堪管理府事隨取郡王各宗儀等不扶印結與臣所奏相同轉達間議者不查臣疾反覆偶見暫時稍愈即謂卧護無妨意見齟齬違延不決臣益增懼前疾復作吐血而不止危在旦夕若不具奏誠恐仍以府事累臣難保軀命乃

敢四乞天恩伏望皇上準臣所奏俯賜時旨命舉
賢宗管理府事庶為便益看得臣族弟戴璽委係
盟津恭懿王嫡曾孫稽諸牒牒倫序最長寃屈有
年已鑒知於列聖顙連無告久憫惜於輿情朝廷
發政施仁所當先及者也又看得臣族叔廬江王
厚光立身忠信居家孝友賢能素著宗民咸服倫
序雖後齒德獨先朝廷尚德親賢所當簡用者也
從公推舉惟此二人一以堪繼親藩一以堪管府
事但臣下情未敢擅便請自上裁定奪伏望皇上
勅下該部從公查覈如果臣言不謬乞先將厚光
賜勅一道代理府事以俟議定仍令載璽襲封鄭
王庶公論有歸藩務有統使臣得以遂調攝之私
廷旦夕之命遵朝廷之例白祖父之寃明矣倫之
序守禮讓之節如此則不惟臣荷再造之恩雖臣
祖父地下有知亦永戴聖德矣臣
舉家存歿不勝感激瞻仰之至

議正倫齒疏聞

孟子曰設為庠序學校以教之皆所以明人倫也
論語曰入則孝出則弟行有餘力則以學文又曰
君子務本本立而道生孝弟也者其為仁之本與
王制曰凡入學以齒然則古者教人之義無不皆
以孝弟為本倫齒為先近代議學惟重文章不明
倫齒非古人設教之本也孟子曰人人親其親長
其長而天下平則倫齒者治平之本也而其在宗
室之子弟則尤為切要而不容一日緩者蓋其生
於深宮之中長於婦人之手方離提抱而趨承奔
走者已滿前矣其所狎聞習見者無非以尊臨卑
頤指氣使之態而一毫之挫抑未經焉若不教以
倫叙之分長幼之節使之優游涵養於禮教之中
以漸培其謙卑遜順之心而潛奪其傲慢矜矜之
氣則以之事上而難乎其為上以之臨下而難乎
其為下所以德器不宏才猷不逮宗人雖多舉皆
不堪任用者其弊正坐是也合無今後無論世子

郡王將軍中尉已未受封有無爵職凡入學者但視其名以別其齒係未旁者必在火旁之上係火旁者必在主旁之上如是推及無名之宗使知長幼之序父之齒隨行兄之齒鴈行徐行後長者謂之弟弟則重之以賞疾行先長者謂之不弟不弟則示之以罰一坐一立各有定位或行或止各有常儀如是則下不僭上少不陵長恭敬揖遜之風行而展親睦族之效臻矣又何難於昭明時雍之化也哉愚雖不肖其於倫齒之說得於父師之所講明者素矣故於五疏所陳不曰重民命則曰重天倫反覆數千言不一而足者為是計也或者不察以臣為起祖父之讓忘父兄之讐則寃之又寃矣夫庶子襲封不許越次此要例之文也設使臣祖父襲封之時在要例既頒之後則所見亦如臣設使臣今襲封之時在要例未頒之前則所見亦如臣祖父即孟子所謂易地則皆然者也亦即魯

男子善學柳下惠之意也在臣祖父則可在臣則不可臣將以臣之不可學祖父之可宜敢以已之能讓形祖父之不能讓義長幼天倫至理在是順之則吉逆之則凶是以叔齊雖父命有所不受魯戲雖受君命亦有後患也臣縱不為利害計寧不為綱常計乎茲綱常倫理本於天命固不得以人之忌憚變易之也昔在成周蔡叔流言欲害周公賴天王聖明先抑而後伸周公既沒伯禽蔡仲未聞相讐蔡叔請謚魯史褒之夫魯蔡世讐而仲尼不削何也及至周衰此侯諸齊齊侯滅紀始有九世復讐之說當此之時上無天子下無方伯紀綱廢弛私欲橫行故得恃其強力以復讐讐宜歲世所宜有哉臣雖不敢以人欲廢天倫不敢以私讐害公義故於盟津事既昭雪之後不得不遵要例以建白於君父之前也通者巡按御史索臨懷慶與府縣官會議有云世子累疏辭爵誠懇可信在

我不為事在彼不為辱不然反使無光臣聞之曰此真知臣之心者也但舊恩撫已去而新恩撫未來未會蒙代奏耳臣今年五十八交新年五十九將六十之人也病疾纏綿日甚一日寧可以待之乎伏願皇上憐臣稟病之人取臣重倫之心將臣五疏陳乞衛賜俞允俾臣與臣子翊錫皆得以久嬰疾病倘序未安之故準辭封爵以就閒暇勿遽鑿斷之議則不惟歲額減而天下享厚生之澤抑且倫益明而幸土洽正德之化矣夫如是則臣志始達而臣死無憾也下情未敢擅便伏乞聖裁

楊東明饑民圖說疏

題為中土民窮已甚時事萬分可虞乞大溥皇仁以奠民

生以培邦本事蓋自中州被災以來諸當事臣所微慮於皇上者不啻涇矣臣亦何容置喙哉顧臣河南人也雖家未久聞見頗真故默然無言實戚戚在念欲勉強言之則漣泣而筆不能下恐皇上

覽之當亦潛馬出涕也近廷臣自南來者所傳光
景益惡而其禍將不獨在民已也臣為蒼赤抱痛
復為宗社懷憂謹披瀝為皇上言之粵惟去年五
月二麥已見垂成忽經大雨數旬平地水深三尺
麥禾既已朽爛秋苗亦復殘傷且河決隄潰衝舍
漂廬沃野變為江湖陸地通行舟楫水天無際雨
澍含愁民乃既無充腹之資又鮮安身之地於是
扶老攜幼東走西奔饑餓不前流離萬狀夫妻不
能相顧割愛離分母子不能兩全絕裾拋棄老羸
方行而輒仆頃刻身亡弱嬰在抱而忽遺伶仃待
斃跋涉千里苦旅舍之難容匍匐歸來嘆故園之
無倚投河者葬身魚腹自縊者棄命園林凡此皆
臣居鄉時聞且見者也迨至今日更不忍言斷草
巢以聊生剝樹皮以充腹枯容黧面人人俱是鬼
形恨地怨天箇箇求歸泉路向者猶賣兒女今則
割兒女之尸體昔也但棄親身今則食亡親之骨

月通路警急行旅戒嚴村落蕭條烟火斷絕雖支
歲月乃相約以捐生無耐饑寒遂結聚而為盜晝
則揭竿城市橫搶貨財夜則舉火郊原強掠子女
據北洵洵靡寧之勢已有岌岌起變之形此臣今
日所聞甚於昔日所見過此又不知何如也臣聞
君為民之父母民為君之赤子今赤子既已無聊
矣而君父何忍坐視哉且民者君所持以富貴者
也欲保富貴不可使民饑而死使民饑而死欲保
富貴得乎哉故保民所以保社稷棄民所以棄國
家今日保民之政非大破拘孥之見宏敷曠蕩之
恩必無以拯貼危之民而消隱伏之禍也夫國家
東征西討帑藏幾空大司農方且勞心焦思勤拊
据而靡措而臣乃戾首蹙額呼庚癸而告急臣豈
不知國計之難哉第念忠臣謀國固當慮其所難
而智士審時尤當救其所重今蠲租之令不下則
有司之催科猶嚴內帑之金不耗則下民之仰望

頓失催科嚴則有刑罰以驅之叛仰望失則無恩德以結其心以無所可懷之德迫於有所可畏之利即慈母不能保其子而國家能以有其民乎當此之時不肯捐以養民者不能不發以養兵養民之費十一而禍況於無形養兵之費十九而變伏於叵測且河南山東之地無為之教盛行倘姦雄攘臂一呼則四方望風響應欲竭以輯之而民不從欲賑以懷之而民不聽收拾無策懊悔何及故論君民一體之情則不忍不竭不忍不賑論利害相關之勢則不可不捐不可不賑今議者之難於捐賑也欲聚以備散而臣之必欲捐賑也則以散為聚聚以備散未必得聚之實散以為聚陰收不散之功謂宜急下明詔蠶示蠲恤毋令閭閻枵腹之民胥為囹圄含冤之鬼蓋古者豐穰相仍猶然用一緩二今也生民相食何忍剝髓敲骨且暫停之終屬難完又豈若顯除之使民一快哉至於發

賑一節向來未見允行雖留該省見在之金無以
明朝廷特頒之惠昔曾發二十萬於陝西又曾發
四十萬於江南皇仁業厚於往年恩麥可薄於今
日臣昧死請於戶工二部各發十萬餘金蓋戶部
本錢糧之府而苦於連歲之用兵工曹非賑貸之
官而宜念生民之孔急況目前無所營建積蓄方
在贏餘為宜那借一時不妨後日還補臣又思此
二十萬金聚則為重大之惠散則惟涓滴之仁欲
固嗷嗷民心還須洋洋德意宜下勅書一道極言
軫念之情更遣近臣一員授以宣達之寄然或委
用不當人徒騷擾地方臣博採輿論之公兼酌才
品之當有光祿寺寺丞鍾化民者一任縣令兩任
按差到處皆能救荒至今人猶頌德如令奉命而
往必於荒政有裨尤須假以便宜方可展其才畧
益發帑金以緩須臾之死遣使臣以朕撫貳之心
弭變恤民莫切於此嗟嗟臣東筆屬草之時皆饑

民奄奄待斃之際早一日則多活數千萬之生遲
一日則斃數千萬之命臣望皇上速留意焉臣識
短才庸不能盡饑民之狀因繪而為圖附之以說
用塵乙夜之觀庶知萬民之苦臣言有限臣慮無
窮臣之臨毫一字一流臣之伏闕萬懇萬哀伏乞
勅下該部連歲施行萬民生死之關邦家安危之
本在此舉也臣不勝涕
血籲鳴激切祈請之至
李戴疏通鹽法疏
題為疏
以足國課以靖地方事竊惟國家資鹽利以供邊
餉特設各運司以統治之所以裕國也其食鹽戶
口各照地方遠近劑量分屬亦所以便民也遵行
既久無容別議矣邇緣黃河以南鹽價騰湧私販
甚衆前歲礦盜角利嘯聚千餘騷動地方幾成大
變一時撫按具奏幸蒙嚴旨切責勒限捕緝然後
首惡就擒餘黨解散臣於彼時猶竊疑之臣世居
河南自有知以來未聞鹽徒如此甚衆也比奉使

入晉過太行入河南之境詢於道路訊之父老僉
曰鹽徒之衆由官鹽之不行耳然官鹽之所以不
行者有三河東鹽花之生大減往昔取數不盈一
也山路崎嶇轉運不便二也商人因脚價之重不
插和不足以償本沙土參半味苦不佳三也民不
可一日無鹽而官鹽既少又不堪食故販私鹽者
日盛盛有司奉法又不容不多方捕之則鹽徒不
衆勢曷以行是以少者數十人多者數百人各持
利器往來自如官兵趨而避之莫敢誰何原其初
心不過求自衛耳但此輩多無藉之人而强悍之
徒也黨類既多肆行無忌或禦人於白晝而攫其
行李者有之或穿窬於暮夜而刦其財物者有之
民雖被害猶多不敢鳴之於官畏其復來加害愈
慘縱鳴於官亦不過案候而已抑將奈之何哉今
日河南之人非無鹽之患實鹽徒之為患也欲驅
鹽徒使不為害又非可以法割禁令為也亦惟於

鹽法而少變通之耳夫鹽徒之所販者宜盡本土
私煎之鹽哉蓋河北彰德衛輝長蘆行鹽之地也
河南汝寧陳州兩淮行鹽之地也鹽徒興販在北
者販之長蘆在南者易之兩淮是河南五府名屬
河東其實所食者長蘆兩淮之鹽矣民食朝廷官
鹽乃令餒手於鹽徒之私販不亦深可惜哉為今
之計莫如量為通變近北者分屬長蘆近南者分
屬兩淮之西者仍屬河東庶鹽行既便其價自減
彼私販者不禁而自息矣說者曰河東一運司也
行鹽地方頗減若干其誰與我殊不知運司所職
掌者國稅之課也地方減則國課亦減而惟辦更
易矣況會典所載開封一府原隸山東者也後乃
改入河東當時可改今獨不可改乎汝寧一府舊
隸河東者也今乃改入兩淮汝寧可改別府獨不
可改乎哉又曰長蘆兩淮各有常課驟增若干其
誰與我是不然河東之鹽生於池者也長蘆兩淮

之鹽生於海者也池之所生有限而海之所生無窮長蘆臣猶未親見若兩淮則臣作縣時所熟睹者也鹽包堆積如茨如梁必五年而後掣商人往往告困若於淮北每歲四軍之數如掣一軍抑或於每軍之中加增若干引民與商人實兩利之也古兩淮則長蘆可例知矣以此有餘補彼不足於國課既無所損而鹽徒以息地方以寧於黎民尚亦有利凡此不過一轉移之間耳亦何憚而不為即此事凡行部地方者皆知之第以事有專責言輒顧忌獨不思以各官視之各人之事也以國家視之一家之事也京益國家之稅課而真安國家之人民有食不可而可以成心拘之哉臣河南延津人也延津舊屬民皆煎鹽以供賦稅昔巡撫于謙題奉通行文相延至今未嘗有官鹽發縣臣乃項項言之無忌鮮鹽徒之害恐起他變一念杞人之憂不容自己實非為桑梓私也伏乞勅下戶部

再加查議如果臣言不謬轉行河南撫按會同各
巡鹽御史虛心酌議因其遠近從便分屬即量減
河東之引分派兩處則中原之地永無
意外之虞其有裨於國家非淺鮮矣
王國寧拋

荒疏

奏為劇郡災荒疊厄兵衝慘絕難支泣籲
賦移民更造重地事
臣接據京畿咽喉十

省素稱重地驛路衝要軍需督餉即當沃歲供役
苦繁今則四載旱蝗合境癘疫戶口逃亡俱盡土
地曠廢無耕寧寧奄奄忍死之餘血枯氣咽旬
千里一字一淚叩闕陳之汲民宿孽干天降罰慘
酷自從天啟年來迄今未有豐歲民力日耗勉強
撐支迨戊寅己卯之間飛蝗為害彌山蔽野吞噓
無遺二麥不登三秋失望然未至慘絕也庚辰入
夏不雨交秋復蝗村落丘墟城市罄竭粟米一石
價至十六千文漕糧芻豆一粒莫辨掘草根剝樹
皮矣與衣裝拆屋舍矣賣妻子噉屍骸矣甚之父

子相食矣夫妻相食兄弟宗親相食矣又甚之兵
盜相食晝夜掠人充食矣傷毀天性滅絕人理盜
賊羣行於郊外僮孺生斃於街前官族鉅家傾囊
潤髓無濟枵腹之急而郡城虛無人矣延至今春
百存一二有地無人者有有人無牛具者雨澤
稍沾別肉播種而古今未有春生之蝗蝻適野湧
出平地厚積尺餘麥禾掃地立盡旱災瘟疫旋復
交侵目今夏秋已交全無滴雨今歲不能播種何
時敢望收成顧後瞻前萬難存活縱微上恩賑恤
豈能家給人哺之即從此而五風十雨耕獲及
時而牛種安資丁壯安在有何續命之術以待來
年乎版圖空具隴畝盡荒猪面象眼之人形凶穢
冤號之苦狀呼天無路祈死不能況闕獻未平兵
馬頻過斗糧束草動費數千即時時搜括子遺日
日更換守令追呼於不毛之地敲朴盡絕粒之人
終不能無米為炊白骨再肉也幸一時有司多方

綏輯屢行蠲貸僅免脫巾而時勢多艱實難復繼
乞垂矜憫危形遣官察勘時勅大兵往來經取別
路另發軍需將沒縣一切新舊糧差通與蠲免仍
於別省生聚地方量遷民丁徧給墾荒耕種庶有
人斯可有土臣等鉅魂
幸存頂祝高深世世矣
范良彥條陳河工疏
題為
微臣

計日陞辭直陳切膚要害伏乞嚴勅河臣祛積累
以蘇民困事臣竊觀皇上數月以來種種新政有
利必興有害必去且因月食儆惕諭令廷臣條陳
時事尚恐有未盡興之利未盡去之害仰見我皇
上加意民生國計至詳且切顧事有似緩而實急
似小而實大者無如臣鄉黃河散骨之害積有歲
年當此希遷之時若不控陳於聖明之前萬姓瘡
痍何有極已亦宜臣之所以報皇上者哉臣中州
人家於黃河曲裏目擊最真受害亦最苦請得而
痛言之河流自潼關入汴延袤千里悉經臣鄉而

開封以西率多山地水行地中未甚為患至銅瓦廟而東盡皆平野沮如下濕漬決不時故羅家口蘇家林王家壩諸處歲築塞無虛日而其所需一應婦料若柳稍椿草蓁麻等項舊例招商運買不知當日作何估計定立官價太少以故商人不肯應承因而遺累里甲包賠與河患相為終始郡縣有司念切民隱非不極意調停然既不能破一成之例又不能作無米之炊仍舛襲敝不得已而仍派之間閭處處皆然亦勢之不得不爾也他不具論以臣虞城一邑言之如柳稍每束重六十斤平價可值銀六七分而官價限以三分是正數未足其半穀草每束重二十斤平價可值銀三分而官價限以二分是十已短少其三其餘椿木蓁麻大率類是一邑如此他處可知無之行水之地樹木凋殘不得不市之數百里外而脚力有費雇船有費搬運有費交卸上納又有費此等極煩苦之差

商人東西南北之人能強之應役乎合計歲發官銀一萬兩百姓可包賠五千餘金而倍蓰而十倍愈多愈苦而藹餉等額外之輪不與焉中州腹心之地困苦至此臣前入都時生民嗷嗷連道冀臣轉控上司而未得當臣思此等景象不講求長久之法兩河赤子何有見天之日因思河南各府原有額定河道歲修錢糧有司徵解不時拖欠數多前歲管河道副使周鰲曾有查催面與臣言已得四萬之數不知各屬今可解完否夫此項錢糧即使民自當徵補解若無拖欠係別項解支亦當速抵原數聽河臣湊手給發應千則千應萬則萬如臣所言柳梢等項招商辦買一一準之民間公平價值或使少占利息商人自是樂就臣又訪沿河一帶上而尉家窪下而徐州等處亦有河工彼處柳梢官價即有四五分及六七分一束者臣之請增其價通商便民似非臆說况河路額設錢糧

原宜用之河上取現在已輸之銀免眼前剝肉之苦濱河小民不其有瘳乎夫臣非敢以煩聒之論樹德桑梓水性就下東西其會歸也萬一臣邑羅家口之新堤一潰淮泗之間一帶汪洋陵寢重地不免受其浸濡且河勢既南誰能挽之使北又恐徐州入運水勢乾涸而漕儲亦多梗塞臣猶記萬歷二十九年後水決蒙牆寺大河南徙當日為保陵濟運議濬議築河臣曾如春曹時聘相繼受事疏請數百萬金兼七省之物力動二三十萬之役越歲工成民生凋敝兩河元氣實耗於此至今未復可為殷鑒方今東西交訐白蓮餘孽在在見告尚有河工興作即聚數千人於河干保無他虞乎此其憂又不獨在河也今總河張九德履任方新饒能辦此乞勅該部移咨管河部院及河道諸臣乘此水未盛發急為料理其一切埽料人工毋得陽存招商之名而仍蹈貪派之實在上勿希心

蠲祀縣災荒疏

臣子處巖邊鄉音中斷已經年矣昨接家信云臣邑祀縣寇荒交甚

除而令下得餒手於乾沒自崇禎元年為始
立石碑永不許擾害貧民此誠新政第一盛事
今且法中州為臣故鄉而延及淮泗又在臣按屬
一日瞻關之身為兩地生民請命伏祈
聖鑒奪施行臣不勝懇切待命之至
江禹緒請

斗米萬錢全無賣者臣母及臣子在家日啖糠粃
然亦日不再食餓僕婦女餓死者十餘口至城邑
外人烟稀少屋山積所不俱死者一二婦紳
與素稱有餘之家奄奄待斃耳萬死一生之人固
強是為皇上解新餉舊餉勒餉練餉及登降索寇
先人也嗟嗟賦輸於地今地盡荒矣餉徵於人今
人乞盡矣向猶剝樹皮掘草根以延旦夕之命今
之為樹無皮于村皆赤處處皆然而臣邑尤甚地

方有司即馳字行窮思言僅料即臣不知臣鄉遭
何劫數而國之至此古嘆人命之微拘羸不如珠
今觀之殆將甚矣臣皇上宏開闕聽大沛仁恩
勅下臣鄉興修造賊禍援底腹心重地不至盡化
為丘墟臣如力
是隅有厚幸矣
許永禧請臨上蔡災荒疏
上蔡

稱汝

陽腹心重地自八年以來荒蕪土賊連為蹂躪而
人畜淹沒饑饉為害矣官軍征而而玉石不分鳴
吠聞聞矣處處荒蕪曉曉無止棲之地在在屠戮
原衝斷行路之人更不可勝於旱遊之肆虐而地絕
草萊也積水之田沒而人盡為荒也埋蝻之蔽天
滿地處食已盡夫無食也則求為錢民以草子樹
皮度日劫數未盡臣臣天行有一甲僅存一二戶
者有一戶不留一二人者遍野青燐成阜白骨間
有鵲面鳩形奄奄待斃者聞而通衢涕泣求食一
步三換十聲九歎叩叩叩侯亦難增其菜色臣在任

四月多方招徠計復業者僅五百餘家詎意本年七月十六日騎馬流賊三千餘自南而來磐踞郢店等莊是夜五更向東北而去殺傷男女百十餘人而鳥獸驚者復遠不知所至嗟嗟何代無兵戈何地無盜賊何歲無災沴未有死於寇死於饑復死於癘氣如蔡民異常之苦者也臣欲救汲黯之發粟賑貸奈倉庫如洗願與力遠近聞卹報明旨有河南等處兵荒州縣準俟秋成催徵以示寬恤大哉王言真如天好生之寬貸矣但上蔡負耒耨人力田無具極日荒原無秋可俟况侯之猶夫道之與其通而為不了之局毋寧蠲而沖無涯之澤也臣豈不知中外告急庚癸頻吁錢糧所需如焦釜待沃敢從地方起見而妄言蠲歲第民為邦本本固邦寧上蔡子遠生存有幾若猶以徵比為事縱鞭扑日加不惟無益恐因而縱盜引賊正供之獲無多兵餉之費更甚此臣所以哀懇皇上恩

竊以恤其住以勸其來而雖持此殘黎實以為國也臣已申兵荒詳聞於院司道府恐諸臣題請未遑醜賤乃冒罪詳開以聞乞將新舊條鞭悉憐察免行見諭音一布惟聲四達可以消災害可以寒賊膽即有不虞民自奮勇捍敵

皇清賈漢復更正驛路疏

奏為中州衝繁已極驛路更正宜早謹繪圖進

覽伏乞

勅部速議以蘇難支重困以免遲誤軍機事案照中州驛遞衝苦緣由臣先據陞任驛傳道僉事郭四維詳稱河南驛遞向日雖曰繁難官民猶可支撐自從黃河決後東流水阻凡江浙等省一切差使舊由山東馳驅者近皆遠道河南且通來湖廣等處捷報屢傳軍情不遑一差動用馬百匹或數百匹即至少亦不下數十匹是以河南既苦本省差多

又苦別省遺累官氏之心力空竭目前之供應萬
難本道再四籌維除酌增銀兩另詳呈請外察河
水已歸故道東路已成坦途往來差使仍前遠道
河南者總由奉差原役以東道久未經由遂不憚
遠遶因猶豫省之熟路耳本道若不據實請更將
見夫日逃亡馬日倒斃中州驛站傾廢在肩睫間
矣且勿論驛站一倒興復為難萬一遲悞軍機干
係非小等因呈詳到臣臣以事關驛路通塞軍機
遲速隨詳批該道確察向來某某省原由河南行
差某某省原由山東行差東路較西路所近果有
幾許南北差使分合各在某處某路直捷某路迂
遠備細詳明開呈去後順治十五年七月初四日
據驛傳道僉事程落詳據開歸等府察報到道看
得兩河驛遞疲困至今日極矣倒斃之報殆無虛
日酌補之請文牘如雲本道每接申文痛心攢眉
真有卧不安而食不甘者分路行差始救懸急今

各府具詳繪圖前來如出一轍本道細加參酌大
約山東驛路近而捷河南驛路遠而速如自京
城南來從涿州分路一由新城雄縣河間景州入
山東境經高唐東平汶上兗州等處而入江南省
之宿州以至江寧計程二千二百餘里為直徑即
各省舊日所行東路也自涿州分路一由保定真
定順德彰德衛輝延津渡河而南經開歸永城而
入江南之宿州以至江寧計程二千七百餘里為
遠道此即各省近日所行西路也故諺語有弓絃
弓背之喻謂山東路走弓絃直則近矣河南路走
弓背紆則遠矣自河決以來奉差者陰受稽遲而
不覺未暇論其遠近郵遞者困於支持而莫訴亦
未暇論其勞逸因循日久兩承其弊困苦至今豈
可不極而思返況今河口已塞水歸故道山東一
路久稱坦途伏冀分晰奏
請嗣後凡遇差赴江南浙江福建江西廣東公幹與夫

該省赴任齋奏解運及事竣回
京者即與勘合火牌內實填由山東路行如赴湖廣
廣西雲南貴州等省公幹及該省事竣回
京齋

奏解運等物勘合火牌實填由河南路行若此則
兩河赤子固共慶再生即捧

節差

使亦免棲遲長途矣在山東則還其所固有在河
南則去其所本無實屬兩便非孫推諉蘇驛困而
濟軍機宜目前之益已哉等因覆詳呈臣臣欲為
經久長便之計遂不厭詳慎諮訪之圖因再批布
政司照依發去圖式將東西兩路遠近實跡便否
確情核明另圖妥詳速報等因批司於七月十一
日據布政司左布政使管起鳳遵奉臣批覆察與
該道相同繪圖呈送前來該臣看得中州之苦驛
通為甚驛遞之苦近日為尤甚何也在當年衛雖
通乎數省差原分有兩路衝達官民尚苦莫支後

因黃河衝決東道淹阻合天下差使率皆取道於豫而豫之夫馬是以屢倒屢迷豫之官役遂致累逃累斃如郭店等役驛丞張煜等其明驗也別今湖南捷報頻傳差使如織

王師南下軍機刻不容緩驛路衝繁更有倍蓰昔日者臣前在彰德洪兵親見大路兩旁倒斃馬騾不可勝數甚有驛馬不敷累及民馬所夫不足累及農夫禁之勢有不能行之民不堪命臣若及今不言將來馬必盡倒夫必盡逃達軍機一悞言已無及即將官役盡法嚴懲於事奚濟今欲蘇驛困而濟軍機惟在更正驛路照舊行差之一著耳且山東之路近而直河南之路紆而遠況黃河歸故道東路依然坦途如湖廣雲貴等省路原經河南者勘合火牌內註由河南如江南閩粵等省路原經山東者勘合火牌內註由山東分行則衆擎易舉偏苦則獨力難支總是

皇上之地方總是

皇上之赤子一照舊而疲驛有興起之色軍機無遲悞

之患矣臣亦知久息之有一旦而復使仍舊東路

官從諒所弗悅但臣惟知為地方計長便為軍機

也臣謹將驛路繪圖會同鄧陽撫臣合詞具疏恭

御覽伏乞

勅下臣即遵議上

施行臣等遵奉施行

李及秀酌派河夫疏

題為河夫之
擬派當更遠

疏之地方宜酌仰祈

奏

臣等竊以均徧累以蘇民困事竊惟河南之大政首

在河工臣屢披黃河士民環焉而泣余云河夫重累

臣等已久今更旦夕難支臣初任地方未得要領

不敢輕言

宋聰

因行文管河通開封府逐一察明詳覆到臣該臣
看得黃河為患自古皆然從無一勞永逸之規而
有因時制宜之法立法善則官不能行其私奉行
公則民得以忘其役若不審百姓之筋力不察地
方之遠近不斟酌河工之有無止於循例而行以
勢相督宜其筋力日盡遠近皆勞而河工之患為
甚酷也臣愚以今日之河工當更議者一當酌議
其二也河工之患以今日之河工當更議者一當酌議
十二項五十一款此一款不當更議者也蓋昔年制
加三法空地二十二項五十一款今稱稱安濶河工
有限宜可以河口潰決之日為例乎此一款所當
更議者也夫堤岸雖有一定之地方而百姓亦有
一定之筋力今河南額課每年大率五分若河夫
一名每年計用銀五十兩如瀕河州縣或每夫止
坐地四頃或止三頃甚有止地一項有奇是河因

之費十倍於正項矣雖項偶同於正項民猶告困而反十倍焉民何以支況河患闕乎通省原非一縣之力所可繫若不通長較算惟本縣之民是責如河道詳稱各府州縣皆地二十二項五十畝派夫一名者安所用之乎臣聞近河百姓有棄其家而逃者矣夫使小民無安土重遷之情此其心可憫此其勢可虞也臣愚以為近河地方亟當酌議每夫一名應坐地若干頃至於通額則議所以協濟之而後近河之工可以相舉此其所當酌議者一也至於南陽一帶去河工數百里離河益遠則僅覓並難據河道開報各州縣協濟夫數不敢增減是與附近河工地方一同按畝計夫又豈為情理之平乎臣愚以為遠河地方併當酌議每夫一名應坐地若干頃須加倍於附近州縣非河有大工不得輕派而後遠河之地可以相安此其所當酌議者二也以上三款皆河工不平之數均當更

定以蘇民困臣非不知河道自有專轄臣言之似為越俎然通省利害之關臣目擊既真敢不據實

入

告如果臣言不謬伏乞

敕部行河督河撫兩臣通長確議

奏請

睿鑒下部議

覆施行

沈荃遵

旨條陳疏

奏為遵

旨條陳仰祈

睿鑒採擇事職以庸駑才叨荷皇上殊恩拔置鼎甲侍從有年又蒙轉陞河南分巡大

梁道因署臬篆例當入

覲復得瞻拜

天顏深慰下私謹遵

睿旨許朝覲各官條陳地方利弊此千古曠典敢不竭

其一得仲副

高深竊照中州一省如分驛路裁官使察隱漏清獄因理河漕諸大務凡有利當興有弊當除業經撫按節次條奏

允遵在案無可再瀆謹據職耳目所及暨各府聞報有一二事宜見應酌議者恭列六款為我

皇上

陳之一西南驛站之宜酌補也中州路當子午輪蹄絡繹驛站之固倍於他省今幸江浙等處分邇東

路而大兵南勦勢必由豫入楚目今傳旗報捷日無停晷每用二三十騎或四五十騎前差未發後

差踵至額馬有限推覓不周自新鄉以南由荊州路者必歷南陽府新野縣由德安路者必歷汝寧

府信陽州通計一千餘里供應疲苦以日為歲甚至亢村郭店等驛官死夫逃整頓不起軍務迅急

關係匪細請

敕部議即將該省驛站銀兩通盤打算撥解補銜庶各

驛免倒斃之苦而軍機無通滯之虞矣一河北養馬之宜輪值也大兵入楚喂養馬匹原酌道里之均向議河北彰磁歇馬過年蕩平滇黔換班征調每歲不下二三次或當春耕或值秋稼雖搬運糧草置辦槽餵原有各府協濟而本郡百姓供億獨煩竊計河北尚有懷衛二府直隸則有廣順大三府皆附近大路水草平衍可以飼秣請

教部議副後應於六府中輪流分駐彼此協供至襄城最爾小縣距彰磁不過四五百里似難再議歇馬庶酌勞逸之均而無偏累之苦矣一常平積貯之宜核實也常平倉為救荒要策先經部科條奏通飭畿省見在遵行但就豫省而言各州縣每歲贖錢為數無多且春夏解銀秋冬積穀計二季所積多不過數十石少者二三十石蓄貯太寡無裨實用年來頗稱有秋然汝寧之汝平新上開封之襄鄆項高去秋水發亦遭淹沒

敕部 況南鄰江楚水災疊告米價一踴糴賑更難請
議轉飭各州縣嗣後須廣積貯不得以此少塞責

每歲大縣積至五六百石小縣積至三四百石者
量行獎叙不及額者仍與紀過將見倉箱既盈而
饑荒有恃縱有水旱不必請蠲賑之文而獲三餘
之慶矣一省城修復之宜亟圖也開封為中州省
會自河決以來城垣淤塌大小衙門分駐各邑文
移既苦往返屏翰未聳觀瞻至歷年鄉闈增移輝
縣供應之費該縣久屬不支近者巡鹽臣馬騰陞
有修復汴城之疏業奉

俞旨 撫臣賈漢復現在相度彈慮經營但虞城閭閻亘
工費浩煩既無錢糧可以動支而民間物力久耗
於河工抑稍供兵諸項目前新報地畝徵輸更艱
用力用財不無重累請

敕部 議轉行撫按或請於每歲贖緩量準支銷或請於
工屬銀兩量行撥借或照滇餉事例鼓勵士民樂

輸多方設法督倡興工先移衙署而次葺城垣庶
經始有子來之歡不日壯維屏之勢矣一地畝等
則之宜分晰也中州土地原有上中下及金銀銅
錫鐵等名目分別起科向因地未盡闢疆井混淆
八府以內豈無不分等則一舉派糧或致貽民間
貽害者今查首漸有就緒小民自無遁情若不亟
乘清查之時一併分晰高下則熟田固難隱匿而
起科或致混淆終非

皇上軫念

國計民生至意仍請

勅部於彙報之後查照萬歷年間則例照地派糧永為
遵守庶則壤有一定之規而荒歲免包賠之苦矣
一營兵缺額之宜速補也中州駐防之兵通省額
存不過一萬二千計調楚調浙約去三千有餘見
在無幾今奉

旨缺額免補有汰無增凡駐防分汛送差護鞘每苦不

足況中州南接荆襄西通秦蜀地勢遼濶雖居腹
裏必指多兵彈壓請

勅部議仍許募補足額以裕調綏以實軍伍至各營兵
丁更宜嚴飭將領兼行保甲連坐之法自汛守防
禦操點之外不許離伍為非每月具結彙報各道
鎮轉報撫按如有盜賊竊發干與營兵者聽撫按
不時參究此清盜源之一端而營汛不致虛軍軍
政從此益肅矣以上各款俱就地方便事宜及各屬
條議所及敬承
清問用獻易菟倘有可採伏乞

皇上勅部確議覆請
明旨施行

許作梅謹陳河工利害疏

題為河
工孔亟

河累患大謹陳目前之急務與善後之良國事竊
以黃河上閘漕運通塞下閘豫東民命利害所係
綦重則大王廟決口不可不急修也但目前築塞
所缺在柳數年來一築流通再築洩源中州百姓

僅存皮骨今一州隸派夫勦以數百派柳勦以數萬索不產柳之處國不能無中生有即種柳地方近者採取已盡遠者陸運雖艱恐十錢而不得一段之用也臣聞曹軍之間蓄柳甚盛年來未勦大工即小有修築所需無幾況地近新河船運可通或行本地買辦或今募夫採取省民力而濟河工莫此為便此臣與河道方大猷面議可行者也此目前之急務也黃河自古為患然未有歲修歲決屢修屢決如今日之甚者蓋明時泗川陵寢東省藩封一有冲決河臣即行治罪通未止叙塞河之功不議河決之累加以數年不修之堤畔防護無人河安所恃以不決哉臣愚以為河口塞後宜多設樁夫夏秋沿河築壘以防決冬春採辦物料以備用其工食即取給於原設河銀之內河官分定地方倘有疎忽致決查辦集官經管地方依律議罪則人畏決河之律不復觀修河之功自然防備

加嚴庶幾少免潰決亦可省歲修不貲矣此善後之良策也以上二議皆愚人一得之見懇祈

勅部確議履預議漕法疏題為黃水復聞大發漕法所當預議謹陳愚見以利國儲

請施行事近有人自河上來言黃河大潰水勢狂奔去年及長垣城南而止今漏漫城北二十餘里矣河工至今日誠急也臣以為黃河為漕運所關治河必先議漕歷稽前代建都不同轉輸各異我先議

朝定鼎於燕仍明之舊即當因明之制而補救之明初運糧有二道海運自直沽達京河運由江達淮由淮達黃陸運至衛舟運至京迨會通河成而海陸之運俱罷故終明之世漕運以黃河為通塞

國朝肉之河決流通而修河決決源而修決大王廟而又議修非為河也為漕也今年因決口未築清口水淺一挑再挑小民疲於力役乃河工未動河水又漲矣使河伯勅靈河工蚤竣明年漕法可無煩更

欽定四庫全書

卷七十六

議萬一河水洶湧工難遽完今歲前車可鑒臣狂
瞽愚忠謹披瀝為我

皇上陳之漕船在淮揚之間從無淺阻惟黃河北徙所
慮者淮河口及宿遷等處糧艘不能飛渡耳勢必
淮河北會泗沂東入於海則淮泗初未嘗不相通
也明矣宋神宗間河決澶州遂合泗沂而與淮會
則宿遷一帶非黃河之故道為泗沂之故道也又
明矣淮水雖弱為四瀆之一復得洪澤阜陵泥墩
萬家諸湖以益之昔則隨河入海者今使曲防接
泗未必甚弱何可不議也且蛤蟆周柳黃墩等
湖合落馬泊河之水由董家溝入河并引永堽堰
村二湖以及睢水由白洋河口接濟之則黃河四
分之水其流未必中斷又何可不併議也至張秋
迤南黃衝運道設法疏濬以利漕舟均不可緩臣
考之載籍詢諸輿論如此第未嘗親履其地里之
高下水勢之強弱以及潰漕有用之陂塘不能盡

懇懇祈

特遣博洽典故曉暢河勢官員躬詣勘與河漕二臣

共相參酌或別有運道可以通漕務使一勞永逸
有利無害詳議妥確覆請

聖裁定奪漕法既定然後可得而議河也其以利

國儲而便民生非淺鮮矣管見如此仰候

勅下內院九卿科

道會議施行

謹陳河患疏

題為決口報塞謹陳末
議以絕河患以恤民生

事臣才庸識暗蒙

皇上遣同滿漢諸臣踏勘河漕河工情形已與同差諸

臣遵

旨咨部會議具奏矣幸而河伯効靈河口報塞臣目覩

長河形勢與濱河之民被災疾苦謹將善後恤民

事宜條列四款為

皇上陳之一項銜宜保護也黃河自榮陽而東水性湍

悍南衝則決而南北衝則決而北今決口雖塞臣

周流河干見上流下流有頂衝數處最險者無如
潭口寺若此堤一斷則河必經延津迤北東由滑
縣抵臨清下天津入海其害何可勝言如此急工
恐陽武一縣民力不克底績臣請

勅下河臣多撥夫料併力加工勿待挑花水漲又成不
可收拾之勢上流下流頂衝俱用心保護倘有疎
虞河官重治則河患可息矣一隄防宜增築也河
水狂奔以堤為障臣見大王廟決口之下舊有小
長堤一道低薄不足為恃故大王廟之決即存洙
源寨東壩也臣請

勅下河臣另建遙堤併將小長堤增高加厚即伏秋水
發內有龍門大壩以束其流外復有遙堤以殺其
勢則水性不能橫溢矣一河夫宜復設也沿河州
縣舊有額設河夫每年修工辦料防護河堤臣十
年五月內具有河工孔急河累甚大等事一疏內
有設夫一議該河臣題覆始俟年豐河銀徵足再

議河臣祇恐河銀缺額工食無措非言說夫為無用也臣請

勅下河臣查原額河夫照數增設即工銀不足河夫做一分工程歲修少一分工程應聽河官於河庫內通融支算則地方亦不苦累矣一河民宜踴恤也臣行視河干見陽武封丘祥符蘭陽等處近河居民土地坍塌廬舍漂沒無居無食貧困已極若做輸不已災黎其何以堪聞撫臣亢得時題覆臣同官杜漢熙災傷已極等事一疏部覆內有祥符等處節年災傷未經報有成河之地等語夫黃河自古為患遇有險衝堤外復築月堤歷年既久堤內草陂沙洲便是民田至決口而下以達張秋一帶龍門雖合河水經行處所尚沮洳難耕臣請勅下該督撫按嚴查各州縣被淹土地請旨拋荒竣每年報墾行糧災民其少懸矣以上四款臣目擊情真故敬據愚見如其不謬伏祈

勅部議覆

施行議杜河患疏

題為任河官以杜河患事衛河沿河州縣節年水患頻仍入皆

言衛水流毒不知衛水發源蘇門水性有常即伏秋水發下有所洩亦不足害惟沁水決入始成滔天之勢查沁水出綿竹山每年夏秋間合諸山水迸流懷慶由武林入黃南岸高凸衝決時少北岸地形凹下惟恃縷堤為障比年無專官料理故隄防未修且多盜決俾衛輝大名延東一帶水患不休近雖奉

旨估計修築祇應故事去年十二月隨塞隨衝道臣等皆親駐河干料理決口始塞幸值冬月水涸若當伏秋其水患又不知何如也衛河分司係新添衙

門

勅書內雖開載沁河然自設官以來錢糧不與聞衝塞不得問衛河歲受沁河之害而衛河之官不得干預沁河之事何以責河官而消河患也臣謂衛水

分司駐劄輝縣離武陟百里宜令本官冬春駐輝
縣料理運道夏秋駐武陟防修沁河其沁河各項
錢糧俱聽本官提取每年工程照黃河例估計奏
銷工大則本年額徵不足調本省河銀支用工小
則本年額徵有餘留為次年之用其沿河堤岸增
高加厚勿滋盜決之弊如此則貢成專而水患可
息民生可蘇矣仰祈

睿裁

勅部從長確議覆請
明旨以便遵奉施行

張縉彥條議修防河工疏

奏為河
工為

國之大政修防為民之命脈謹遵
上諭條志利害祈聖定經制以垂永久事臣自外藩蒙

恩內擢肝腦塗地不足云報初入署時查本年二月
十七日奉有凡興利除害許衙門滿漢大小官員
周確具奏之

諭臣部職掌大事首在河工臣自河南來親見河勢泛

孟役夫顧慶百姓處處啼號當事時時驚目欲保
河伯故靈井里安堵雖明者不能見其終也利害
甚大安敢減然夫黃河有衝決之害非自今日始
也自漢唐以來迄於元明以至今日歷歷可考也
已決則用修未決則用防亦非今日始也自漢唐
以來迄於元明以至今日歷歷可考也故河決之
害大則修河之費鉅若河決之患平則防河之費
輕大王廟之決也總河臣楊芳興屢奏陳請原有
經費河南募夫一萬名此外則山東大名濟之故
夫有定數每天日給工食一錢故銀有定額計地
出夫四十五頃募夫一名故地有定現此修河之
額近事之可稽者也幸仗
皇上洪庥衛口堵塞故通安然今日之河仍是未決之
河則防今日之河當照未決之先求其原額不當
照河決之日仍其舊費矣考河道舊額守堤堡夫
不過焚澤陽武祥符陳留蘭陽儀封封丘考城等

十縣招募夫不過八百餘名每夫工食不過三四兩不等但以爲瞭望之用若有事修築則舊額河夫銀除報荒外尚解庫四萬餘兩即於此內動用募夫興工此防河之額古今相沿之已久者也今民勞之已甚徭役不息經制不定差提無時是以按臣有徵派當更之請省臣有發銀募夫之論若不從此而定畫一之制經久之圖則民命之孔亟不待陽侯之怒矣臣聞河道條議派夫臨河州縣每熟地十五頃派夫一名其餘連河百里加地五頃共派夫一萬二千五百八十九名臣不勝驚訝夫築大王廟之決口河南不過募夫一萬名今無事派夫一萬二千五百八十餘名是增十分之二矣築大王之決口不過每地四十五頃募夫一名今無事之時而十五頃派夫一名是加兩倍之多矣里下每堆一夫月工六兩計一歲每夫費銀七十二兩一萬二千五百餘名之夫歲加銀九十萬

餘兩是加正賦之多半矣夫司農告匱
皇上宵旰憂舉朝會議曾不敢以加派二字輕出諸
口乃以數十萬之加埋伏於派夫之內臣不得其
說也況防河如防盜其來也忽焉其去也倏焉倘
如此議若行十月以後霜落水消萬餘人逍遙河
上畚鍤何施所費之夫將為下役包攬折乾之所
用乎抑盡動河銀銷歸何所也況通省地方遠近
不一即如盧氏固始等縣離河九百五十里若待
事急而調之一旦河勢泛濫近者不足用遠者不
能到躊躇四顧安能取辦俄頃蟻穴之潰嗟何及
矣此又防河者之不得輕執者也計莫如防河即
照防河之額無事以堡夫為瞭望有事以河銀為
招募如河官難以坐募則散行州縣發給見銀而
河官勤行巡察務保萬全若有叵測之勢非常之
舉就河勢所犯之處照工派夫一面調集一面題
明不必拘一定之數富遠之地大工然後協之隣

省中工然後協之鄰府小工則協之本府九年原有題定規則無容更也河漕所關豈惜一方之筋力以塞蛟龍之窟乎如此則有經有權有常有變修有修之額防有防之額募有募之時派有派之時而河防可恃無恐百姓亦可與更始矣河柳砍伐尚議栽植今戶口淪亡異日興工徵派何地是樹人不如樹木也利害顯然事有兼濟我皇上行成典章功垂可久矧河工大政而可無畫一之

持簡撫按臣親見民隱必有駁議詳覆者臣謹循職掌

指實以聞若愚言可採祈

勅部覆議
施行
李實秀條陳養馬所夫疏
題為衝達苦累難堪激切陳言仰乞

勅部酌議以甦民困事竊惟河南衛輝一府附郭汲縣路當九省通衢在明季凋敝已極我

朝廷鼎以來大兵經過差使往返絡繹不絕兼之水患頻仍河工未竣民不堪命久矣當今最為苦者有二一曰大兵養馬之苦也衛輝北有彰德東有大名西有懷慶相去不過二百餘里大兵每次南征養馬皆在衛輝動經月餘大名彰德僅十之一二懷慶則全不經臨也即如去歲徵調紛紜自閏六月至十月經畧標下及江西兩廣等處差官押解馬匹先後共經五次喂養合計三千五百餘匹駐劄多者一月少者亦不下二十餘日一切夫鋤草料等項俱派民間備辦竊思衛輝較三府最為衝疲錢糧戶口最為稀少養馬之數則較三府獨多苦累不均莫此為甚臣請

勅下該部酌議以後凡遇大兵養馬或與三府分駐或與三府輪流如在大名則當用直隸附近州縣協濟如在彰衛則當用河北府州縣協濟所用糧草俱應隨時估價至於轉送之費常數倍於正項伏

勅部一併從長酌議作何銷算庶百姓得有息有之日乞

矣一曰所夫賠累之害也衛源舊設河平一所以供差役往來之需其牛頭夫役原係陳留長葛原武三縣歲額銀五千八百餘兩雇役代當與汲縣毫無干涉因

鼎革之初三縣未歸版圖暫令汲縣料理不過一時權宜之計詎意積久因循十年以來三縣止解銀八百餘兩其餘夫役盡取之里下牛頭盡取之民間汲民何辜而為此三縣填無窮之豁暨耶伏乞

勅下該部查陳留等縣原額河平所銀若干兩令其依舊赴衛應役或因三縣除荒徵熟額銀不敷應准撥某項錢糧抵作所中之用庶汲民不致獨累而輪蹄往來得以有資矣以上三款緣臣僚汲人知之最真故敢為國計民生請命如果臣言不謬疏乞

睿鑒

施行佟鳳彩條陳民困疏

題為豫省平定有年百姓苦累未蘇田地荒蕪尚多敬

睿鑒

陳致困之由魚抒補救未議仰祈
破格通變以收治平之效臣謹分疏具

奏

事一河夫之偏累宜通變也臣察修築黃河每歲
用夫或至萬餘名或至七八千名自二三月起至

十月終止俱按地畝起派似乎公矣其實弊有不
可罄告者如狡猾之徒以自己田土飛洒於人勢

豪之家以他人地畝包攬於已甚至紳衿衙役借
題優免兼有不肖有司礙於情面以致懦弱鄉愚

愈累愈貧每月或三四兩不等方能雇夫一名及
解到河上又為積年河棍夫頭百計欺壓投以至

重之工苦不能受勢必至於逃逃而復向該州縣
提補又得二三兩重雇是每夫一月已費至六七

兩矣即以初雇每月三四兩而言一歲萬夫計之
每年費至三四十萬矣在

廟堂之上止知河有歲修而不知歲修之夫如許即知有歲修之夫更不知費百姓如許之金錢為今之計莫若官雇一策察舊例河工夫役管河道每歲預估用人夫若干方行各州縣按地起派今若官雇每夫每月雇價二兩足矣每歲上工九箇月每夫止用雇價一十八兩即以萬夫計之止用一十八萬較百姓之自雇每歲三四十萬不啻天淵矣其每歲估夫若干該銀若干除歲徵河銀外不足者於河南八府一州地畝分別等則每畝派銀若干刊明由軍內出納亦照地丁錢糧年終河臣奏銷倘有餘利留為下年之用如是民知有定額不但致猜之徒勢豪之家紳衿衙役不能影射俸免即河視夫頭管工官役輩亦無所施其巧矣此歲修之議若是倘遇意外大工則歲修之在價實不足以敷其浩繁之費是又在臨時或動何項錢糧再行酌

題者也

一里甲田地多寡懸殊宜均平也竊照均

平里甲久奉

命旨通行直省惟河南此時為荒多熟少遂爾因循如故雖有里甲之名其實多寡不一多者每里或五六百頃或三四百頃少者每里止一二百頃甚至或數十頃以致家家數頃者遇有差徭有司止知照里編差不知里大則田多戶殷衆擎易舉里小則田少人稀難以承役更有官儒戶名或不入甲或入甲而不當差甚至避重就輕詭寄飛灑大里愈得便宜小里愈增苦累名為一例當差實有不均之嘆為今之計莫若行各州縣詳察除已均平者不動外凡有不均平者不許拘喚各戶審編亦不許里書分派止令州縣印官按見在數糧地畝冊如一州縣有地一千頃原分為十里者每里均分一百頃一里之中各分十甲一甲均分十頃遇有差徭按里甲均當不許少有增減如是則豪強

無計躲避貧懦不致偏枯矣 一柳梢之協濟宜
通變也夫豫省沿河地方雖云度柳然除隄柳固
柳外餘俱係民間納糧地土栽種以供採辦且
生之者有限用之者無窮自康熙七年以來如柳
源宿遷牛市屯以及七里溝等處共計河南協濟
之柳已二百七十餘萬矣又加之以本省之黃河
歲修不下百餘萬即去歲開封府屬陽武縣之潭
口寺工險事迫無柳可用將民間之果木無論桃
李杏梨等樹盡行砍伐堵塞方保無虞是黃河之
害惟豫省為甚本省歲修尚不能支倘一有決口
之患本地無柳可需鄰省又不能挽流而上斯時
歎之不可堵之無術不有悞大事乎況柳必栽種
數年方能得用原非數月週歲可以易生者是修
防本省河工尚且不敷百姓四出採辦已屬苦累
年來協運外省更苦難堪臣有無理河道之責不
得不預為詳陳仰祈

客鑒嗣後或江南鄰有無河患之地方派協江南之河
工將河南有餘不盡之柳稍待生息以備本省之
河患庶漕運民生兩有攸賴矣 一裝運協濟柳
梢之船隻宜速變也竊照黃河水勢洶湧洪波直
瀉原無商民船隻往來不過各河口寥寥之渡艘
耳一遇協濟之柳渡船不敷將未仙鎮小河民艇
從陸地挖溝引水將船拉至大河每隻裝柳不過
二三百束每束柳價費銀一二錢不等然尚有船
可雇有法可設猶可言也今朱仙鎮之客船見行
在無已俱各畏縮不前大河又無片帆往來百姓
運柳至河干者止有望洋而歎官吏束手無策若
不亟圖變通將來必至誤運即如見今協濟七里
溝之柳九十餘萬束而堤柳圍柳每束官給腳價
銀一分五釐民柳連運脚每束給銀四分五釐察
當時議定以本省之柳修本省之工每束尚給五
分今遠運江南千里之外止給四分五釐小民無

術飛運安得不賠累乎仰懇
睿慈勅下河臣動用捐輸錢糧於江南出船處所雇覓

到豫使民止備辦柳束輓運河千庶
百姓亦稍得蘇息大工不致遲誤矣
王日藻請豁

堡夫課程疏

題為開歸堡夫課程疲累已極仰懇

皇仁特賜矜豁事竊照豫省黃河自榮澤至虞城延袤

六百里築隄防守自外堤重堤間有至三堤者額

設堡夫僅九百餘名責令晝夜瞭望水汛墊平車
道兩隙修補狼窩鼠穴與夫栽柳澆灌剗割蒿草

力役最苦所領工食徭編堡夫每名每年工食銀
六兩內有除荒微熟不及六兩者鄉堡夫每名每

年工食銀三兩六錢內有不及三兩六錢者工食
又最少乃又責令繳納課程一項每夫每年納柳

捐一百束穀麻十斤芟三十套繩二十條計其所
納課程之費反過倍于工食之數荒荒堡夫何以

堪此然在昔時豫省河防俱用民夫每名里下幫貼至四五十金故猶可以完納自康熙十二年前撫臣佟鳳彩題請夫歸官在則各堡夫僅僅需此在官工食銀兩矣且從前責辦課程因豫省沿河荒地尚多原令其望青採取隨地種麻因時索絢為芟為纜用其力不費其財今地畝俱已起科柳稍各有業主則勢不得不賣鬻辦買矣以改堡夫竭駭奔走搶地呼天止以措辦課程為重看宇隄岸為輕究竟此皮盡骨立之堡夫豈能如數完納因之相率逃亡河務廢弛有夫之名無夫之實州縣務在責成又因之均派里下追呼敲撲弊端叢集是此堡夫課程一項有益於

國用者甚小而所損於河防者甚大伏乞

皇上勅下部議將堡夫課程縣行豁免其堡夫專令防守堤岸餘暇栽柳灌漑倘遇埽工再令協採堤園官柳盡其力不至費其財庶河防重務不致廢弛

而堡夫亦得獲生全之幸矣

田文鏡為欽奉

上諭疏

該臣看得豫省兌運漕糧原在衛輝府北門外

年前撫臣李輝祖訪知衛河為行漕故道疏請改復業蒙

俞允康熙三十五六年豫糧在衛交兌並無遲悞至康熙三十七年運丁張文安等以衛輝路遠河淺

情由叩

聞部議將水次仍改小灘兌運後經前撫臣李國亮以

官民未便又請改復奉

旨允行在案迄今二十餘年今奉

旨確查定議具奏伏查衛河自屯子馬頭至老龍嘴一

十八里係太行山發脈河底多石水深則舟行無

碍水淺則阻滯難行此運弁旗丁所以樂受兌於小灘而不願於衛輝水次但小灘受兌在弁丁固

屬有並而豫省官民則有未便者蓋河北之彰德衛輝懷慶三府及陽武原武封丘三縣起運漕糧并給軍行月等米共該一十萬四千餘石自康熙五十八年奉

旨改徵本色以來俱係民間納米交倉候兌今若運至小灘運者不下七八百里近者亦至四五百里舟車盤運費既浩繁且嚴冬雨雪跋涉長途不惟遲悞堪虞且多折耗滲漏此不便於本色之米者一也若夫開歸等五府一州漕糧行月等項共該米一十五萬餘石係各屬折徵銀兩解赴該道採買若就近於小灘購買則一隅之地斷難取辦十五萬之糧如於別處買運跋涉更艱且隔省地方牙行囤戶故高價值勢所必至以每石六錢五分之銀買米恐尚不敷再加舟車運送費從何出此不便於採買之米者二也切思漕糧關係國儲運道必期無阻查康熙三十五年請復衛輝水

次之案原云採買之米不必拘定水次隨處可以
購買即隨處可以兌兌總求民便通融糧無貽誤
等語今應否將本色米一十萬四千餘石仍在衛
輝五陵水次兌運外其採買米一十五萬餘石自
衛輝府至小灘鎮沿河一帶地方不拘何處買米
即於本處兌兌不必拘定衛輝亦不必拘定小灘
則免運既屬便宜而漕船亦不致遲悞矣既據糧
儲道副使沈廷正布政使田文鏡會詳前來臣覆
查無異理合具奏伏乞
請增營汛官兵以資防禦

奏鑒施行

疏竊照河南一省居天下之中地形四達為九州
之腹心諸夏之關域分立兩鎮官兵控制南北
星羅密布措置已極周詳然豫省八府其處萬山
之中而景緝險要者莫過於河南一郡豫河北鎮
臣所轄雖有四百餘里離鎮一百四十里中隔黃
河孤懸西鄙設有河南荥都司一員守備一員千

陽等十三州縣如將都司改為守備移防陝州應更設把總二員分防靈寶閿鄉二縣其兵丁照陳州營馬兵酌增七十二名步兵酌增二百六十八名其舊縣營亦應添設把總二員分防永寧盧氏二縣除將都司衙署改為參將衙署無庸更張營房既未添兵亦無庸增造外惟移防陝州之守備及廩甲旗幟器械為費無多臣將所存無碍充公銀內量支益造製備無庸動用正項錢糧至於官兵俸餉查參將一員守備一員把總四員為兵七十二名步兵二百六十八名每年應支銀六千五百二兩八錢四分零米一千二百二十四石俱於地丁銀內按年支給造入兵馬錢糧冊內奏銷再汝寧府屬之遂平縣境內有名平頭塚嵒呀山者長亘百里界連四縣山深谷僻奸宄易於出沒係南陽鎮臣所轄地方從前止設把總一員帶馬步

兵丁六十四名分防遂平確山兩縣亦屬地險兵
單請於汝寧營酌增北總一員馬兵三名步兵一
十七名駐劄平頭堡嶺岢山扼要之處專司防禦
其俸餉米石亦於地丁銀內支給按年奏銷至於
衙署營房厰甲旗幟器械等項臣等亦支公項造
備如此一轉移間實武備以固疆圉示軍威而垂
永遠長享太平於億萬斯年矣臣謹會同河北鎮
臣紀成斌而陽鎮臣佟世鎮合詞具

題伏乞
勅部議覆施行

備陳私鹽私茶之積弊疏

竊照鹽法茶

為過凡起運官鹽每引二百觔為一袋帶耗五觔
又商人販茶每引照茶一百觔茶不及引者謂之
時零別置由帖付之若引貨相雜及夾帶餘鹽餘
茶並將指引影射者俱以私論經由之地方官失
察故縱者各有處分律例何等森嚴自當恪謹遵
守乃自年羹堯為川陝總督而茶政壞及管理河

東鹽務而鹽法亦壞臣蒙
皇上天恩簡畀巡撫重任凡於地方事務留心體察豫

省地處中州為四方咽喉商賈往來雜沓鹽茶兩
項不但私販充斥抑且夾帶橫行殊干法紀故於
抵任之始即飭各地方官如有鹽茶經過驗引放
行以絕諸弊無如山陝商客皆年羹堯私人倚勢
蔽官甚多掣肘其欺臣遠達一時耳目不及隱忍
徇縱者不知凡幾間有奉法惟謹如靈寶縣知縣
多時琦者盤獲私鹽具文通詳而年羹堯不由有
司審擬亦不咨會臣衙門擅自銷案反責地方官
以不應如盧氏縣商人李乾勝於雍正二年閏四
月二十三日馱鹽二十四百九十六觔至靈寶縣
止有引八道內開鹽一千六百觔再加耗鹽五觔
並除袋皮十五隻約重四十六觔外淨多餘鹽八
百觔且查引內吏扒豫雍正元年十二月內所印
顯係舊引影射通詳撫臣鹽臣當經前撫臣石文

埤批行河南驛鹽道查報而年羹堯久不批發隨有署河東鹽運司事神木道李世倬據李乾勝夥商盧亢呈稟批飭咸寧縣知縣嚴士俊差役執秤前赴靈寶縣稱較並飭該縣作速較明審供詳覆母任以憲批未至故延拖累該縣以嚴令發來之秤較之靈寶鹽秤每引重鹽七十餘觔詰訊脚戶楊日揚齊誌食供商人稱鹽時秤錘上加個爛火盆鐵詰訊商人李乾勝供鹽是公爺的秤稱下的與別處秤不同又問引是去年十二月日期怎麼今歲纔發鹽呢供商人回過道裡吩咐著商人代他帶運的等語該縣以官秤輕重懸殊恐係來役中途滋弊開會咸寧縣煩其封固移較共稱少鹽六百九十二觔外尚夾帶餘鹽二百零四觔該縣因靈寶一邑每歲額銷鹽引五千四百八十張有零星盧氏內鄉兩邑之鹽經過盤驗俱用十六兩官稱並無多餘今咸寧縣奉運司頒發之秤每引

約重七十餘觔嗣後凡官鹽到境或照運司所發之重秤稱驗或照十六兩官秤稱驗一並審擬詳請在案嗣於雍正二年六月初五日督臣年羹堯始將該縣原詳批仰河南按察司確審招報脚戶既不知情給還驢騾先行省釋李乾勝因見脚戶省釋審無對証捏稱係脚戶夾帶倚恃生員護符不便刑訊正在詳請褫革間又於雍正二年七月十五日準咸寧縣詳奉鹽道批鹽場發鹽制秤較定已久三省通行非特靈寶一邑為然也仰即移明一體遵照到縣查此案有無夾帶河南按察司尚未招報突於雍正三年正月二十六日年羹堯准據鹽運司詳批鹽引既無夾帶仰河南按察司轉飭速給該商領運並嚴飭該縣毋再違例留難致干未便等語草率銷案矣臣於雍正三年六月十二日據驛鹽道沈廷正驗報到臣詳聞之下不勝驚異臣查豫省河南南陽二府汝陝二州所屬

州縣並許州所屬之襄城一縣俱食河東鹽而靈
寶一邑路當孔道私販出沒現在積引難銷宜容
鹽泉橫行該縣例有查驗之責安敢輕縱但私販
之無引挑運者易於察捕而奸商之夾帶影射者
實難稽查非稱不可總之年羹竟倚勢躋貨利盡
錙銖紊亂

國家定制捏情條奏便適已私又於鹽場通置私人
神木道李世倬咸寧縣知縣嚴士俊俱係黨羽袒
護奸商肆行無忌以致私鹽充斥官引難銷流毒
豫省沿為積弊伏乞

皇上勅部將雍正二年十月十七日內閣抄出年羹
條奏連行另議改正請嗣後仍照舊例用較準每
觔十六兩官秤許許經過地方官稱掣放行如有夾
帶餘鹽照律治罪若官役措索留難查出嚴加叅
處如此用法得平庶奸商知所畏懼而積引不敢
壅阻矣再查茶商運茶出口交易更屬險要關係

近日止用川陝總督印票並無茶引相連自楚入豫一路由徽州至粵山伊陽宜陽池陝州靈寶開鄉出潼關一路由舞陽至葉縣郟縣汝州新安池池陝州靈寶開鄉出潼關臣令附近潼關之各州縣驗引放行現據靈寶縣報稱查獲商懸官等有票無引茶五千四百一十五包開鄉縣報稱查獲馬世傑有票無引茶六十二擔牛俱稱有引隨後臣姑令寬限一月送引驗放又據靈寶縣查獲吳宗直無引私茶二十四百觔假裝布駝擅行駝販訊供潼關外有小路叫做柴溝有人引路黑夜可走等語臣現批布按二司飭審招解在案容臣審明另疏具題外雍正三年四月二十八日準原任川陝督臣年羹堯咨據西安撫民同知楊廷相詳稱蒙憲給發船票赴湖廣買茶遵行已久一旦遽令引文隨茶方許放行舊例領引之時先繳佐充軍需銀二萬兩是衆商必不能將雍正二三年之引一時並領接濟前途運發茶觔等情相應移咨轉飭經過地方官照依舊例驗放等因

為欽奉

上諭疏

該臣看得豫省漕船自衛輝府水次受兌前進經由滑濟內黃三縣中多沙石淺灘需夫挑挖

在滑濟等縣以河南漕運為隔省之事不甚相關而押運官弁又以非本省所屬呼應不靈每致抵

通遲悞仰蒙

皇上睿鑒周詳軫念運道所關甚重

特降

諭旨以滑濟內黃三縣分隸彰德衛輝則運道得高貴

或著九卿廷議具奏欽此仰見我

皇上聖明之所運行為無微不至也臣接奉部

咨除應徵地丁正雜錢糧並起運存留各款及一

應案案業經戶部行文直隸督臣李維鈞逐一分

晰疏冊移交應俟移交到日造具各款管清冊送

部查核其一切大小事宜隨行布按二司確查妥

議容臣次第舉行外臣查有部議所未及而事關緊要者不得不為

皇上陳之如營汛是也滑濬內黃三縣今既改歸豫省所屬不便再令直隸官兵防守查彰德衛輝二府原屬河北鎮所轄汛地應在河北鎮標營分撥弁兵駐防但該鎮營汛歷來派撥已定今並以三縣地方止就該營現在官兵內抽撥誠恐汛廣兵單不敷調用若另議增設官兵又不免糜費俸餉臣請將直隸原駐防滑濬內黃三縣之官兵一並改歸河北鎮標如分隸衛輝府之滑濬二縣即將原有官兵改歸衛輝營將管轄如分隸彰德府之內黃縣即將原有官兵改歸磁州營都司管轄其原在直隸所領俸餉應自雍正三年秋季止直隸俸其給發即於河南布政司庫內支領隨入該年兵馬錢糧冊內奏銷如此一轉移間則官兵俸餉無俟加增而三縣汛地防守仍不乏人矣

為

請嚴府州交代之例事

欽惟

皇上自御極以來軫念

國計民生宵旰勤求或

特降

諭旨或博採羣議凡所以杜虧空而實庫儲者業已區

畫周詳盡善矣然臣以庸愚謬膺重任雖時刻提
防嚴加查察其如幅員廣濶耳目難周惟藉知府
與直隸知州不時盤查如有虧空令其據實揭報
況知府與直隸知州與所屬州縣最為親近倉庫
有無虧空原無不盡知苟能徹底清查自可預杜
侵那祇因平日瞻顧情面甚或怠惰偷安雖有不
時盤查之責失察分賠之例以為事紀者少俾免
者多敢於通同徇隱及至水落石出衆追虧空著
落不盤揭之該管上司按股分賠其間又不無丁
憂事故陞遷離任歸旗回籍之員即移咨各省旗

籍紛紛催追不免往返稽延一時難以歸結臣伏查雍正元年八月二十日定例內開各省常平倉存貯米穀督撫陞轉離任將冊籍交代新任督撫限三個月查核奏

聞等因臣查督撫統轄兩省一省離任之時尚令查核交代而知府與直隸知州所屬州縣最多不過十餘處離任時將各屬倉庫錢糧查明造冊交代更屬易舉臣請將知府與直隸知州離任時除本任內倉庫錢糧仍照定例限兩個月交代外其所轄州縣一切正雜錢糧米穀等項亦照督撫三個月查核交代常平倉米穀之例於定例兩月外寬限一個月造冊交代令署官盤查出結如被署官查出虧空揭報即着落前任府州分賠署官亦照正印官於離任時造冊交代令接任官盤查出結如被接任官查出虧空揭報即着落署印官分賠逾限不即交代者照例叅處如此則府州各官誠恐難任

後交代不下或被後官查揭分賠斷不敢再為徇
隱必能留心體察不時盤查所屬之員亦不敢任
意侵挪懇求府州擔承扶同出結即或交代時查
出虧空著落分賠均係現在之員勒追自易亦免
咨追往返之繁而於倉庫錢糧大有裨益矣是否
臣言可採伏乞

皇上勅部議
覆施行為請

旨疏

竊查豫省磁州一營原管轄彰德一府八州縣汛
地因該州界連直隸為豫省八路咽喉故令該都
司駐劄磁州城內以為保障該營存城馬步兵丁
二百二十一名內分防大路墩臺及僻汛馬步兵
丁七十三名今將磁州改歸直隸則兵營自應并
歸直隸管轄但該營非但管轄一州若徑改歸直
隸則彰德一府七縣汛地無所統屬如并歸衛輝
營管轄查衛輝營汛當街道且係三省接壤又多

山險重地原轄一府八縣今再益以一府七縣恐
致鞭長莫及若在彰德府再立一營未免添設官
兵另起爐竈臣再四籌度務求萬全請將磁州營
所屬分防彰德府十總一員移駐磁州留存城馬
步兵丁四十名內馬兵八名步兵三十二名以供
差遣城外分防馬步兵丁七十三名內馬兵十四
名步兵五十九名統令該千總管領直隸直
丹移交至該千總應歸併直隸何營統轄統聽直
隸督臣李紱撥定外其原設磁州營都司一員中
軍守備一員即帶領該管存城餘下之馬步兵丁
共一百八十一名移駐彰德府城別立彰德營名
另換印信仍管轄一府七縣至於衙署都司令其
駐劄原有之察院空廨守備即住千總衙門畧加
修理毋庸盡造其帶回餘下之馬步兵丁共一百
八十一名每名應給營房二間共三百六十二間
應照河南營之例將所存無碍充公銀內量支修

蓋無庸動用正項錢糧如此一轉移間庶磁州改歸之後巡緝仍不乏人而彭德一府七縣汛地弁兵又得專營管束不時操練於營汛不無裨益矣是否允協臣謹會同河北鎮臣紀成斌合詞具

題伏乞

皇上睿鑒

勅部議覆

施行為敬陳出借倉穀之積習不可不除伏乞

睿鑒事

竊惟常平等倉穀石關係重大自當出陳易新以防紅腐故於青黃不接之時有存七報三之

例春間出糶秋收後買補還倉又有存七借三之例春間出借秋收後加息完納法至善也乃各州縣奉行不善每於開倉出借之時即有頑紳劣紳奸牙積蠹串通鄉保地方俱將佃戶家人姓名填入冊內臨點應名影射地方官無從查其誠偽雖每名下不過借穀四五斗不等當官零星借出即

交伊主家聚成多一人名下竟有二三十石不等
究之無食無種貧民顆粒不得到手及至秋收後
糶比還倉俱係紳衿牙蠹出頭赴比皆認實係伊
等借欠方知借錢時所造花名乃係捏造紳衿倚
恃護符碍難責比牙蠹又復刁頑不畏刑敲詳則
不勝其詳革則不勝其革倘有賢能州縣從中擇
其欠數最多者詳革法究庶幾誅一警百乃復瞻
徇因循不肯作惡換至次年春間只得倒換借領
將去秋之舊欠改作今春之新借以愚盤查官耳
目俾出陳易新之良法遂成虛套故事此輩習以
為常牢不可破一至交代時新官賢而能者或不
肯接受令舊官代賠或竟詳揭虧空在舊官名下
延賠徇新任之員係一庸吏竟視為民欠可以代
抵居然接受及至無完人面前讞而抗欠較石之
紳衿牙蠹反得脫然事以臣請
勅部嚴行定例每年春間借出穀石自秋收後微比勒

限十月終將分處數完倉造具完數冊收申送報部年終知府直隸州下縣盤查其府州倉穀責令該管道員盤查出具印結申報如逾限不完或捏造冊收該府道員即行揭報奉處除奉官照數追賠外仍令欠戶照數完納不得因本官既賠此數即將欠戶豁免以申私恩倘查係紳衿牙蠹所欠不論多寡暨行詳革加倍追還仍照抗欠緩糧例如責其代為追冊之鄉保地方嚴審有無受贓分別治罪如該管上司不行揭報察出照徇庇例議處庶幾立法嚴而各有畏懼不敢捏名冒借抗欠不還而無食無種貧民得以均沾實惠矣臣不揣愚昧謹獻芻蕘如臣言可採伏乞

皇上特下
諭旨

勅部定則永遠
踐遵施行詳請

題明豫省丁糧按地輸納以均賦役疏

該臣看得豫省丁銀不隨

地派民間苦樂實屬不均臣前在布政使任時已經通飭各州縣確查妥議因各州縣紛紛議詳不

一屢經駁查及蒙

聖恩簡畀巡撫之後節次嚴催茲據布政使費金吾詳

稱丁糧同屬

朝廷正供派之於人與攤之於地均屬可行然與其派

在人而多貧民之累孰若攤在地而使賦役之平況

盛世人丁永不加賦則丁銀亦有一定之數按地均輸

更易為力查各屬人丁多寡不等今就一邑之丁糧均攤於本邑地糧之內無論紳衿富戶不分等

則一例輸將如某縣原額丁銀一千兩攤入地銀一萬兩之內則每地銀一兩應加丁銀一錢以此

核算在丁少地多之區每兩不過增之令釐即開有丁多地少之處每兩所增亦不過一二錢而止

如此則地多之家力能輸納而無地之民得免光
丁之累矣至豫省州縣每年均有報墾墾科以及遇
閏之年糧額無定嗣後地糧如有墜增應將丁銀
隨年另行均派攤入正閏銀內照數收納庶額賦
無虧其有裨於

國計民生實非淺鮮再查太康汝陽正陽新蔡信陽
羅山許州鄆城光州光山息縣商城等十二州縣
雖係按地收丁然丁糧仍分則等終難免避重就
輕縣閭偏枯之弊今應與各屬一體按糧均攤以
昭畫一以垂永久統於雍正五年為始攤入地糧
之內收納至各屬丁冊及吏定賦役全書候
題乞部覆至日另行造送等情詳報前來相應具

題伏乞
勅部議覆施行

為敬陳糶借倉穀之法以俾貧民實需

聖恩事

該臣看得出糶倉穀一以接濟民食一以平減
市價此誠

國家於蠲賑之外推廣拯濟之仁政也臣按準部咨戶部議覆掌陝西道事廣西道試監察御史馮長發奏敬陳權借倉穀之法等事一案欽遵緣由隨行布政司通飭欽遵去後查雍正四年三月十四日準戶部咨為請定外省奏報等事內開嗣後凡臣部陳奏及議覆條奏事宜部文到日將可行不可行之處限一月內具疏奏明請旨等因遵照在案今據布政使費金吾詳報到臣臣愚以為發糶一條尚當因地制宜相機料理伏查各州縣倉廩建在州縣城內者多間有四鄉設立廩座者貯穀亦復有限若每州縣應分八方一方各設一廩莊多戶密者或設一二廩各預定日期該州縣官親盤監糶雖可便宜窮民杜絕囤積但糶賣倉糧原為救饑平價起見刻不容緩如八廩同日開倉出糶則州縣一官不能分身勢必委諸衙官教職豈能查禁奸商豪勢囤積之弊若各定日

期糶遇此厥再往彼厥監糶跋涉往返亦需時日
窮民豈能久待况聞一方先開一厥則七方之民
亦必雲集擁擠及至別厥開糶而糶過之村莊又
來混雜勢不能禁弊更叢生再四鄉原貯有穀者
或可就近設厥糶賣彼附近水次可通舟楫之州
縣一船可載多穀輒運尚易為力按方設厥猶為
便民至於倉穀俱貯在城鄉村僅通陸路且山谿
險峻跋涉維艱之州縣從城運穀至鄉非車載驢
駝不可遠則竟有八九十里近亦不下四五十里
口袋從何措置腳價從何出備州縣官力不能捐
乃必派諸行戶累及里民夫以救濟窮民之良政
而致有派擾地方之弊端尚未盡善盡美也且民
不可使之太勞亦不可使之過佚當
皇上軫念窮黎開倉平糶之時

仁恩下沛至優至渥而小民尚惜此舉步負戴之勞竟
欲坐享其利似非下土小民分所宜然况平糶與

賑濟不同賑則按口給食雖老弱廢疾俱宜到廠
報則止須一家之壯丁赴糶間或家無成丁之人
亦可轉煩親鄰代買則此連涉守候之苦又似無
庸過為民慮也臣前為牧令時曾奉文出糶倉穀
倉貯俱在城內每日清晨將倉穀量出發至四門
闕廂設法糶賣仍親身周流巡查不但無奸商豪
勢囤積之弊並不致小民有守候之苦再州縣一
官有錢穀刑名之責於早半日賣穀晚半日比較
錢糧審理民事均無有悞此臣所身經親試者臣
深受

皇上殊恩凡有一得之愚不敢自隱冒昧具
奏伏乞

皇上勅部再加議覆施行其餘請停城鄉分緝之例聽
各條洵稱良法實屬可行

捕協緝之條以專責成以靖盜源疏

竊臣猥以庸愚蒙

皇上天恩畀以巡撫重任事無大小莫不悉心研究務期萬全況盜賊為害民生失事處分綦重敢不竭力體察時刻提防是以文武印執稽查緝捕之法府佐廳員督同協緝之事及捕役為窩作線縱點誣良之弊臣頗能得其一二不敢謂國朝已有定例內部已經頒行即緘默不一言以苟

容於聖明之世臣請為

皇上敬陳之臣於雍正五年閏三月初七日準兵部咨為緝盜各有分司等事內開嗣後城內失事緝拿之事專責之文職同城武職令其協助道路墩鋪失事緝拿之事專責之武職該管州縣文職照同城武職之例令其協助等語及至限滿不獲官則罰俸降級各有輕重之不同捕役兵丁則有賞罰勸懲之各異在兵部題請定例之時亦以文武各有責成自能嚴查兵役各分界限免於推諉意非

聖

祖仁

不若但臣以為朝廷之設官設兵設役各有所司如知州知縣管理一州一縣則此一州一縣之中無論在城在鄉皆其版圖赤子一有盜劫之事莫不當竭力緝捕此其職分所當為臣查皇帝時定制城市閭閻失事處分較嚴於道路村莊因其地有疎密之不同故也此誠大公至正之道萬世不易之經也且地隣是其所治之民捕快係其所管之役一呼而應責比無辭臣請緝賊之事城鄉俱當責之有司也至於武職汛弁分駐州縣者皆係千把總員且有一員而兼防二三縣不等者非若州縣之專理一邑也其所管之兵久不過馬步二三十名及四五十名而已操演是其專責防禦是其專司有賊而窮追務獲是其專責至於被劫之獲賊既逸隨彼無能為也若夫兵丁則有存城守舖蓋操之不同其存城者守城守庫守

賊乃其事也其守備者瞭望盤詰巡防乃其事也其差操者解糧解犯遞送公文按期調操乃其事也也贖罪則當懲懲況則有罰又非若捕役之可以執批逮捕也況以趕赴之武夫令其入小民鄉井搜捕盜賊則賊未一獲而雖犬彘麻已為之不寧矣獨捕役一項較他役為最賤原係積年慣盜改惡作良則充為捕地方官不得已而用之如役人喜樂有時而藉其致病則醫家不棄彼其平素原與賊通賊之窩線彼無不知賊之風聲彼無不曉賊不先投拜捕役門下而欲入其境拘摸剪絡尚且不能況強劫乎且彼既為捕役則隣邑隣郡隣省之捕役亦無不聲應氣求彼此照應此處獲一盜而即為彼處有案之犯彼處起一物而即為此處待贖之贖各能暗地通知稟官開會即賊之去向下落知者必告且彼又能改扮行裝潛查密訪此所以捕役緝賊如探囊取物其不獲者地方官

不能勒限嚴比耳苟能如臣平日所行取捕賞罰條約實力行之鮮無不效臣所行者臨令各地方官遠選捕役之最熟而有家屬者大州縣不過十餘名中小州縣不過八九名而已愚而無用老而聾聵者悉沙汰之厚其工食養其家口其家口所住之處著令鄉地隣佑具保看守仍著落捕役聯環互保互結防其挈眷遠遁也無事則借以巡查使百姓安堵無恙有事則給批緝緝使盜賊不致遠颺並懸厚賞以待之勒嚴限以比之彼前則望賞而後則畏比不數日而獲即擒盜中之最愚最弱被盜首誘勸入夥者以塞其責照賊首盜則不肯獻也苟地方官必欲窮盡根株賞比不怠彼亦必獲而出無如各有司以爲一案已獲一二人便可成招此後即懶於嚴比或接任之員而視爲非已任內之事漠不關心無怪乎盜之不能全獲也若照兵部新定之例則州縣城池不過如孟子所

云三里五里官兵聚居商民輻輳之地較之道路
墩舖自更嚴密盜案竊發者少稍加防範則匪類
絕跡矣有司則以為城內無警則吾職已盡捕獲
則以為城內無事則吾役已供他無所問也使兵
丁而緝捕道路墩舖之賊則是以取車者而使之
行舟以為農者而使之賈販也既不能窮賊之窩
線探賊之風聲又不便於離汛馳騁不過束手以
待參罰而已究於盜案何補彼捕役見有兵丁以
代其責不但袖手旁觀以為笑樂且縱其投拜門
下之賊肆行於道路墩舖其貽害曷可勝言哉再
查兵部定例止分別城內道路墩舖而已至於州
縣東西南朔四鄉儘有僻處村莊離道路甚遠從
未設有墩舖者一縣之中什嘗八九此等地方失
事當責之文職乎抑當責之武職乎責之文職則
曰我管城內者事責之武職則曰我管道路墩舖
者也不幾置村莊於無人管轄乎部中未暇議及

無可適從臣以為文武俱屬
朝廷臣子凡事俱當秉公據理臣僚文臣不敢庇護州

縣而使營員武弁獨干嚴譴且州縣而處分一輕
慢視盜案則貽禍民生為害地方所關甚鉅臣又

不獨為武職偏枯起見也故臣請
皇上停止兵部新定之例仍照舊例一體緝拿一例處

分而限年緝盜之參罰獨當責之有司捕役有司
怠玩則督撫題參捕役廢弛則道府提比賊自無
不獲矣又臣於雍正五年五月二十日準刑部咨
為會議事內開九卿議覆山東兗州府加河通判
張若矩條奏一摺內開嗣後同知通判等官有捕
盜之責者俱令添設捕役於所轄州縣分報承充
遇有盜案該廳即查明原報充之州縣易地差遣
協同緝拿等語臣查外省同知通判有捕盜之責
者不過令其督捕非若四路同知之令其躡緝勾
捕也四路同知因係畿輔重地

特設并設有該管兵丁番役處分較外省督捕廳員甚嚴未可同日而語故外省同知通判衙門從未設限提比或因公下縣之時逐案就近查比則經承捕役俱不敢玩法作奸受賄縱賊矣且同知通判名徐州縣上司實屬佐貳間曹雖節禮捕規久經禁革而平日物產土宜不能不邀惠於有司緩急所需不能不望濟於屬吏因此而求其廉介自持正已率屬者十不還一尚能大破情面毫無瞻徇乎雖行牌提比無非虛應故事行提之廳差又不過索賂捕之酒飯差錢州縣官徇庇已役代為具一稟帖求請寬限便可回銷臣於此等嚴行申飭已不啻類禿屠焦完之無一廳員能秉公執法臣不得已近日嚴飭各道府提比并臣亦自行提比矣且官場痼癖鮮不庇護自己衙役視當官值役之輩即同世僕家人已上司行提即曰令我無顧

屬員觸犯即曰目中無我衙役知有本官曲獲每
多足高氣揚肆行不法臣於此又嘗嚴行申飭至
再至三竊恐能改此僞僻之私一秉至公之理者
尚難其人況以州縣之捕役而欲其緝拿廳捕賄
庇之賊盜乎此必不敢也如原條奏內或捉拿一
二字審混行搪塞等語此誠縣捕之弊但廳捕與
縣捕有何區別縣捕如此能保廳捕之不如比乎
廳捕而貪賞竊恐搪塞者不止字審實係良民不
幾多一役即多一擾乎且捕役一項非他役可比
窩賊養賊縱奸誣良無所不至加以廳捕之勢力
不同於縣捕廳捕妄行地方官技鼠忌器既不敢
自行拿究又不敢申訴上司則更肆無忌憚雖曰
易地差遣而此輩聲氣甚通總難絕其扶同養盜
之弊更有廳捕所養之盜不許縣捕緝拿則盜必
以廳捕為泰山而盜賊更不可窮詰矣雖動支庫
項錢糧養此無益之廳捕統天下計之府與直隸

州大小不同即以每處六名計之每年不遇需銀一二萬兩為數無多但一府一州地方既多六名底盜蹤盜之人所闕甚大且州縣既為同知通判之屬官則州縣之捕役即可應同知通判之差遣何難依限提比今既不肯勒比州縣之捕役而又求其勒比廳捕其可得乎再臣復查兵部議奏城內責之文職道路墩舖責之武職各有分界各有責成則將來州縣捕役尚且一無所事必至廢弛閒曠又何必添此廳捕乎廳捕又豈能與兵丁協緝乎臣請

皇上停止廳捕一項以省錢糧以杜窩縱併將同知通判不提比捕役州縣官不將捕役解比作何處分勒部嚴行定例未必非捕盜之一助也臣至愚極陋但為外官既久凡有覲知灼見之事不敢隱默於君父之前謹獻芻蕘非敢於擾亂定例也仰祈皇上鑒宥臣愚是否可行伏候

臣等臣具

題臣不勝感激踴躍之至為此謹

奏
為遵

旨具奏事

伏查倉貯關係重大自當悉心研求從長計議未可輕執一見以為可以剔弊除奸永遠

遵行者也藝積貯原為備賑而與守貴於權衡臣愚以為倉穀之設偶因水溢旱乾則當開倉賑濟此按其口之大小以授食而不令民運倉者也若夫收成稍歉民食尚不致艱難或至次年春來未登之際青黃不接之時則當照例出借至秋收後再石加息穀一斗還倉以接濟民食者也至於歲當大有戶慶盈寧可以無藉於倉穀矣但至舊穀將沒新穀未升之時市價不無少昂貧民難於買食此又當減價出糶以平市價者也如此轉移不但米穀流通小民不致乏食而

朝廷會糧亦得藉此出陳易新免於紅腐此誠一舉而兩得矣臣蒙

皇上殊恩由布政使擢按巡撫復陞總督五年於茲矣無時無刻不以倉貯民食為念常將各屬所有積穀或當要官盤查或乘新舊交代俱令其分別積入倉者每穀一石得米六斗五六升其次則六斗有零矣再其次則五斗有零矣穀愈陳則米粒愈細往往止存半粒者且陳米炊飯不能漲發一升止得半升之飯又食之易至饑饉一人常兼兩人之食此臣得之親試而無訛訪諸耆農而不爽者也由此觀之則倉穀之不宜久貯明矣今以地方官未行之不善而欲倚賴借之例使之常存於倉即數十年而穀仍自在者誠不經之論也地方官不能無愚賢勤惰之分胥役人等不能免中飽侵漁之樂賢而勤者自能剔蠶而除去之愚而惰者

則當糾勅而更易之至於胥役弊奸人當峻法以懲治之此胥撫之責司道府州之事也今不責之
對撫司道府州各上司嚴其稽察而惟守此數十年不易之陳敎以絕其弊端是猶行舟者惡風濤之險而收帆駕車者惡覆轍之虞而投轄有是理乎臣查豫省倉糧俱經易穀存貯惟雍正三年常平倉奏丹內尚存米豆三千餘石自應一并易穀以免蕪霉而奏借拔還存七糧三仍請照舊例遵行相應具
題伏乞

勅部議覆
施行
備陳鹽政仰祈

睿鑒以杜商弊以甦民困疏

竊照食鹽銷引各育地方通融代銷並無成制臣查

豫省惟汝寧一府九屬光州一州四屬係食淮鹽各州縣自應各照額引督銷如銷不足引者應照

分數參處此定例也乃因光州所屬之光山固始
息縣商城等縣俱與湖廣連界湖廣食鹽價值頗
貴奸商趨利盡將汝寧府屬之引鹽賄通光州等
處地方官全運至湖廣作私鹽賈賣故光州等處
每年銷引溢額而汝寧府屬之汝陽上蔡新蔡西
平等縣終年不銷一引從前未分直隸州時光州
一州四縣俱隸汝寧府屬各州縣引鹽每年彙歸
汝寧府奏銷將光州等處溢銷之引截長補短以
為汝上新西等縣應銷之數而汝上新西等縣因
不銷引謂民間不食官鹽每引一張派令小民出
銀一錢八分解府以作奏銷之費通融奏銷兩淮
鹽臣但查各州縣額引不缺即為題銷何從而辨
其為某州縣代銷也臣蒙

皇上殊恩畀以總督重任雖鹽引僚鹽臣為政而鹽臣
與鹽運司俱駐紮江南難免莫及既近在臣所轄
地方之內恐其有病於民不敢不留心體察經臣

所訪如前又疑終年不銷一引之州縣民間豈能
淡食反以臣之所訪為未確及至雍正五年閏三
月初一日據布政使費金吾申送上蔡縣鹽引交
代冊結到臣查冊開雍正三四兩年每年額銷引
三千三百道並未完銷一引接任知縣劉博輒出
印結自認奏銷時代為補銷臣查食鹽闕條重大
奏銷無完即干嚴譴而知縣劉博敢於接受出結
欲將兩年未銷之引取銷於奏銷之一時談何容
易經臣批飭該司會同鹽驛道楊夢琰確查去後
嗣於雍正五年八月二十二日據布政司會同鹽
驛道詳稱通融代銷之例於康熙二十九年戶部
覆直撫于成龍題奉

諭旨欽遵已久等語復經臣移查兩淮鹽臣於雍正五
年十二月二十二日準兩淮鹽臣噶爾泰移覆康
熙二十九年並未奉有戶部覆直撫于成龍題奉
諭旨之行等語到臣臣始確知汝寧一府淮商無弊將

官引盡作私鹽販至湖廣貨賣得價自肥至奏銷時引課不足取償於民甚為民累至於終年不銷一引之各縣民間不致淡食之故臣又訪得汝上新西等縣俱與銷食蘆鹽之陳州項城鄆城西華商水沈丘等州縣連界而汝上新西等縣之民又以長蘆之官鹽作私鹽自行販運買食各縣紳衿富戶俱縱令家人佃戶挑販私鹽鄉地巡役不敢過問及至奏銷泚課止累一二窮民彼紳衿富戶鹽口甚多之家並不出絲毫之課更為偏苦蓋因彙銷之知府有收課分潤之肥督銷之知縣無分數考成之咎近楚之地方又有商人買路之規運銷之商人坐獲官引私銷之價各縣之紳衿富戶安享販私食私之利故明知其弊而不言泥守其成而不改及臣行查即司道亦為其蒙蔽據詳率覆所苦者惟此小民而已欲絕其弊當先嚴以法臣請嗣後汝寧一府所屬引鹽停止知府彙銷各

州縣自行招募販賣水商責令商運商銷該管州
縣按季督催各銷各引商人運鹽到境將引送至
該管州縣驗明每銷一引即於引上註明某縣於
某年某月某日行銷字樣并截去一角鈐蓋印信
一顆奏銷時戶部查所繳殘引如無該管地方官
註明字樣截角印信不準奏銷以杜彼此通融之
弊若奸商將此縣之引鹽運至彼縣發賣臨時賄
官蓋印官不查明詳究徇情盜給印信者請照私
出通關律議處有贓者審明照枉法贓治罪如每
年商人照引運鹽到境州縣不能督銷全完者在
州縣鹽臣題參照依定例將州縣按照分數議處
仍請於各州縣名下追完未銷鹽課免其將引帶
銷若商人運鹽不敷引額罪在商人即於本商名
下照未運之引追完鹽課仍按照分數治罪未完
一分者責二十板未完二分者責三十板未完三
分者責四十板未完四分者枷號一箇月責四十

板未完五分以上者枷號四十日責四十板革退
水商另行募補如係生監充商詳革發落再臣查
豫省引鹽俱由各運司造送鹽臣奏銷而豫省管
鹽守道竟屬虛設應請嗣後奏銷引鹽俱停其由
府造報今各州縣徑報鹽道查核彙冊移送運司
轉送鹽臣奏銷倘州縣有通融代銷派累鹽課之
弊責令管鹽道員查明指叅照貪官例治罪商人
有販運出境以官作私之弊亦令管鹽道員查拿
提究照私鹽律治罪該道徇縱聽就近之督撫查
察糾叅照徇庇失察例議處如蒙定例之後并請
停止鹽臣擅自批准通銷不得任聽奸商朦混庶
得各銷各引官鹽自可疏通小民免致派累而私
販亦可以查拿絕跡矣但臣為地方起見杜絕商
弊恐奸商聲氣相通黨羽磐固遂有結運解商抗不
運鹽之舉而該府州縣無從染指分肥亦多有跌
商淡食之詳互相紛更料所不免容臣查明

題參請

旨嚴提究懲并請如果一時缺商招募不及令地方官
詳明鹽臣飭令綱商將應銷引鹽交地方官領回
暫時官運官銷俟招募有商之日仍令商運商銷
則刁奸水商亦無從而肆其伎倆矣緣係陳奏事
理理合恭疏具

呈 題伏乞
皇上睿鑒

勅部議覆
施行為條陳州縣捕犯奪犯解犯等弊仰祈

睿鑒

勅部定例以肅

功令事

竊照州縣雖分定
疆界然而均屬

欽定四庫全書

河南通志

字

朝廷版圖猶解雖各有責成然而均當協和共濟屢蒙
皇上頒發

上諭訓誡諄諄并令內外諸臣條奏嚴行定例凡為地
方官者俱當恪遵

功令協力同心豈可各挾私嫌此推彼諉往往至於違
悞公事甚為非宜若不請

旨嚴行定例罔知遵守臣敢為我
皇上敬陳之

一各屬捕盜奪犯之禁不可不嚴也伏查雍正四
年二月十一日欽奉

上諭嗣後交界地方失事探竄賊盜之處無論隔縣隔
府隔省一面差役執持印票即行密拿一面移文
關文拿獲之後仍報明所該管地方添差役解各
該有司務須協力稽查使奸宄無可潛藏以副朕
息盜安民至意欽此仰見

皇上至聖至明捕盜之法盡美盡善倘大小臣工俱能欽遵

諭旨何患點盜之遠逸又何患疆界之交錯哉今既奉有即行密拿之

諭旨而捕役仍不敢越界密拿者蓋慮奸徒賊黨之劫奪也奸徒賊黨之敢於劫奪人犯者仍由地方官之不能嚴禁約束也彼其膜視隔屬之盜案曲庇境內之人民橫據胥中往往因拒捕劫犯而致成人命復回本縣稟官開拿克犯而彼處地方官仍視為無關緊要並且抗不發人審究捏逃捏病捏故無所不至屢次申詳督撫咨提比比而是是以奸徒得恃以肆行盜賊得藉以潛聚也臣請嗣後如有隔屬遵

旨密拿賊盜而彼處有縱令劫奪之事徇庇不解之私者即許拿盜之地方官據實詳明督撫題參如在隔省亦即詳明本省督撫移咨被省該管督撫會疏題參將縱劫庇盜之地方官摘印解任該管之鄉地保鄰嚴拿法究俟此案盜犯既獲審明題結

之日方準將解任之員出具噴否考語題請開復
庶幾地方官有所畏懼則必能約束於平日而奸
徒黠盜亦失所倚恃矣如隔屬本無搶犯而捕役
賄縱盜匪被劫鄰邑本無庇盜而承辦官誤聽捕

役誣案擬詳庇盜審明之日照誣告律治罪
一人命等案重犯亦應照緝盜之例差役執持印

票徑拿也蓋此等重犯亦有事犯而逃匿各屬者
亦有原係別屬之人在此縣犯事後逃回原籍藏
匿者亦許差役執持印票密拿一面開會地方官
協力拿解倘袒護不即解審或縱令劫奪者查係
新故重犯亦許照盜案例詳明本省督撫咨會題
叅如有捏稟捏詳者亦照誣告律治罪

一當舖收當盜賊不許稍留也查盜賊所劫衣物
大半盡歸當舖各屬當舖收當賊及至別州縣
獲盜供出原賊其當票早已棄燬無存或能記憶
地名或能記憶當舖坐落朝向承問官開查起取

而當商每多走飾不認即已在號簿內查明原贓
伴數顏色悉與相符而當商猶必匿贓勒取當本
然後肯發該管地方官平日貪利當商覬覦每為之
袒護以致確贓未經事主認領案無由定常至遲
延伏查各省題結盜案疏內聲明未獲之贓與當
本在各犯家屬名下追賠分給各主則是當本必
須俟盜案審結之後方行追給原未起認則盜尚未
贖贓然後再審盜案者也蓋贓未起認則盜尚未
確宜有向未確之盜先追當本乎況各盜被獲之
時豈能尚存有銀兩可追出贖當乎勢必累及承
問之官并苦累事主出銀代贖也臣查當舖收當
盜贓雖坐於不知然收當之時亦須查問來歷贓
人持贓入當其衣物決不整齊其形狀必然慌怯
其取值必照輕賤不解而即可知為贓贓當舖貪
圖微利收當來歷不明之物原有不合則先起贓
而後追還當本未為有虧於商而乃走飾不認抗

賊不發致大案稽延可乎臣請嗣後向各屬當舖起贓令承問官差捕役齎文關會彼處地方官立向當舖查起一經起獲即當官點明攜回令事主認領俟盜案審結之後在各盜家屬名下追還當本如當舖敢於支飾不認或匿贓先勒當本并該管官袒護當商不即查出移解以致盜案遲延許承審官詳明督撫將袒護之地方官題參并勒索之當商治罪隔省者咨會查叅庶贓可即獲而案不致於遲延矣

一盜賊之窩線不可不完也夫盜無窩則無處藏身盜無線則無從得主則是無案無窩無盜無線也如雍正元年十二月十八日九卿議覆兵部尚書盧訥雍正四年九月二十三日九卿議覆原任山東按察使調任浙江按察使董永艾雍正六年七月十九日刑部議覆河南彰德府通判顧之翰各條奏窩家奉

旨定例遵行在案查條奏富家之弊未嘗不詳議定捕
窩之法未嘗不盡而臣猶必為之續奏者蓋必最
克最惡平日為鄉地保鄰不敢過問捕役不敢緝
拿者方敢窩盜必最奸最黠平日慣能閑村入寨
探州訪縣者方能為線是以窩線難獲十案之中
竟無一案有窩有線者惟因無窩線之盜案但能
獲賊亦可審題完結得免處分故承緝之員惟以
獲盜為事而不究其窩是何家線為誰氏即捕役
擒盜亦不肯并擒窩線蓋窩線所在捕役無有不
知捕役平日得其賄賂飽其賊私且見官不深究
何肯獻出窩線不除盜源不靖而惟擒一二夥賊
以治其未盜於何日而絕跡小民於何日而安堵
乎臣請嗣後獲盜必期究出窩線不得以並無窩
家並無跡線混語成招如窩線不獲止獲夥盜者
承緝官照不獲盜首例叅處捕役但獲盜夥不獲
窩線者仍行勒比倘能擒獲窩線者加倍給賞再

窩家律有正條而賊線罪無一定除同行上盜得財者即係強盜自應斬決尚有既不為窩又不上盜而但為賊探聽事主通線引路者律無正條并請

初部

議定賊線之罪以便遵擬

一各州縣之遞解人犯不可不嚴也雖一犯二解例不可違而愈差不慎法不容貸然而各州縣往往視為具文雖於遞票上照例愈差當堂驗明鎖鑰逐名點解而一出衙門正身解差即雇人代解且不照數雇足一犯而一人押解即三四犯五六犯而亦止一人押解其受雇之人又皆衙前無賴貧民并有老弱不堪者是以解至中途人犯每至脫逃或受賄縱放或被犯打脫比比而是臣以為若止嚴行議處愈差之員則該員固不能終日隨其差役而行彼當官點解則是正身應名及一出衙門則又私行雇替官何從而覺察之禁止之也

直待人犯脫逃而後查參其貪差不慎之職名當究其承差在替之罪犯亡羊補牢亦已遲矣臣查州縣疆界雖分而同是朝廷之官即可使之同治

朝廷之使臣請嗣後凡遞解人犯務令貪差之員照例押解因不待言而解到之州縣當接受人犯時必令其將解差點驗如人數不足或有在替情弊即許就近究責不必移回本管官懲治倘解到之州縣膽徇鄰封情面不行查責則原解人少或解至伊境內失因與貪差不慎少差解役之員一併參處一併若落網拿如起解地方官袒護自己衙役因解到之州縣查責其差遂含怨致怒於鄰封者其人一片私心昏昧不明已甚督撫查訪有據即照溺職例題參亦不足惜

一民間詞訟不許越界控告關提也戶婚田土錢債關既賭博等細事必令於事犯地方呈告否則

從其丁徭之所在始則從其男女之所在田土必
從其坐落地方不得於原告所住之州縣呈告如
人住此縣而事在彼縣不於彼縣呈告而於原籍
呈告關提原籍之官縣不得濫準行關彼處之官
亦不得據關拘發違者許參處分徒不致負端狂
妄而良民亦得免於往返拖累矣至於事犯之地
方官處告準關提實審則彼處地方官匿犯不解
仍照原任藍山縣知縣李宗望條奏山東學臣王
世琛題定之例參處則天下一道同風尚何此疆
彼界之分耶臣言是否有當理合具

題伏乞
勅部議覆施行

為謹陳隨地辦糧等事

該臣看得民間
買賣田宅一案

准部行令將侍郎王朝恩條奏賣產不許批貼典
產債運工價果否可行或不能盡行之處詳悉確
議具題到日再議等因隨行布政司詳悉確議去
後今據署河南布政司事謝冕詳稱民間買賣田

宅往往出賣之後田地以荒蕪而耕熟房屋以破
壞而更新原主遂稱原價不敷請我請貼弱者借
老疾以圖詐強者逞寬暴以橫行不厭不休而地
方官遇有此等事件以為去產者自必貧窮得產
者自必饒裕遂有得業應虧之說斷令我貼以我
刀風日長今以田房產業願絕賣者即應同牙保
中人評定價值兩願成交於契內註明絕賣字樣
當時即行割絕得價之後不許再有我貼以柱日
後葛藤是侍郎王朝恩條奏賣產不許我貼實屬
可行至於典產償還工價尚有未盡可行者蓋房
屋出典之後典主修理如換梁換柱與夫圍牆例
須重築屋上瓦破重加在年限之內者自應同中
三而公估所費工價若干典者出價回贖之日原
主償還方許回贖若移門改廳粉牆油漆等類此
係典房之人自圖便易自要筆美此項工價并業
主無力回贖年限之外典主經久居住以致房牆

顧危另換梁柱磚瓦加修者若仍令原主償還未免偏苦典主不得妄為索服方得其平詳報前來抑臣更有請者田園房產為小民性命之依苟非萬不得已豈肯輕棄既有急需應聽其覓主出賣以濟燃眉乃豫省有先儘近門次儘遠族次儘地鄰之詞又有勒令歸還原主之說遂得乘人之急多方撓執希圖短價及其另賣他人則又起而告爭且有阻撓搶割鬪毆殺傷者致賣者不能得銀濟急買者不敢受契成交為害非輕再地畝房產典當與人應俟年限滿日償價贖出方許另行出賣如未回贖而轉售又是重疊典當矣今查豫省典業竟有年限未滿未經回贖而別售者亦有年限雖滿未經回贖而別售者住致典主以銀產兩空具告許訟紛繁民不安業以上二條臣雖出示嚴禁但恐民間相沿已久地方官不能實心奉行終難猝易相應一併

題請嗣後賣產不論何人可買出價者即係售主不許原主鄰親從中爭執典產限滿贖出方許轉售不許並未回贖重疊典賣地方官違例枉斷徇情不究督撫查出叅處是亦息訟寧民之一道也是否可行伏乞勅部定例施行為導

旨查議事

該臣看得河東鹽政碩色以前鹽臣馬客題請額引通融逾年帶銷而河東運使楊夢琰

引豫省不準通融之例并欲年銷年引據河東鹽政碩色具奏經部議覆奉

旨碩色所奏行文詢問田文鏡從前田文鏡奏請禁止通融運銷之處果否止於汝寧光州所屬其餘行運河東鹽引之州縣可否通融逾年帶銷著田文鏡確查分晰具奏到日再降諭旨欽此臣查從前題請禁

止通融者蓋因豫省汝寧一府九屬光州一州四房係食淮鹽而光州所屬之光山固始息縣商城

等縣俱與湖廣連界湖廣食鹽價貴奸商趨利盡將汝寧府屬之引鹽賄通光州等處地方官全運至湖廣作私鹽貨賣故光州等處每年銷引溢額而汝寧府屬之汝陽上蔡新蔡西平等縣經年不銷一引因不銷引謂民間不食官鹽每引一張派令小民出銀一錢八分繳府通融彙銷甚為民累至汝上新西等縣俱與銷食蘆鹽之陳州項城鄆城西華商水沈丘等州縣連界而汝上新西等縣之民又以長蘆之官鹽作私鹽自行販運買食各縣紳衿富戶俱縱令家人佃戶挑販私鹽及至奏銷派課止累一二窮民則是縱私而非通融科派而非銷引矣是以經臣題請各銷各引不準彼此通融奉

旨俞允欽遵在案臣前此題請禁止通融運銷之處固指行運淮鹽之汝寧光州所屬而言其行運河東鹽引之州縣可否通融遞年帶銷臣欽遵

俞旨

確加察查並飭河南管鹽守道張建德查議去後
茲據詳稱行運河東引鹽之洛陽偃師鞏縣孟津
宜陽登封永寧新安澠池嵩縣盧氏南陽唐縣泌
陽鎮平桐柏鄧州內鄉新野浙川裕州葉縣汝州
魯山郟縣實豐伊陽襄城陝州等二十九州縣皆
認地行鹽按季銷引其陝州屬靈寶縣先因私鹽
充斥額引難銷前任知縣吳奇遇被參降三級戴
罪督銷後來之員隨實力緝私數年以來不但額
引銷完每歲尚銷餘引惟閿鄉一縣界連山陝屯
民雜處向因私鹽叢積官引壅滯今現任知縣王
俊嚴查私販疏通官引亦漸有起色等情則是疏
引全在緝私剔弊乃能裕課臣伏查
國家定制分地行鹽按季銷引本以杜奸商重複影
射越境販販私之弊法至善也又恐地方官督銷不
力疲商悞課不完所以銷不及額官有處分之例
課不足數商有治罪之條雖各州縣行鹽定額有

多寡不同年歲豐歉不一然其初本按地方之大
小戶口之多寡斟酌分派因地制宜即或歲遇歉
收行鹽稍難亦不過間處偶然之事況今昇平歲
久太和翔洽生齒日繁食鹽日衆普天率土無不
倍感於往時安見於此而運銷有餘於彼而銷不
足額至於壅滯要知所以銷不足額者非必食之
少而銷之難大率由於地方官緝私不嚴私鹽充
斥之故也夫所謂私鹽者有在民之私鹽有在商
之私鹽在民者私煎私販稽查猶易在商者夾帶
影射其弊多端如通融之說義取乎酌盈劑虛疏
引裕課今臣察訪各商之通融則係一引而兩縣
行鹽如此縣額引一萬道稱言三千道難銷彼縣
額引八千道稱言不敷民食其實此縣商人未嘗
不能銷也故將此三千道之鹽仍留本處銷賣而
以此三千道之引給與彼縣商人彼縣商人接引
到手則又按引另運鹽舫在彼縣銷賣賣完又不識

引甚有再三行運者至於完課此縣商人雖膏鹽一萬道因已過去三千道引止完七千道課銀其三千道引課則彼縣商人為之代完及至報銷則仍作此縣商人全完蓋此縣商人既利三千道鹽價又利彼縣商人代完三千道課銀而彼縣商人利此通融之引重複行運故樂為其代完引課是通融者名為裕課便民實所以資奸商彼此串謀重複行運越境販私之弊也臣思額引餘引名雖各別然同屬引鹽同屬辦課與其開通融之端而溢無窮之弊又何若令額鹽不敷之州縣清領餘引以濟民食其辦私不力銷不足額之州縣按未完分數照例處罰如此則不但能銷之地方民無侵食之虞而

國課以裕即銷不足額之州縣亦自顧考成勤於緝私督銷必力而額引可無壅滯矣再查鹽隨引行所以防私鹽銷引數所以杜弊若鹽銷而引不繳

從稽察即或地處遙遠引不能按季繳銷其
去不過千里先後不過一季然此亦止可就州
轉繳而言若商人近在木州縣行鹽自應隨銷
繳豈可任其操縱適歲不繳以致以舊作新重
稅影射而歲奸商之弊也臣更以通融帶銷而並
論夫通年帶銷者如甲年行鹽丙年奏銷其隔行
鹽之歲已過兩載矣如云通融之法行之有數鹽
無不銷課無不完則更可按年奏銷矣而猶欲通
年帶銷者何也總之通融與帶銷皆奸商之弊今
仰蒙

皇上垂詢臣苟有所知不敢不據實直陳所有豫省行
運河東鹽引之州縣應仍循舊制各完各課年銷
年引不準通融通年帶銷庶鹽政肅清而於
國課民生均有裨益矣臣謹遵

旨謹查分晰具奏是臣有當仰祈
睿裁錄陳奉

旨確查事理貼黃雖盡合併聲明伏乞
皇上俯賜全覽施行

為營馬賠補已

久兵丁苦累難支等事

該臣看得各省營馬倒斃
俱領解司朋銀買補惟豫

省另扣私朋自買前據南陽鎮總兵官馬世龍河
北鎮總兵官閔文繡咨呈援例

題

請隨行布政司移會酌議去後茲據署布政司事
謝旻詳稱官兵月扣朋銀原以買補倒馬各省皆

然惟豫省各營所扣朋銀俱不動支每遇倒馬仍
自行私朋買補亦不知始自何年無從稽考除江

南漕標舊無定額不便遵循外查各省之與豫省
相近者直隸正定鎮標每年每馬百匹報倒馬七

匹山東每年每馬百匹報倒馬十四匹湖廣每年
每馬百匹報倒馬二十匹茲因馬性宜於北地而

南方潮濕易於倒斃故報銷之數各有多寡不等
豫省地處中州上接直隸山東下連江南湖廣差

使既繁地亦近南今酌從折中之數每馬百匹應請準報例馬十七匹至領購買馬價值湖廣每匹價銀一十五兩山東價銀一十兩直隸價銀九兩緣地有遠近是以價值亦有多寡查豫省雍正三年陝州營採買馬匹每匹報銷銀十二兩彼時實係因地定價並無浮多今應仍照本省舊例價值每倒馬一匹動支銀十二兩庶於庫帑不浮兵丁無累永遠可行至領騎馬匹過五年外倒斃者例免賠格直隸山東山西陝西四省皆然自應遵照定例騎過五年倒斃者免賠準其開報未過五年者照例賠格再皮腹變價銀兩各省自三四錢至八九錢一兩不等查填屬兵丁每倒馬一匹變價不過三錢至五錢而止似應議定每匹變價銀五錢交庫等情議覆前來臣伏思我

皇上軫恤兵丁恩施疊沛愛養之德無微不至嗣後豫省營馬倒斃應仰請

聖慈準照他省之例動用朋銀買補實為恩便相應具
題伏乞

勅部議復
為請循舊站以重驛遞事
竊照驛站為差使

來要道必站宿嚴密路徑寬平較勝於舊站始可
議改若計程雖近而道路崎嶇防範未密則又未
便遽為改易如湖北武昌府黃陂縣楊店驛歷考
感等處而抵河南之信陽州是也臣查湖廣巡察
王瓚請改東路其程遠固較西路稍近百里但自
黃陂而至信陽州計程三百六十里俱係僻徑雖
分設五站而遠隔州縣城郭解餉遞犯無從防護安
頃恐有疎虞且自信陽州至武勝關有大小山河
二十餘道夏秋水發之時橋梁舟筏俱無所施商
販往來每有阻滯至三四五日不能前進者若遇緊
要差使不無遲悞是以雍正元年曾經御史漆紹
文奏改此路奉部行查經前撫臣石文焯湖廣撫

臣納齊喀查明不便更改緣由題覆仍照舊路行走
在案茲準部咨改設臣以驛路所關匪細隨行
司道轉飭確勘妥議去後茲據太常寺卿仍署理
河南布政司印務謝旻驛鹽糧務分守道副使張
建德會詳呈稱行據信陽州知州郭士英詳稱查
得湖北赴京驛路向自湖廣黃陂縣歷孝感感雲夢
安陸應山四縣從應山平靖關以達信陽州歷久
無誤今湖廣巡察王瓚條奏改設東路將平靖關
夫馬改設於信陽州之李家寨以達信陽州路固稍近但
司廣水武勝關李家寨以達信陽州路固稍近但
此路俱係山僻小徑非平坦通行之道且自信陽
州至武勝關計程九十里山坡險峻路徑窄隘車
馬難行而一帶多係石山鑿石開山實非易為且
一路崇山深澗如遇雨後水發即阻隔不能前進
蓋山水暴發其勢莫禦建橋則易致冲壞設舟則
人力難施若遇緊要差使保無遲誤此地形之不

便改也况自黃陂而至信陽州計程三百六十里
中間遠隔州縣城郭凡解餉遞犯憑何安置憑何
防護徑解則奸宄易生覲覲路遠則往來易致疎
虞此事勢之不便改也所以從前舍近從遠必就
州縣按站頃宿使前後聲勢聯絡彼此接應嚴密
良有以也似應仍循舊路無庸改設站道等情由
司道轉詳前來臣查路徑崎嶇猶可設法平治而
荒山僻道萬一緊要差使到彼適值水發難行耽
誤時日與夫解送餉鞘人犯設有疎虞闕係匪細
事關驛遞要務臣既知其不便不敢不據實入

告相應具
題伏乞

勅部議覆
施行
王士俊為欽奉

上諭事

該臣看得直省設立督撫大臣並膺封疆邦域
之重寄巡撫專司一省公務自應駐劄本省惟

總督既節制兩省駐劄地方必宜酌量扼要方資
控馭臣查河南一省疆域西接潼關東聯兗濟北
控廣東南蔽襄黃開封寶象堂與督撫並建固資
彈壓但既兼轄山東登萊青三府又屬海疆而濟
南之德州兗州之濟寧尤為南北總匯衝繁之
地山海交錯較之河南閭閻天中四方輻輳者更
為緊切督臣坐鎮開封於山東沿海諸郡相隔或
二三十里不等見聞恐有疎漏呼吸未得靈通自
應擇一居中扼要之郡西控豫州東攝齊魯方為
永遠妥協臣因巡歷山左綜覈兩省樞要細加籌
度就臣愚見以為督臣駐劄之地莫過於山東之
兗州其便有六敬為

皇上陳之蓋兗居河東兩省之中西至陝洛東至登萊
遠近雖均調遣殊易此道里之便一也兗之北境

神京貼省城拱護
兗之西境緊貼東昌密通

東南四百餘里至江南贛榆南一百九十餘里至
江南海鹽東接引其首江南承其後四通八達之
形勢險峻之壤此形勢之使二也運河橫貫於
中漕船萬艘銜尾而進舍此莫由濟寧一州尤係
津要舟車終驛商旅雲屯最易蔽奸匿匪此稽察
之使三也督臣有撫理河道之責黃河由豫省考
城入兗州府屬曹縣境踰單縣魚臺折入江南徐
州每歲化漲而昭陽南旺梁山諸湖夏秋大雨水
勢陡漲衝河巨流自西衝突而來徑其北境民苦
水憂督臣與河臣相近更得悉心籌畫此疏導之
使四也至於沿海之屬督臣司防勇及督察海口
商漁數整十營鎮紮此巡查之使五也況移駐兗
州府城縣原不遠由曹縣而西至河南考城縣僅
六十里由曹縣而東至河南歸德府僅六十里由
曹縣而南至河南夏邑縣僅六十里其距開封府
僅三百里一勝易而得其宜此貫通之使六也

題

先將督臣衙門駐劄兗州則所解兩省吏治民
河防海道一切事宜均有裨益而山海數千里
賴實收控制防維之功矣查兗州現設總兵官
一員若以督臣移駐於此則總兵可裁即以鎮標
丁改為督標鎮標之中軍遊擊改為督標之中
副將再設城守副將一員以資調遣一切考拔
汛防即以各副將為統轄至城守廳設弁兵數目
另行酌議名幕又查總督駐劄之處應有文職大
員以備任使所有撫參督審案件若由兩省臬司
轉解不時案犯往返拖累且遇有駁審不能就途
轉必致道限稽遲似應請專設河東按察司一
員即通督臣同駐兗州除命盜各案仍聽各府州
審解兩省省城按察司指轉撫臣衙門審
題外如有撫參督審事件即令徑解河東按察司審
轉不必再由本省臬司指解庶事件不致稽遲案

犯免于拖累矣查山東現有兗沂道一員經臣于沂州改設知府一案內請將兗沂道改為兗

沂道移駐兗郡另疏具

題應請將該道改設河東按察司仍帶分巡兗沂二

府事體制更為周密再查兗鎮總兵駐劄衙門規制稍隘兗州府署規模弘敞應將府署改為督署

鎮署改為府署應有的量增添房屋修造之處飭司查估興工至兗沂道城守副將或充城現有舊

署或應另建亦候飭確查定議另行報部至兗鎮所轄之臨清沂州德州泰安曹州壽張高唐東昌梁

山范縣沙溝臺莊等營應統歸督標管轄具有應再酌量添設城守副參大員分協駐防統率各汛

之處亦俟另行查議具

題緣係欽奉
諭旨令臣相度妥議辦理理合具
題伏乞

皇上睿鑒
勅部議覆施行
為要地需員彈壓詳請設復移駐以靖

地方以收實效事

該臣看得豫省幅員遼闊政務殷繁因地制宜需員分理或應

澤汝或鹿魚理或應移駐茲行據河南布政使司布政使刁承祖按察使司按察使盧焯驛鹽糧務

分守開歸河三府陳許禹鄆陝五州道副使費灝流會詳德分巡南汝二府汝光二州道副使費灝流會詳

呈稱衛輝府管河通判一缺經管河工人魚鹽糧捕務勢難兼顧查豫省祥符等六十三州縣俱食

蘆鹽共銷引三十六萬有零以蘆商運鹽至衛輝水次俱係該通判按引查驗掛號秤掣入厥徵收

租銀解司該通判既有稽察引鹽徵銀之任復有管糧捕盜之責而河工重大水汛巡防更為緊要

每當夏秋正值秤掣之時奉調河干勢必假手家人胥役難免縱私夾帶之弊應如鹽驛糧道所議

將現任通判令其專管河務添設通判一員經理鹽糧捕務庶可稽查嚴密以杜私販之源於鹽政實有裨益再查糧道經收一應錢糧統計三十餘萬解支出入向憑各書彈兌並無主守之員實非慎重錢糧之意亦應如所議照浙江糧道庫大使題定布政司理間就近兼管之例請歸開封府經歷就近兼管不必另設官役止酌增養廉銀兩以資辦公再查衛輝府之滑縣地方遼濶縣之東南村落稀少離城八十里名老岸鎮界連直隸東明長垣二縣相去山東曹濮二州僅數十里實為直隸山東往來汴城之要道向設有巡檢一員因滑縣舊屬直隸之大名府與東明長垣二縣接壤互相聯絡故從前以老岸鎮巡檢為冗員而裁汰今自雍正四年改歸豫省此疆彼界呼應不靈則今日之老岸鎮巡檢實為要缺而當復應如該府所議復設巡檢一員專司巡緝實于地方有益再查

懷慶府河內縣之清化鎮離城寓遠為東西通衢大道幅輳遼闊戶口殷繁商賈絡繹流寓萍踪往來靡定最易藏奸雖設沁河通判一員稅課大使一員各有專司於緝捕均非其任保無有奸匪混雜其間致貽民害應請將稅課大使兼理巡檢職銜稽查本鎮匪類以專責成再查南陽一府界連秦楚南通雲貴北達神京統轄十二州縣實屬衝繁要地該府雖設有同知通判俱經分駐浙川南召等處同城止有經歷一員不時奉差公出計其在署之日甚少其附郭之南陽縣亦止一知一典與史又例不他委如遇有地方要事差遣乏員應如該府所議將南陽縣添設縣丞一員以供差遣再查彰德府湯陰縣屬之宜溝鎮路當孔道居民稠密商賈往來絡繹不絕且一鎮地方分為兩府所轄北屬彰德之湯陰縣南屬衛輝之濬縣中間僅隔一門凡遇緝拿逃盜奸匪往往彼此推諉以

致越界潛匿稽查為難至該鎮去湯陰縣止二十五里去濬縣則五十里遠近已至一倍辦理差使公務以及民間納糧詞訟等項湯陰往來甚近而濬邑往來倍遠是該鎮併歸湯陰管轄洵屬官民兩便應如該府所請將該鎮驛丞兼管巡檢職銜巡察合鎮捕務仍帶驛丞之事其濬縣所轄設鎮一千一百餘戶地基錢糧以及牙稅等項一并撥歸湯陰縣徵收起解庶一鎮不致兩岐而諸事無所推諉地方得以寧謐再查汝陽縣為附郭首邑幅員遼濶民俗强悍印官一員有查審詞訟相驗命盜徵比錢糧之責且其應審命盜等案又甲於汝屬是縣令一官刻無寧晷他如濬渠植柳築堤修路等事均關地方利害必須不時親身查驗方克有濟今縣令既難分身督率而典史有監獄捕務之責又難兼顧未免竭蹶堪虞應如該縣所議添設水利管糧縣丞以資助理又該縣所屬之廟

灣鎮距縣七十里中界洪河為水陸馬頭人烟稠密戶口殷繁易於藏奸匿匪一切彈壓稽查縣令實有鞭長不及之虞應如該縣府所請將廟灣鎮添設巡檢一員以資巡緝再查信陽一州當豫楚交界幅輳遼澗北距確山一百八十里凡遞送人犯餉鞘等項必須於明港驛住宿中途未有防範難免疎虞雖設有驛丞一員而解送非其職掌應請將明港驛驛丞兼巡檢職銜仍帶驛丞事務一切盜逃解犯以及餉鞘等項經過住宿責其稽察防守以專責成俾兩無歧悞再查陝州與河南府屬之澠池縣相距一百四十里其陝澠適中之地則為硤石驛凡遞解要犯餉鞘經年絡繹不絕其自陝至澠由澠至陝一日不能到城均需硤石驛投宿既無監倉收禁又無官典稽查雖有驛丞一官專司應付差使並無巡緝防守之責鄉地等役呼應不靈設有疎虞所關匪細且附近硤石各村

莊民人皆分居山谷稽查為難又非驛丞所能兼
理庶如所請添設巡檢一員凡逃盜解犯餉稍等
項理遇住宿責其稽查防守附近地方令其專司
巡緝又查州屬靈寶縣之號略鎮距縣四十里

初設有巡檢一員後因奉文裁汰其地為南山峒
喉總匯通來戶口殷繁奸良莫辨其自號以南俱
係屬密壘更屬奸藏奸縣令勢難兼顧查該縣縣
丞雖有糧務水利之任而事甚簡易且可隨地辦
理亦應如所請將靈寶縣縣丞移駐號略鎮兼管
巡檢職銜附近各村俱可資其巡緝又查開鄉縣
之文底鎮距縣四十里為山陝河南三省通衢商
賈輻輳人烟稠雜匪類易於潛跡稽查更宜嚴密
設巡檢丞雖有水利錢糧之責尚屬閒暇應請將
該縣縣丞移駐文底鎮兼管巡檢職銜以司緝
捕於地方有益又查光州屬之固始縣距縣城
九十里之三河尖地方接壤江南往來絡繹人烟

勅部議

議覆施行為恭請復設縣治以利民生以彰教養事

臣

看得豫省南陽府屬舊有南召一縣原額地三千五百二十四頃零人丁八千七百八十二丁共征銀一萬二千一百八十二兩零雖僻處萬山之中實為扼要之地蓋以北接嵩魯有重山之險南離宛城有清水之隔西鄰內鎮東連裕葉俱不下二三百里其地皆林麓大山形勢宏敞頗稱巖邑迨後屢遭兵燹人民凋敝恭遇我朝定鼎之初招徠流移漸得歸復然其時人丁止有六百熟地僅存百頃民稀糧少是以順治十六年間議將南召縣裁汰歸併南陽縣管轄自是以來休養生息歷今七十餘載仰荷

聖

江仁恩覃被淪浹民生更蒙我

皇上德澤廣布大化涵濡雖僻壤遐陬物產不得其所是以即南召一隅生聚壘闢蒸蒸日上歲今計熟地

已有九百一十三頃零人民為近萬戶額徵糧銀
三十一百八十五兩四錢零地開民稠已歲然仍
具有一邑規模非曩時可比蓋該地連歲豐稔人
民又安方見版籍日增土田滋廣繫意之氣洋溢
閭閻之壺其中尚有膏腴之壤不啻數萬餘畝臣
現在並同司道府等倡捐銀兩購買牛具籽種將
別邑貧民無田可耕之戶遷移於此借給牛種苦
盡勞逸令其就近開墾尚可容數千餘戶將來不
特可復舊觀更堪疆圉式廓況查是地四至路通
山西陝西湖廣三省界連各邑犬牙錯雜頗關緊
要雖曾於雍正五年間經前督臣田文鏡
題請將該府通判移駐南台以資彈壓但通判僅司
緝捕至於相驗命盜徵糧聽訟均需知縣料理若
仍令南陽縣併轄往返動經數日在官有鞭長不
及之虞民有奔走跋涉之累而南陽係附府首邑
事煩賦重又屬南北衝達實難兼顧臣查南台地

聖治 方向因民糧稀少故暫裁縣歸併今幸恭逢
隆盛戶籍繁昌應請仍復設南台縣治劃分管理

添設知縣典史各一員於南陽縣學撰訓導一員
其現駐之通判仍回府城佐理通判衙署即可為
知縣官署一切城垣等項止須添修增補不特吏
治民生均有裨益而

聖朝教養之隆益昭垂於億萬斯年矣茲據布政使司
布政使盧焯署按察使管河兵備道白映棠分巡南汝道
副使費謨流會詳請復設縣治前來臣覆核無異相應具
題伏乞

勅部議覆施行再查南台新設縣治地方緊要臣查有
現署南陽縣李青店巡檢楊嗣清係於雍正八年

京外各保舉之員奉

旨命往河南酌量委署試用先經署理河內縣縣丞及
布政司經歷歷任俱能奮勉向上現在飭委勘查
南台可墾地畝該員居官勤慎辦事精明且熟

悉南台風土臣請即以楊嗣清委署南台縣事照
例試用果能允稱厥職另行

題請實授庶要地得人而臣亦克收臂指之效伏候
聖鑒定奪

為通籌豫省府州情形敬抒末議等事

該臣看得豫省為土

中興區疆圍界連六省南北環繞大河幅輳廣濶
戶籍繁滋該管各官間有鞭長不及之虞尤須因
地制宜詳查籌畫庶於吏治民生均有裨益且查
直隸州缺原係因時建置沿革不常通計河南一
省共有直隸七州其中或有應改設知府有應裁
併歸郡亦有實無別府可歸又不便另設知府者
相度地方形勢確有不齊臣蒙
聖恩高厚任兼督撫視事一載以來參覈情形就其道
里之遠近政務之繁簡細加妥議裁設分合及仍
循舊制之處悉心籌畫為我

皇上敬陳之如陳州一州南通三楚東接江南地方衝
要公事繁輻輳額甚多又兼轄四縣案牘叢集知
州一官顧此失彼實不足以資彈壓應請將陳州
改為陳州府另設附郭一縣同原轄之西商項沈四
縣併隣近開封府所屬之扶溝太康兩縣統歸管
轄查扶溝縣離開封府一百八十里離陳州僅一
百餘里太康縣離開封府二百二十里離陳州僅
七十里以之改隸新設知府管轄則一府七縣體
統加隆控制咸宜又如許州一州路通五省地處
衝繁知州既有本州刑民錢穀之任又有所轄臨
襄鄆長四縣盤查審轉之責勢難分身兼顧應請
將許州改為許州府另設附郭一縣同原轄四縣
並將就近之禹州裁去直隸州之名與所屬之密
新兩縣統歸管轄查禹州離許州九十里新鄭離
許州九十里密縣離許州一百六十里道路便易
以之改隸新設知府管轄則一州七縣環繞四面

而郡治居中有呼即應形勢規制均屬妥協此陳許二直隸州所宜改設知府而禹州一州即應併入新府者也又如鄭州一州與滎澤滎陽汜水河陰等四屬原係開封府所轄該州政事甚簡應請裁去直隸州名與所轄之滎澤等四縣仍歸開封府管轄以復舊制查開封府現轄十四縣今雖議再歸還鄭州及滎澤等五州縣但已議將扶溝太康二縣另歸陳州新設知府管轄則開封府共隸一州十六縣亦不覺其繁而陳州統屬七縣亦不覺其簡洵為適宜此又鄭州一州之應特裁歸併者也再如汝州一州界連萬山光州一州南接楚省東隣江南陝州一州逼近潼關地接秦晉均屬險要之區且州治地廣事繁又與各府富遠既不便於裁州歸府而所轄屬縣無多更不便於改州設府相應仍為直隸州照舊管理至河南府所屬之盧氏縣僻處郡西離府三百二十里隸陝州止

一、府內小里且陝州僅轄兩縣應請將盧氏縣改
名陝州縣則道里近便一切公事可無遲誤此
二、陝州府三州所宜仍循舊制無庸更定者也至
於陝州府州均改府治應將知州改為知府各
設府判知縣一員州判改為府通判吏目改為府
司獄司各府經歷事學正改為府教授訓導改管
府判學判各添設典史一員現在州學文武生
員各生分錄肄業所有入學名數併廣增貢額統
惟另議具
三、至陝州二府仍歸開歸道管轄倉庫錢糧亦應該
四、陝州府新設伏候
五、陝州府二府并通判教授以及新隸府司獄各
六、陝州府知府至知府通判司獄教授改管訓導
七、陝州府知府二員典史二員衙署倉庫
八、陝州府二事項統候

允準之日另行查核報部仰懇

皇上天恩俯準臣請則豫省十府三州大小相維遠近

相制官碑其守民安於治裨益良非淺鮮矣臣歷任豫省地方習熟通籌各府州情形悉心區畫敬

抒末議非敢妄擬紛更實不敢因循默然今據布政使司布政使盧祥署按察使管河兵備道白映

棠會詳前來與臣所見無異相應具

題伏乞

勅部議覆施行再查陳許二州新改知府必得熟悉地
方強幹敏練之員方能勝任臣查許州現任知州

董思恭臣於雍正十一年

大計時薦卓異現已給咨送部引

見該州歷練吏治熟悉地方情形應請即以董思恭補
授新設許州府知府至陳州新設知府查有現任

祥符縣知縣安鳳彩年富力強精明幹練詳覈為
省會首縣該員實心任事辦理妥協且如開墾水

刊諸務獨能勇往向前毫無延縮實為幹員堪膺表率之任請將安鳳彩補授陳州府知府均屬才堪勝任入地相宜臣為地方得人起見據實

題請如蒙

聖恩俞允并將安鳳彩給咨送部引見失候

聖鑒定奪巡撫雅爾圖為奏明撥調漕運等事

奏為奏明撥調漕運

之米豆以順民情事伏查豫省漕糧歷年未折屢更經前撫臣尹會一

題

定法詳符等五十五州縣徵運本色外其餘水次

四百里以外之永城等十九州縣折徵銀兩赴水

次撥買已運計採辦米二萬九千餘石每至冬間十九州縣齊赴衛輝水次購買無如衛輝近河一帶民間多種麥豆少種粟米購買本屬艱難況漕糧係刻不容緩之事各州縣爭先採辦一時蜂擁

常至市集為之一空以致商賈居奇往往冬間米價反較昂于青黃不接之時小民深以為苦而十九州縣因定價不敷每急賠墊官民均受其困數年以來或請加增價值或請改解折色議論紛起臣竊以為

國家經費自有常制豈可因辦理未得其當而遽請

加價至於

京師為根本重地漕運關係

尤更艱容輕議改折惟有設法調劑以期妥協前因事關漕運必須通盤計算方敢請

旨遵行曾經附摺

奏明在案今體察地方情形與司道大員細加籌畫查豫省雍正十年以復兩次奉文將漕米改徵黑豆七萬石從前於通省辦漕州縣均勻派撥徵收兌運惟是黑豆一項多種植於近河之區是以衛輝一帶出產頗廣價值亦平而離河稍遠之州縣

雖種無幾小民米豆無納頗覺未便臣請將永城等州縣採辦之米歸於祥符等州縣徵解而以祥符等州縣徵收之豆歸於永城等州縣採買在祥符等處小民原係納米今仍其舊制並非苦難且該處米多豆少完米更覺便易而永城等處將折徵之銀赴豆多價平地方採買起運不但官免賠墊之虞而衛輝米價不致每年踊貴既于民食大有裨益又于漕運米豆毫無增損實屬官民兩利之舉是否有當伏乞

皇上聖明訓示遵行謹

奏欽奉

硃批該部議奏巡撫雅爾圖為奏明購辦豆石節省盈

餘等事

奏為奏明購辦豆石節省盈餘貯倉備用事伏查豫省永城等十九州縣應辦漕糧

向係折徵銀兩赴衛輝水次買米兌運以致米價一時踊貴民受價昂之患官有賠墊之虞積困已

久經臣恭摺具奏請將本省額辦之黑豆俱歸永城等州縣購運以

紓重累準部臣議覆欽奉

俞旨允行官民積困一甦歡聲載道臣又恐立法之初

或州縣辦理未善奸商又以黑豆居奇則定價不敷仍於官民無益隨查糧道庫內貯有閒款一項

係前撫臣石文焯著落撫臣楊宗義情願歸公除歷任撫數銀兩後買補餘存楊宗義情願歸公除歷任撫

臣奏明動用外現存銀三萬四千餘兩從未報部撥用臣思此銀間貯在庫日久必為無益之糜費

因於新豆將登舊豆價平之際動支此項閒款銀二萬四千兩按照每石八錢之定價飭令銜輝彰

德二府預購黑豆三萬石俟每年徵漕之時如遇豆價昂貴即以預購之豆撥抵兌運如遇豆價平


減將此預購之豆留為下年接濟之用今據銜彰二府并永城等屬具報本年黑豆大熟價值頗賤

不但購買齊全抑且尚有節省統計臣預購豆三萬石又永城等屬徵辦豆三萬六千九百九十二石零按定價計算通共節省銀八千九百三十九兩零此項銀兩原係各屬定價內節省餘銀因近來各員頗知自愛不敢侵冒是以據實報出固不便給還原辦之員似亦不便遽行歸公臣竊各屬赴此豆熟價平之際亦并買豆存貯又可得豆一萬二三千石此項餘豆應與預購之豆俱貯水次倘將來遇有黑豆價昂定價不敷之年準令動支撥抵免致有悞運務貽累官民至豆性耐久雖積貯多年亦屬無礙如此通融辦理本年已有預購及餘豆四萬二千石此後若豆價不昂則逐年俱有盈餘數年之間不必動用帑項可漸積黑豆十餘萬石在官民既可永免貴價之苦累且豫民日食之雖麪多用黑豆攪和并可接濟偏災實於民生儲蓄大有裨益所有徵臣購豆節存緣由理

合據實聲明伏乞
皇上審鑒謹

奏欽奉

硃批所辦甚妥知道了



河南通志卷七十六